


# MALĀLŪSYO NA MĀMULO PA MBEPO MWĪKĒMO

 Kangi ukufuma pa kilo kya mmayolo uswe itolo twesa twisusígwe mōsa. Une mbilike ubuketi ubununu umwisyugu ubwakuti bingi bābo bambilile u Mbepo Mwikemo. Kangi uswe tuli bahobofu panongwa ya ikylene.

<sup>2</sup> Nsangalwike ukuya na Nkundwe Graham na uswe ikilo iki, yumo mwa babombi bitu apa ukufuma nkipanga, untimi gwa kipanga kya bwīkēmo pamwanya mu Utica. Kangi Nkundwe Jackson, umwene āli muno nkilo, une ngusubila ikylene kyāli, pamo umwene ali kunyuma apa mu kilundilo pabuyo bumo lilino, umunduyumo āyobīle, mu . . .Ena, une nguketa Nkundwe Jackson kunyuma mu kilundilo lilino. Kangi—kangi Nkundwe Ruddell, ngimba umwēne ali apa ikilo iki? Uyu yo yūngi yumo mwa babōmbela-palikimo panja apa pa “62.” Uswe tusāngalwike ukuya na bēne muno. Kangi nu lwītu. . .O, Nkundwe Pat, na bosa abakundwe aba, uswe tuli—kangi panja mu kilundilo. Uswe tuli basangalufu ukuya na umwe mwesa apa ikilo iki.

<sup>3</sup> Lilino, linga une mbagile ukwitikisya i kīndu, une mbagile ukubatwāla yumo mwa bala abalūmbilili abanunu pamwanya apa ukuyoba kwa umwe, panongwa yakuti une amasyu gālīle itolo ukufuma ukuya na kabalilo akanywamu nkilo.

<sup>4</sup> Lilino, unkasi gwāngu, umwēne yo bunosye bwāngu; umwe mumenye, bakundwe, iki une nguyobelapo. Umwene aatile abandu kunyuma nkilo bakabagiile ukumbilika une, panongwa yakuti une nayobaga mu kindu iki. Kangi lilino, bo une ngāli ngandako, une nguya pakugela ikindukimo. Lilino, une nguswiga linga ikyo kyo kinunupo. Ngimba kinunupo kubutali kunyuma mu nyuma? Pamo ngimba iki kinunupo? Ngimba iki kinunupo? Lilino, Luuki, ko kabalilo kamokene aka une ndinako ukung’wala ukulwana na ugwe. Lilino, abene bikuti ikyo kyo kinunupo. Umma ndaga. O, mwe! Uyo yo nkikulu. Ikyo kyo kinunu, panongwa yakuti akene kāli kabalilo katali ukufuma pāpo une nāli nako kamo. Umwene akabalilo kingi yo kusalusya.

<sup>5</sup> Ena, uswe naloliloli twāli na kabalilo akakulumba pa bubōmbēlo bwa kilo butatu; une nābombīle. Kangi lilino, amatepi, gosa ukupāgulāpo nkilo. . . Une nālinkolīle u Nkundwe Goad nukumbula umwene ukwisa ukwegelela i tepi ya kipanga. Lōli ikyēne kyābonīke ukuti une nāpilikisye ukuti Billy Paul āli ni ligali lyāke kangi ākīndīle, polelo i tepi yikālyēgeleligwe na mūmo une mmanyīle. Popāpo uswe tupondilwe ikyo. Une āngāli

nigène ukuyikyūnga iyēne mu kipānga panongwa ya kipānga kuli—yumo ikuyoba—iki uswe tukwitika.

<sup>6</sup> Lilino, ikilo iki une nguypakuyobaga pa *U Lukomano Ulukulumba*, linga une mbagile ukukīndamo ukwisila mu nkabalilo ka malālúsyo. Kangi polelo, kilabo kulubunju lo bubombeli bwa bubūmbulúsyo. Kangi uswe tukuyaga pakwīputīla ababine. Polelo, uswe tukabagila ukupa panja—pamo itolo ukubuka nukuyoba, “Lilino, une nguuyaga pakukwega ugwe, kangi ugwe, kangi ugwe.” Ikyo kitikuyaga kitalusye. Lōli uswe tukuyabania ikibugutila kya makadi, kangi pabuyobumo mula mmakadi gala, une ngukōlèla amanāndi pamwanya pa kigemo. Kangi polelo, linga Mbepo Mwikemo ikwanda ukusetula, polelo Ikyene kikubuka panja ukwisila mu kilundilo nukubatwāla abandu panja nkilundilo ku bubombelo bwa bubumbulúsyo. Kangi polelo, kilabo kulubunju, une nguypobaga, u Ntwa itikisyeye, itolo pabutasi pa bubōmbelo bwa bubumbulúsyo.

<sup>7</sup> Une nguketa unkasi gwangu ikuseka. Lūki, ngimba ugwe ukabagila ukumbilika une na panandi? O, ugwe kumbilika une. Ena, ikyo kyo kinunu. Umwene ikwitugasya kunyuma mu nyuma kangi linga ikyene kyo—akabagīla ukumbilika une, umwene ikuyūgānia untu gwake, “Ugwe... Ukabagīla ukupilika ugwe, ukabagīla ukupilika ugwe.”

<sup>8</sup> Popāpo polelo kilabo—kilabo nkilo bo bubōmbelo bwa lusasanio nu bubōmbelo bwa lōsyo lwa mmisi. Kangi polelo, nakalinga itolo linga une ngufikapo ukukīndamo mukulūmbilīla kilabo nkilo, uswe twisakukwabīla ku fikingo nu kuya losyo lwa mmisi apa kilabo nkilo. Linga u Ntwa ikwitikisya, linga u Ntwa ikwitikisya, ndubunju une ngulonda—pamo kilabo nkilo une ngulonda ukuyoba pa kimanyisyo: *I—I Kimanyilo Kyāpēgigwe*. Kangi polelo, linga uswe tuli apa pa Kitatu nkilo, linga u Ntwa ikwitikisya une ukuya apa Kitatu nkilo, Une ngulonda ukuyoba pa kimanyisyo: *Uswe Tuketile i Ndongwa Yake Ku Busokel’ilisuba Kangi Uswe Twisile Ukummwiputa Umwene*. Lilino, ikyo kyo itolo pankyēni pa pankyēni pa Krisimasi.

<sup>9</sup> Kangi polelo, nakalinga itolo ukufuma pa Krisimasi go ndungu gwa butūsyo bwa Krisimasi. Apo po pāpo uswe tukwegāga bōsa abakalata... Nkundwe Mercier na bala akabalilo kingi bukubatika abēne bōsa pānja. Kangi uswe tukubīka abēne bōsa pānja, kangi uswe tukwīpūta pamwanya pa bakalata aba nu kunsūma u Ntwa ukutulōngosya uswe ku buyobuliku ukukīndamo nkīsu iki uswe twisakubukāga ngako.

<sup>10</sup> Lilino, abēne bo, Banyāmbāla Bakyulusi ba Kikristi, bali nu lukīndi ulukulumba lukwīsa, ikyo kyo kikuyaga mu Florida palapala pala kuli u lukōmano lwābo. Buka ukufuma kula ku Kingston, polelo ukwakufika ku Haiti, kangi ukwisuluka ku

Puerto Rico, ukubuka Kwitongo kwa America, ukugomokela kula ukukĩndamo ku Mexico.

<sup>11</sup> Lōli u Ntwa ukuboneka ngati ikundōngosya une ku Norway. Une ngamanya nongwa ya fiki. Umwe mumenye akabūku akanini kakubilikigwa *Nnyāmbāla Atumīgwe Ukufuma Kwa Kyala?* Ilyēne lyo lifumusye ilyafyakyala ilinyāmu ukukinda-fyosa mu Norway. Inogona isya ikyene, iki u Ntwa abombile kula. Kangi akabalilo kako une naali kula, abene balinkutoligwa ukunyītikisya une ukwāla amaboko pa babine. Une nāli kula ku kilo itatu. Kangi abēne balinkusita ukunyītikisya une ukubīka amaboko pa babine. Popāpo umwe mukukēta iki Kyala abagīle ukubōmba. Ifilūndilo fyāli finywāmu fiyo abēne bafīmbilisigwāga ukwēga abasikali abafyūsigwe, ifalasi, kangi ukubatogesya abāndu panja pa ngīndi ukuti une nābagīle ukufikapo pala ku buyo. Kangi une ngālyālile amaboko pa babine. Une nabīpūtīle abēne palema; ukubītikisya abēne ukubīka amaboko pa yumo nu nnine.

<sup>12</sup> Polelo . . . [Yumo ikuyoba kwa Nkundwe Branham—Nsimbi] Ena, une naloliloli ngubombaga, polelo. Lilino, kilabo kulubunju . . . Lilino, ikilo iki, lumo uswe itolo tukufikaga mu malālūsyo aga, panongwa yakuti uswe tuli nago gamo aga manunu fiyo. Kangi une ngamanya kabalilo katali bule u Ntwa isakutukyungaga uswe pa kyene. Kangi polelo, kilabo kulubunju pamo Billy Paul, Gene, pamo Leo, yumo, isakuyaga apa ukuyābania amakadi ga lwīpūto pa lwēle mpaka lwēle-na-sinda. Lilino, abandu aba panja-ba-kaya, unko une nkitendeke ikyene lōsa-kangi ukuti umwe mutikwibwa. Linga umwe mukulōnda ukwīsa mu lukīndi, uswe kinunupo tuyege na bāndu ba panja-pa-kaya linga kyakubōmbigwa.

<sup>13</sup> Lilino, utubalilo tumo apa nkipānga uswe tukufika ku buyo kūko abēne bikuyoba, “Ena . . .” Uswe tukwēga bandu ba panja-pa-kāya, ukubatwala abene pamwanya . . . Umunduyumo ikuyoba, “Ena, une ngāmenye iki kyātamisye na bene. Abene lumo bābagīle ukuyobāga ikindukimo ikisobi.” Polelo ugwe kwegaga abandu ba nkaya; abene bikuyoba, “O, ugwe lumo gwāmenye abene.” Polelo . . . Polelo abene bikuyoba—ikyene kiyobigwe, “Ena, une ngukubulaga ugwe, agene go makadi ga lwīpūto.” Mulimōsa, bule bala bābo bakaya na makadi ga lwīpūto? Kangi pala pafumile ukuya lisiku ukufuma lisiku akabalilo kāko ikyēne kyo . . .

Ngimba kuyoba fiki? [Nkundwe Branham ikulalusigwa ukwima kunyuma ukufuma ku kyakuyobelapo—Nsimbi] Gomokela kunyuma ukufuma ku kyakuyobelapo? Ena, umwe mumenye, une akabalilo kosa ngulumbililaga pakati pa nsebwe. Polelo lumo une itolo ngwegaga ikyene bo ulo. Ngimba ikyo kinunupo? Ikyo kyo kinunupo. Ikyo kyo kinunu. Une ngukubulaga ugwe iki ikyene kili. Ikyītu—ikyītu ikyalufumusyo-fumusyo kyo kilōndo fiyo, kilōndo fiyo. Kangi uswe tutikugela

ukuyapo kanunupo paliposa mma lilino, panongwa yakuti uswe tukulõnda ikitembe ikipya kiyengigwe mbibimbibi itolo. Kangi apo po pãpo uswe twisakuyaga ni fwasi inyingi (muketile?), linga uswe tubagile ukufika ukusyungutila apa nukukusya ubuyo ubu panja panini bunywãmupo, nukubikamo amabuyo gamo agakõngelelapo, nukwitendekesya ku ngomano akabalilo kako uswe tulinasyo isyene kuno.

<sup>14</sup> Kangi lilino, kumbukilaga, ndubunju abalumiana, yumo pamo batatu ba abene bisakuyabaniaga a makadi pakati pa lwele-na-sinda, pamo, lwẽle na lwẽle-na-sinda. Ikyo kikupa u lusako kuli aligwẽsa ukufika ukusengama pãsi. Kangi une nãyobaga pa isya mũmo abẽne bikuyabanisya amakadi, nongwa ya fiki uswe tukubõmba ikyẽne. Ikyẽne kyo kukyũnga ulubãtiko. Muketile? Lilino, bule linga une nĩsile muno, itolo ngati lululu lilino kangi ndinkuti, “Unko unkikũlu *uyu*, unkikũlu *uyu*, kangi unnyãmbala *yula*, kangi unkikũlu *uyu* . . .?” Umwe muketile, ikyo kikuyaga mu luko—ikyo kikuyaga nduko lumo kikafu. Muketile? Kangi polelo, linga ugwe. . . Utubalilo twingi une mbombile iki. Kangi linga abene bakaya bingi fiyo ndubunju mma, une mbagile ukubomba ikindu kilakila. Une nguyobaga, “Ngimba bandu balinga apa bafumile ukufuma panja pa kaya aba bali nakyo kimo kitamisye na ugwe? Ugwe imilila.”

<sup>15</sup> Nkundwe Mercier, ugwe kwisa ku buponesyo bwãngu. Ugwe kwisakundũlãga une? [Nkundwe Mercier ikuyoba, “Une ngwisila ku buponesyo bwãngu.”—Nsimbi] O, ugwe kwisa. . . Umwene ikwisa ku buponesyo bwake mwene. Une nãyobile ku kibwezi kyãko umwĩsyũgu. Lilino, ugwe kinunupo uyege nnuu fiyo kwa une. Muketile? Umma ndaga. Ikyo kyo kinunu. Une—une ngunyonywa ubukifu bula Nkundwe Leo. Akabalilo kãko ikyẽne kikaya kitalusye, unko uswe—unko uswe tulyãge ilyẽne ukuya litalusye mũmo uswe tumenye akatwalilo ka ilyẽne, ikinunu ukukinda iki uswe tubagile.

<sup>16</sup> Popãpo lilino polelo, itolo sũma kuli abãndu bãpanja-pa-kãya ukufyũsya mmwanya amaboko gãbo aba bali nakyo ikindukimo kitamisye na bẽne. Kangi polelo nukwima itolo pala, ukwikemesya pa mundu yumoywene mpaka u Mbepo Mwikemo andaga, kangi ukwegu ikilundilo kyosa. Balinga bãli apa akabalilo kãko abẽne bãkẽtĩle kila kibõmbĩgwe nkati muno? Naloli! Muketile, muketile? Polelo ikyene kikaya ni mbõmbo yo njila nki iyi ikyene kili. Ikyene kyo itolo. . .

<sup>17</sup> Une ngulõnda umwe ukukũmbukila iki, kangi une ngugelaga ukubũkamo ukukilania pa kyẽne ndubunju kãngi. Bãpanja, i Nongwainunu iyi yipẽgĩgwe ku bẽne yo Nongwainunu ya lwĩtiko, komma ya imbombo napanandi. Muketile? Kangi mũmo une nãyobile ikilo kya mmayolo. Akabalilo kãko u Mbepo Mwikemo ãgwĩle ku Pentekosti, akabalilo kãko abẽne bãbũkĩle ku baYuda (Imbombo 19:5), abẽne bafimbilisigwãga ukubĩka amaboko pa bẽne ukuti abẽne bikwãmbililãga Ikyẽne. Kangi

akabalilo kako abene bábukíle kula ku baSamaria, abene balinkufimbilisigwa ukubika amaboko pa bene. Lōli akabalilo kâko abēne bikwîsa ku Bâpânja ku nyumba ya Korneli, “Akabalilo kâko Peteri akâli ikuyoba amasyu aga . . .” Nakumo ukulâmbalika kwa maboko.

<sup>18</sup> Akabalilo kâko undindwana unnini âfwîle, umwanundindwana gwa Yairo, umputi, alinkuti, “Isaga bîka amaboko pa mwene, kangi umwene isakuyaga mûmi.” Lōli akabalilo kâko unkulumba gwa kiRoma, ugwa Bâpânja, alinkuti, “Une ngaya gwakufwana Ugwe gwise pâsi pa buyeleke bwângu, yoba i lisyu.” Ikyo kyo ikyēne. Muketile?

<sup>19</sup> U nkîkùlu gwa kiSirofinisia, gwa kiGriki tutigi iki umwēne âli, akabalilo kâko umwēne—akabalilo kâko Yeso âyobile ku mwēne, alinkuti, “Ukwene kukaya kununu kwa Une ukweega unkati gwa bana nukugupapo ugwene ku mbwa.”

Umwene alinkuti, “Ikyo kyo kyabwanaloli, Ntwa; loli imbwa pâsi pa mēsa yikulya utwabususilwa twa bâna.”

Umwene alinkuti, “Panongwa ya kuyoba uku, u mōhèsi ândekile umwanundindwana gwâko.” Yoba ifindu ifinunu polelo. Yoba ikindukimo kinunu ukufwana nu mundu yumo. Yoba isya Yeso. Yoba ikindukimo ikisubiligwa, ikindukimo ikyabwanaloli. Iyo yo njila iyakusôsyápo imisyetano. Umwene akâyobilemo siku—Umwene akâliputîlêmo siku u ndindwana uyu. Umwēne akâyobilêmo siku ikîndu kimokyēne isya umwēne ukuya mbumbulusígwe; Umwēne itolo âyobîle, “Panongwa ya kuyoba uku, panongwa ya kuyoba uku . . .”

<sup>20</sup> Hattie Wright, ilisiku ilingi, umwēne akâsûmîle kuli nakimo. Umwene âli itolo itugesye pala, loli umwene âyobile ikîndu ikitalusye, iki kyâlinkyêlîle u Mbepo Mwîkêmo. Kangi u Mbepo Mwîkêmo alinkuyôba ukugomosya kangi alinkuti, “Hattie, suma kalikôsa aka ugwe gwîganîle, kilikyôsa ugwe uli nakyo kangi ugwe kulônda. Syâgânia kali iki kyo kyabwanalolili pamo mma. Suma kalikôsa (ububûmbulûsyô bwa kalûmbu kâke akanini akalemale kitûgesye pala lôsa kikwâbènie môsa; amadola maalifu kalongo ukuti alingalimaga mula ntwâmba ukukilania kela; ubutubwa bupyânikisigwe ku mbili gwâke ugu gufilisike); kilikyôsa ugwe kulônda ukusûma, ugwe sûma ikyēne lululu lilino. Linga Ikyene kitikwisa nukukupaga ikyene kwa ugwe lululu ulu, polelo une ne nsololi gwabutungulu.” Ikyo kyo—ikyô kyo kindukîmo, bule ikyene?

<sup>21</sup> Yeso alinkuti, “Yoba ku kyâmba iki . . .” Kangi umwe mupilike i—isyâ iki kibonike pa buyo; ubo bo butumígwe ubu uswe tukwingilamo. Uswe tuli kubutali pa nsebwe lilino. Lululu ulu u Kwisa kwa Ntwa Yeso. Kangi uswe tukufimbilisígwa ukuya nu lwîtîko lwakunyakiligwa mu Kipânga iki kibagîle ukwandulígwa nkabalilo, mu kukupulania kya kisige ukusôka panja, pamo uswe tutikubûkâga. Lōli

komma ukupasya, icyēne kikuyaga pala. Ikyēne kikuyaga pala. Kangi akabalilo kâko a maka ga kipanga *iki* gikufyūkila, icyēne kisakutwāla abakundwe bāke; a maka ga kipanga *kila* gikufyūkila, bisakutwāla abakundwe bāke; a maka ga kipanga *kila* gisakutwālāga abakundwe abāngi; polelo pisakuyapo u busyūke bwāligwesa. Kangi uswe tukugūlila ku kyēne.

<sup>22</sup> Lilino, komma ukwībwa, amakadi ga lwiputo ndubunju pa sala ya lwēle mpaka pa sala ya lwēle-na-sinda. Polelo une ngubalālúsyā abēne kilikyōsa kyāli nkati, polelo itolo ukuleka amakadi, nukugomokela, nukwitūgāsya pāsi (muketile?), 'nongwa yakuti abēne bisakuyaga na gēne gikuyabanisigwa lumo bo kafwene akabalilo kala mulimōsa, pamo bu bwīngi mūmo uswe twisakukwāba ukufuma kula pabuyobumo. Abalumiana bisakukwīsaga pamwanya, ukufulugania gōsa a makadi mōsa papapa pankyene pa umwe, polelo linga ugwe kulonda limo, ugwe kulonda limo, pamo kilikyosa ikingi bo ikyo. . . Polelo akabalilo kako une ngwisa mula, une ngwisa itolo. . . Kulikosa u Ntwa ikuyoba ukuti ngōlèle ukufumapo. . . Kangi linga Umwene āyobile, “Komma ukubilikila na panandi,” une ndisakubakōlēla abēne na panandi (muketile?), itolo kilikyosa icyēne kili.

<sup>23</sup> Kangi une ndi. . . Ubutumigwe bula bo itolo kifuki ukusima mōsa mulimōsa; kilipo ikindukimo ikikulumbapo kikwīngilāmo. Kumbukilaga, apo po akabalilo kalikosa akene kayobigwe ukukilania ikigemo iki pamo ukukilania ikigemo iki, kangi icyene kikatoligwamo siku mpaka na lino. Umwe mukukumbukila ubutumigwe ubwakufwana ni kiboko? Muketile iki icyene kyābombile? Aminogono ga ndumbula, kēta iki icyene kyābombile? Lilino kētésya iki: yoba i Lisyu, kangi kēta iki Ikyene kikubomba. Muketile? Une mbabulile umwe apa ifyinja fīngi ifi fikindilepo—i kipanga (une nguyoba ku kipanga)—ifyinja ifi fikindilepo, ifyīnja fitatu pamo fina ifi fikīndilèpo, ikindukimo kikwītēndekēsya ukuyako; icyēne kikwītēndekēsya ukuboneka pa buyo. Kangi apa icyēne kyo lilino kikwībālula mulamula nkati uku. . . Ikyēne kikwībūmba kyēne mōsa. Lilino, uswe tukupalisya panongwa ya ikyo. O, mūmo uswe tuli bakupalisya. Itolo nhobwike fiyo.

<sup>24</sup> Lilino, uswe tuli nago amalālusyo amakafu fiyo apa, kangi uswe tukulōnda ukufika mulamula nkati mu gēne. Umundu yumo āketile amabuku gosa aga une nāli nago. Une ndinkuti, “Mulimosa, umundu unkomu itolo ikulondigwa limolyene.” Loli une ngaya mundu nkomu. Une ngufimbilisigwa ukuya nakyo ikilūdilo kya agēne ukukētamo nkati. Mulimōsa, uyu yo u Diaglott, kangi ili lyo i Bāngèli, kangi uyu yo konkodansi. Popāpo icyēne kyo. . . Uswe itolo tukusūmāga u Ntwa ukututula uswe nukulongosya uswe ukwāmūla amalālúsyō aga itolo ukufwana nu bwīgāne Bwake Bwakyala kangi i Lisyu Lyake.

<sup>25</sup> Polelo lilino, unko uswe twinamisye imitu gyitu itolo

pakabalilo ku lwiputo. Ntwa, uswe tukupalisya kwa Ugwe ukufuma ku busolofu bulabula ubwa ndumbula syĭtu panongwa ya iki Ugwe ubōmbĭle kuli uswe mu mikilo mitatu igi gyakĭndaga. O, ukukĕta ulukomano lwa balumbilili kunyuma kula nkyumba nukuponania amaboko, nukwipyagila u lwitiko, kangi—kangi ilikato ilipya ukwĕga. Ukukōlĕla pala pa fōni. . . Kangi indũmbũla syĭtu sikusāngaluka, kangi abāndu ukwāmbilila u Mbepo Mwĭkĕmo ukufũma pāpo abĕne bafumile—bakĕtile i Lisyu Lyāko, mumo Ilyene likuyobela katikati ilikato pa likato akambililo ka Mbepo Mwĭkĕmo. Uswe tukupalisya fiyo panongwa ya ikyo, Ntwa.

<sup>26</sup> Ugwe kupela ifindu ukuya fipepe fiyo kwa uswe, panongwa yakuti uswe tuli bandu bapepe. Kangi uswe tukusuma, Kyala, ukuti—ukuti Ugwe kutwikitisyaga uswe twesa twipelege twibene ukuya bapepe. Kabuno ikyĕne kyo. . . Ulo lo luko ulu lukwĭyisya mwĕne bisakufyũsigwaga. Kangi amahala ga kisu bo butoyofu kwa Kyala; kũko kwālinsangalwĭse Kyala ukwisila kwa butoyofu bwa kulũmbilila ukubapoka abĕne bāli bāyōnge.

<sup>27</sup> Kangi lilino, Tāta, galipo apa mbukolele bwāngu amalālũsyo mingipo aga galālũsigwe ukufuma ku ndũmbula syabwanaloli isi syo sikupāsyā. Kangi limo mwa gĕne lyāmũligwe mbusopi libagile ukusopa u mũndu yula injila insōbi, ukusopa ubwĕlu ubusobi pa lilālũsyo lyābo ili likubatamia abĕne. Polelo Ntwa Kyala, une ngusuma ukuti u Gwāko Mbepo Mwĭkĕmo isakwendaga pa uswe nukusetulaga ifindu ifi, kabuno ukwene kusimbigwe mu Lisimbo, “Suma kangi ugwe kwisa kwambililaga; kangi londalondaga kangi ugwe kwisa kufyagaga; kung’usya kangi ikyĕne kisakwĭgũka kwa ugwe.” Kangi ikyo kyo iki uswe tukubōmba lilino, Ntwa, ukukung’usya ku kifigo Kyāko ikyā kisa. Twimile mu nsyũngũlu gwa bugolofu Bwāko, uswe tukulamba kuli Lilopa lya Kristi gwa Kyala kangi kuli Mbepo Mwĭkĕmo.

<sup>28</sup> Kangi uswe tutikwisila ikilo iki panongwa yakuti itolo uswe tusōkilĕpo pa kilo itatu isya kulumbilila pa Mbepo Mwĭkĕmo, uswe tukwĭsa nu busolofu ukukĭnda-bōsa ubwa luyĭndiko nu bwanalōli-ndumbula. Uswe tukwisa ukuti ukuya ngati iki kyaali kilo kyabumalikisyo uswe tubagilemo siku ukuya pa kisu kya pasi. Uswe tukwisa ukwitika ukuti Ugwe kwisa kwamula inyiputo syitu. Kangi Ntwa, uswe tukukusuma Ugwe lilino ukutwikutisya uswe nu Bumi Bwako ubwa Bwilanabwila. Kangi mu kwāmula kwa Lisyu Lyāko, āliyaga u Mbepo Mwĭkĕmo, O Kyala, bo uswe twākyaĕgile ukuti ikyĕne yo Gwimwene pakati pitu, uswe tukusuma ukuti Umwene isakusetulaga kwa uswe ikilo iki i findu ifi uswe tukunyonywa. Kangi uswe tukunyonywa pĕne ukuti imyoyo gyĭtu gibagile ukuya pa butũsyo, kangi aminogonelo gĭtu pa lutĕngano, nu kuya nu lwitiko mwa Kyala ukwendela nkyĕni ukwiyobela isayo isi Umwene aafingile. Uswe tukusuma iki mu Ngamu ya Yeso. Ameni.

<sup>29</sup> Lilino, une ndinago amalālúsyó gōsa aga gāpēgígwe kwa une, ukupāgulako limo. Kangi une nālyāmwire u Nkundwe unnini Martin yūyo ālindālúsyá une ililālúsyó nkilo pabutasi, itolo limo. Gāliko mīngi apa ikilo kya mmayolo, lōli ikyēne kyāli fyākusūma fyālwīpúto. Kangi Nkundwe Martin ālindālúsisyé une ililālúsyó ukufwana na Yohani 3:16—pamo Yohani 3, Une ngwitika, ukufwana, “Pene pápo u mundu apapigwege mu misi kangi na mwa Mbepo, umwene akabagila ukuketa i Kitangalala,” nukufwānikisyá ilyēne ni tepi iyi une nātumile pānja pa Bahiburi. Kangi une nālyāgēnie nu mwēne nkyūmba kyakunyuma kuno namayolo mmayolo, kangi—bo une ngāli ukuya nu lusako ukummwāmula umwēne, kangi polelo une nābombīle pala, pa kimanyisyó.

<sup>30</sup> Lilino, ngimba balipo balibōsa apa aba bakāli apa ikilo iki kyākīndága? Unko uswe tukēte amaboko gīnu, aba bakāli apa nkilo. O, uswe, naloliloli twānyonywaga umwe angali muli na uswe. Uswe twāli na kabalilo akalwimiko nki. U Mbepo Mwikemo . . .

<sup>31</sup> Une mbagīle, itolo ku miniti . . . Ikyēne kitisakufulasya. Iki kyegelelígwe-pa-tepi. Kangi linga undūmbilili aligwēsa ikwāgigwa uku—pamo umundu uyu ikwāgigwa ukukānikana pa iki une nitēdekisyé ukuyoba lilino, pamo, mōpe mmalālúsyó, une ngusūma, nkundwe, ukuti ugwe utisakwīnogona ikyēne kihēsya, lōli ikyo—kumbukilága ukuti i tepi iyi yikutēndékigwa mu kipānga kyītu apa. Uswe tukumanyisyá ku bandu bitu. Abalumbilili bīngi abakindane bitugesye ukusyungutila. Kangi une ngulonda ukubuka mu kimanyisyó kangi, kabuno balipo bamo mwa bāndu bītu aba bātoligwe ukwīngila muno nkilo kyammāyōlo aba une ngubabona bali muno ikilo iki. Kangi une ngulōnda ukubūka ukukīndamo itolo a kabalilo, linga umwe mwisakwītíkisyá ikyēne, pa iki une nāyobīle amayolo aga gākīndága; kangi ikyo kyaali pa Pentekosti, ukufuma pakwāmbilila u Mbepo Mwikemo.

Lilino, ukubala ukufuma mu *Diaglott Unsisimikisyi* gwa busanusi bwa kiGriki, kūko une nālimo namayolo aga gākīndága, ili lyo lilāmbaléle ligwike pankyēni pa une lilino. Ikyo kyo kisanusyó kyapabwāndilo ukufuma ku kiGiriki ukubūka ku Kingereza. Ikyene kitikubuka ukwisila mu basanusi abangi mma, ikyene kyo—kangi ifipya ifingi, ikyene kyo kulakula ukutalula ukufuma ku kiGiriki ukubuka ku Kingereza. Lilino, amasyu ga Kingereza, utubalilo twīngi gali nu kusanusyá bo uku ku gēne, bo mūmo une mbagīle ukuyoba lilino, *borodi*. Ega i lisyu lila *borodi*. Ugwe ubagīle ukuyoba, “Ena, umwene āsanusyāga ukuti uswe *twālinkatesye* umwene.” Umma! “O, umwene—umwene āhombīle *kibugutila* kyāke.” Umma! Ena, umwene . . . “Ikyene kyo *kiborodi* pa lubafu lwa nyumba.” Mulimosa, muketile? Pamo kalikōsa ka fila . . . Galipo mana pamo mahano amasyu amakīndāne gabagīle



ukubōmbelīgwa; ugwe kufimbilisigwa ukwega ifūndo. I lisyu *kēta*. *Kēta* likusanusya “ukupilikisya,” mu Kingereza. *Nyanja* yikusanusya “u mbili gwa misi.” *Kēta* kokuti “ukukétako.” Muketile? Lōli pa sanusyo isi, i lisyu apa lyābōmbelīgwe, ili une nāyobīlepo nkilo mu Imbombo untu gwa 2, kuko ilyene likuyoba, “Ndimi sya moto silinkwitugasya pa bene. . .” Lilino, une ngulonda itolo ukugomokela pa kabalilo. Mubagile umwe ukulōnda, itolo a kabalilo, nu luko lwa kugomokelamo ikyēne ku kabalilo bo uswe tukāli ukubūka pa butalipo bulibōsa?

<sup>32</sup> Lilino, syumbutuka, ugwe mwa Mwalafyale James pamo ko kusānusya nki ugwe kubala ukufumamo. . . Kangi une ngulonda ukubala ilyene. Kangi pilikisya kifuki fiyo lilino. Komma ukusitakupilikisya. Bīngi umwīsyūgu, yōpe na kalumbu gwāngu, bīngi ba abēne bakōlīle, alinkuti. . . Nka. Morgan. . . Bīngi ba abene bālīmo namayolo agabumalikisyo. Nka. Morgan yo yumo mwa bakalumbu bitu aba bātōligwe nagwe; kangi umwene aali pa lubambiko lwa bafwe mu Louisville ku fyinja kalongo-na-ntāndatu, kalongo-na-fihano-na-fibili ifi fikindilepo na kansa. Une ngwinogona umwene itugesye ku nyuma apa kangi ikilo iki. Umwene alinkutoligwa ukupilika, umwene alinkuti, panongwa yakuti une nāyobelāga mulamula mu kyakuyobelapo. Kangi panongwa ya bēne une ngulōnda ukugomokelamo iki ku kabalilo.

<sup>33</sup> Lilino, une ngubala ukufuma ku Lisimbo ili iIya Imbombo 2:

*. . . akabalilo kako ilisiku Iya Pentekosti Iyafikīle nubwisusye, abēne bāli bosa mu linogono limolyene. . .*  
(Lilino, une nkiganile ikyo kanunupo ukukīnda ulufwāno lumolwēne: 'nongwa yakuti umwe mubagīle ukuya lufwāno lumolwēne pa fimanyisyo fingi fiyo, lōli apa aminogonelo gābo gāli gamogēne.) . . . linogono *limolyene* kangi *mu buyo* bulabula.

*Kangi mbibimbibi palinkwīsa a kōgo ukufuma ku mwanya ngati u mbelo unjali ugwakubopabopa, kangi ugwēne gwālīswīle. . . i nyumba yōsa kūko abēne bālītūgēsye.* (Komma ukufugama, komma ukwīpūta, lōli bitūgēsye.) . . .

*. . . Indimi indapukano. . . (N-d-i-m-i—ndimi. “Ndapukano” kokuti, “sitapukene.”) . . . Ndimi . . . syābonīsye ku bēne. . . bo gu. . . moto, kangi gumogwene. . . (“Gumogwene,” yumoywene) . . . gwālītulīke pa aligwesa gwa bēne.*

*Kangi abene bosa baalisusigwe. . . (“Kangi,” ukongania.) . . . bōsa bālīsusīgwe na Mbepo Mwīkēmo, kangi balinkwānda u kuyoba ni ndimi isīngi, bo mūmo Mbepo Mwīkēmo apēle ubuyobelo.*

Lilino pala bālipo bitūgasyàga mu Yerusalemu abaYuda, abanyāmbala abīpūti, ukufuma nkikolo kilikyōsa pasi pa libīngu.

. . . akabalilo kāko iki kyāli. . . kangi ubuyobelo ubu bo busyungutisigwe, i kilūndilo kilinkwīsa palikimo, kangi bāli baswīgīsīgwe, panongwa yakuti. . . aligwesa apilike i. . . umwene ikuyoba mu njobelo yake mwene.

<sup>34</sup> Lilino kētésya! Akabalilo kāko u moto gwālīsīléko, ugwēne gwāli ndimi; akabalilo kāko abēne bayobága, iyēne yāli njobelo. Lilino, bulipo ubukīndāne ubunywāmu pakati pa ndimi ni njobelo. Kwa uswe ikyene kyo kyosa kilakila. Loli, mu kiGiriki, “ululimi” ikusanusya *iki*. [Nkundwe Branham ikunnangisya—Nsimb] Imbulukutu yo *iyi*. Muketile? Ikyo kitikusanusya i njobelo; ikyene kikusanusya ikiyabo kya mbili gwāko ugu go lulimi. Linga umwe mukukētésya, ilyēne lisanusigwe *indimi sya moto* ugu gukusanusya “ngati ndimi,” itolo ngati u lulapi lwa moto, ulutali ulunyeke lwa moto. Lilino, ketesya ubutitimikisye lilino. Kangi galigosa ga mabuyo gala lilino, komma ukwibwa ikyene.

<sup>35</sup> Lilino, uswe tukupaga ulukino ulunini ikilo iki. Kangi une ngukilekaga ikyene kwa umwe. Lilino kumbukilaga, linga kalikosa kakulwana, ikyo kyo kili kwa umwe. Loli injila yene iyi umundu aligwesa abagile ukutwalamo kamo ukufuma kwa Kyala ko kwisila ndwitiko. Kangi bo ugwe ukāli ukubagila. . .

<sup>36</sup> Une ngufimbilisigwa ukumanya iki une ngubomba bo ngāli une mbagile ukuya nu lwitiko mu iki une ngubomba. Nongwa ya fiki ugwe kwegā unkasi gwako? Ugwe gwāli nu lwitiko mwa umwene. Ugwe gwalingelile umwene, gwālinkētésisye umwēne, gwākubwene iki umwene āfumīleko, yu umwene āli. Iyo yo njila ni Lisimbo, na Kyala. Ikyo kyo kikipela imboniboni isi, i—i Mbanda ya Moto iyi, ifindu fyosa ifi, panongwa yakuti Kyala āfingile ikyene. Kyala āyobile lulalula. Une nūngelīle Umwene ukwisila mu Lisyu Lyake kangi ukumanya ukuti Ikyene kyo Bwanaloli. Kangi ugwe kōngésya i Lisyu Lyake. Polelo linga kulipo ukufubanikana panini kubuyobumo, polelo kilipo kimo kisobi pa buyobumo. Panongwa yakuti Kyala (pilikisya!)—Kyala akābōmbilémo siku pamo akabōmbāmo siku imbombo ukufuma ku ndagīlo Syāke mwēne—pamo ukukindana ni ndagīlo Syāke bēne. Amapepo gātisa kwīsa mu lumu, kangi u lumu lutisa kwīsa mmapepo. Amāni gatisakulakatika nkabalilo ka bulēnge nukwīsa kangi mbulakatike. Ugwe itolo ukabagile ikutēndeka ikyēne.

<sup>37</sup> Bo mūmo njōbile nkilo isya kisiba kya nyībūko, kikunyāfila ikibyāle kyāko. Pamo linga ugwe gwīmīle panja apa pakatikati pa ngunda, kangi ukwēne kutītu ni ngīsī, kangi ugwe ubagile ukuyoba, “O, nkulumba bumeme, une mmenye ugwe uli mu ngunda. Lilino, une njōngīle, ngamanya kūko une ngubūka.

Păga ubwĕlu, ukuti une mbagĭle ukukĕta akĕndelo! Bulipo ubumeme ubwakufwăna ukwĕlusya ungŭnda mŏsa.” Ikyo kyo kwabwanaloli. Ena, nkulumba! Bulipo ubumeme ubwakufwăna nkyŭmba iki ukwĕlusya ikyĕne kisita syŏpe ni nyăle sila, kisita ikyo. Lŏli ugwe kufĭmbilisigwa ukulagila ikyĕne. Lilino, ugwe ubagĭle ukuywĕga ku kila mpaka ugwe ukăbagĭle ukuywega kangĭ mma, ikyĕne kitisakwăkamo siku. Lŏli linga ugwe kubŏmba ukufwăna ni ndagĭlo sya bumeme, polelo ugwe kwisakubwăga u bwĕlu.

<sup>38</sup> Ena, iyo yo njila yilayila ikyene kili na Kŷala. Kŷala yo Mpeli nkulumba gwa kumwanya na pasi, yulayula mmayolo, umwisyugu, na bwila. Umwene yo akaali yo Kŷala. Lŏli Umwĕne isakubŏmba itolo mŭmo ugwe kukŏngĕsya i ngomelesyo Syăke ni ndagilo. Bĭnăngu, une nguyoba iki: une ngakĕtămo siku ikyĕne ukutoligwa, kangĭ ikyĕne kitisakubŏmba.

<sup>39</sup> Lilino, unko uswe tuketesye. Yeso mwa Luka 24:49 Ătalĭle Ăbatumĭle abatumigwa ukufuma pĂpo abĕne bapokĭgwe nukukemesĭgwe ukufwana ni Lisyu; ukwitikisigwa ukwisila mu kwĭtika pa Ntwa Yeso; ukukemesigwa kwa Yohani 17:17 akabalilo kako Yeso ayobege, “Bakĕmesyăga abĕne, Tata, ukwisila mu Bwanaloli. Ilisyu Lyako lyo Bwanaloli.” Kangĭ Umwene aali Lisyu.

<sup>40</sup> Lilino, alinkubapa abĕne amaka ukubumbulusya ababine, ukukaga imisyĕtano, ukusyusya abafwe; kangĭ abene balinkugomokela bikusangaluka. Kangĭ i ngamu syabo syăli pa Buku gwa Bŭmi gwa Kang’osi. Umwe mukukumbukila mŭmo uswe tukĭndilĕmo mu ikyo lilino. Lŏli abĕne bĂkĂli nalino bakĂpindwĭke. Yeso Ălĭmbulile Peteri ikilo kya bukomeleligwe Bwăke, Umwĕne Ăyobile, “Ukufuma pĂpo ugwe upĭndusigwe, polelo kasya abakŭndwe BĂko.”

<sup>41</sup> U Mbepo Mwikemo kyo iki... Ugwe kwitika ku Bumi bwa Syepwa, loli akabalilo kako u Mbepo Mwikemo ikwisa Ikyene kyo Bumi bwa Syepwa. Umwe mukwitika ku... Umwe mupĂpigwe nu Mbepo ku bukemesigwe, loli nasiku ukupapigwamo mwa Mbepo mpaka u Mbepo Mwikemo ikwisamo. Uko ko kotalusya. U mwana ali nu bumi mŭnda mwa nna, iminnyofu iminnini gikunyifuka; ubwene bo bumi. Lŏli ubwĕne bo bŭmi bwakukĭndana akabalilo kĂko akĕne kakutuya umŷyi gwa bŭmi mu tumbulo twăke. Ubwĕne bo bukĭndane. Ikyo kyo iki ikyene kili, ikyene kyo...

<sup>42</sup> Nkundwe gwangu umpala gwa kiMethodisti, na Pilgrim Holiness, na Nazarene, ulosyo lwa Mbepo Mwikemo lukĭndene nu bukemesigwe. Ukukemesigwa ko kusuka, iki kyo bwitendekesye bwa Bumi. Loli akabalilo kako u Mbepo Mwikemo ikwisa, Umwene yo Bumi. Ukutĕndekesya ko kusuka ikyakwămbilila; u Mbepo Mwikĕmo ko kwĭsusya ikyĂkwămbilila kila. *Ukukemesigwa* kokuti “kisukigwe kangĭ

kibikigwe pa lubafu ku bubombelo.” U Mbepo Mwikemo ko kubika icyène mu bubombelo. Ugwe gwe kyakwambilila kya Kyala iki kisukigwe môsa.

<sup>43</sup> Kangi uswe tukusyâgânia u Mbepo Mwikemo yo Kyala Mwène mwa ugwe. Kyala âli pamwanya pa ugwe mu Mbânda ya Moto na Môse. Kyala âli na ugwe mwa Yeso Kristi. Lilino Kyala ali mwa ugwe mwa Mbepo Mwikemo. Komma abakyala batatu, Kyala yumoywene ikubomba mbubombela-mbombo mutatu.

<sup>44</sup> Kyala ikwisengamia, ukwisa pasi ukufuma pamwanya pa mundu. Umwène akâbagile ukumpalamasya Umwène, panongwa yakuti umwène âtulilw'inongwa mu ngûnda gwa Edeni nukwipâgûlania mwène ukufuma mu bulilanisi Bwâke. Polelo fiki fyâbonike? Umwene abagisenie ukuya pamwanya pa mwene. Ililopa lya ngambako ni mbene likabagile ukummwitikisya Umwene ukwagana nu nnyambala kangi; lôli ukwisila mu ndagilo ni nyiho, ukubikila-ngânîla unsyûngulu akabalilo aka kakwisa, isya kupa kwa ngambako, na fyosa bo ifyo, kangi i ng'osi. . . Polelo akabalilo kâko Kyala âsulwîke pâsi nukwitugasya mu mbili unkemesigwe, umpâpigwe-mumfûnde gwa nkîkûlu, ugu Kyala Mwène. . . Umwe mumenye iki Kyala âbombile? Umwene—Umwene akâbombile nakimo loli itolo. . . Umwene abikile Ikihema Kyake pakati pa kyîtu. Kyala alinkwitugasya mu Kihema ikikôleligwe Yeso Kristi. Umwene alinkukitika itolo Ikihema Kyake na uswe, ukuya. . . (Une—ukulumbilila pa ikyo ndubunju, polelo une kinunupo nkileke kyene.) Lilino, ikyo—mûmo Kyala ikihema-pamo âlitûgesye na uswe. . .

<sup>45</sup> Kangi lilino Kyala ali mwa uswe. Yeso âyobile mwa Yohani 14, “Mu lisiku lila umwe mwisakumanya ukuti Une ndi mwa Tâta, u Tâta mwa Une, kangi Une mwa umwe, kangi umwe mwa Une.” Kyala mwa uswe. Ngimba ulubingililo lwâke lwâli loo fiki? Ukubomba ulubâtiko Lwâke.

<sup>46</sup> Kyala âli nu lutêndéko. Umwene âlondaga ukubomba ukwisila mu mundu, kangi Umwene âkitwéle icyene mu Mbanda ya Moto, ugu gwâli Moto ugwasyâmbutîtu ugu gwîulikâga pamwanya pa bâna ba Israeli. Polelo u Moto gulugula ugu gwâtendekîgwe ukwibonesya mu mbili gwa Yeso. Kangi Umwene alinkuti Umwene âli Moto gula, “Bo Abraham akâli ukuya, UNE YONE.” Umwene aali Moto gula. Umwene alinkuti, “Une ngufuma kwa Kyala, kangi une ngugomokela kwa Kyala.” Kangi ukufuma pa bufwe Bwake, ukusyiligwa, nu busyûke, Mwikemo Pauli âlyâgéne nu Mwène pa nsebwe—akabalilo kâko ingamu yâke âkâli âli Sauli—pa nsebwe ukubûka ku Damasko, kangi Umwene agomosigwe kangi ku Mbanda ya Moto yila. U Lumuli lulinkusimisa ifisige fyâke. Uko ko kutalusya.

<sup>47</sup> Kangi apa Umwene ali umwisyugu, i Mbanda ya Moto yilayila, Kyala yulayula ikubomba ifimanyilo filafila, imbombo

silasila. Fiki? Umwene ikubomba pakati pa bändu Båke. Umwene ali mwa uswe. Une. . . Umwene ali na ugwe lilino, “loli Une nguyaga mwa umwe. Une nguyaga na umwe, mope nkati mwa umwe, mpaka kubumalikisyo bwa kupyutigwa,” ubumalikisyo bwa kisu. Umwene ikuyaga na uswe.

<sup>48</sup> Lilino, kêtésya. Yeso ätalîle äbatumîle abêne ukubûka kula ku Yerusalemu nukugülîla. I lisyu lya *gûlîla* likusanusya “ukugülîla,” litikusanusya ukwiputa, kokuti “ukugülîla.” Abêne bakâli batumwa bakufwâna tâsi mma ukulûmbilila, panongwa yakuti abêne bâmenye bwêne ubusyûke Bwåke ukwisila mu Bûndu Bwåke, ubwa kumbona Umwêne panja. Umwene—Umwene alinkubalagila abêne komma ukulumbilila kangî mma, komma ukubõmba nakamo mpaka tâsi abêne bapëgigwe na Maka ukufuma pamwanya.

Une ndikwitika ukuti undumbilili aligwesa atumigwe na Kyala pamo abagile ukusayigwa nubutalusye. . . Panongwa yakuti Kyala nsitampaka. Kangî iki Kyala ikubomba kamokene, Umwene ikubomba akabalilo kosa. Lilino, linga Kyala akâbîtikîsyë abêne ukulûmbilila mpaka abêne bâbükåga ku Pentekosti kangî balinkwambilila ubwendelemo bwa Pentekosti, nayumo unnyåmbala, pene pâpo ikinyonywo kimo ikisolofu ikiyåke mwêne pamo i kipånganio kyåke kintumile umwêne, ali nu bwabuke ukwingila pa kigemmo mpaka umwene isusigwe na Mbepo Mwikemo. Uko ko katikati kutalusya. Panongwa yakuti umwene ikulongosya abêne ukwisila mu kwînogonela kwa mahala ga kipånganio kimo mpaka umwene isusigwe na Mbepo Mwikemo; kangî polelo, umwene ikubapa abene ikyakulya kya ngungubiya; *U Kang’osi ni Ngungubiya*, mumo uswe twayobelaga namayolo.

<sup>49</sup> Lilino kêtésya. Umwêne åyobîle, “Bûka kula ku Yerusalemu kangî kula kasyåle; itolo gûlîla pala mpaka une ngutuma ulufingo lwa Tåta.” Kangî polelo, ngimba abene bâbombile fiki? Båliko mia yumo na malongo mabili ga bene, unnyambala na bakikulu. Abêne balinkubuka nkyumba kya pamwanya pa tempeli.

Lilino, ukwene kwåli kifuki ilisiku lya Lusekelo lwa Pentekosti, ukufuma ku kusukîgwa kwa mbuyo-bwikemo, ukugoga kwa kang’osi gwa pâsa mpaka u—u kwisa kwa Pentekosti, iki kyåli fipaso fyakwånda fya mfünjo, lusekelo lwa jubili, ulusekelo lwa Pentekosti. Kangî pa miyumba. . .

<sup>50</sup> Lilino, une njîlêko ku fîsu. Ifîsu fyakulubûnju mwa-apa-na-apo fyåli ni njîla ya mafyûkilo nkati. I njîla ya mafyûkilo yåli pânja. Pånja pa tempeli, uswe tukubûligwa, yåliipo injila ya mafyûkilo iyi yålongolelaga pamwanya ku kakyûmba akanini kûla ukukîndamo; ukubûka mmwanya, kangî mmwanya, kangî mmwanya, mpaka ugwe kufika mmwanya ku kakyûmba akanini pamwanya pala, ngati kyûmba kyabufisilo mmwanya mwa

tempeli, u luko lumo lwa kakyumba akanini, i kyumba kyapamwanya. Kangi i Bāngéli lyāyobīle ukuti abēne bāli nkati mula kangi ififigo fyāligaligwe, nongwa yakuti abēne bātīlāga a baYuda, panongwa yakuti abēne āngāli bikubaswānyulania panongwa ya kummwīputa u Ntwa Yeso, ukufūma pa Kaifa umpūti unkulumba, kangi Pontius Pilati, na bala bālingogile Umwene. Popāpo abēne bayaga pakubamala bōsa abakwīkōlēla Bakristi. Kangi ififigo fyāligaligwe, kangi abēne bāgūlilāga.

<sup>51</sup> Lilino, mu fyumba fila bo ifyo, gakayako amadirisha. Amadirisha fyāli findu finini ifyamayengo fili ni fifigo ngati, ugwe gwakwābāga ukwīgūla. Mu fyumba fila silimo inyāle innini sya nyēmba isi situlikigwe kangi sikwāka. . . Līnga ugwe siku uyilemo mu California ku Clifton’Cafeteria, būka pāsi kūsī, kangi ugwe kwisakwāga yimo mwa lu luko lulalula, ulwa kyumba kyapamwanya. Ngimba umwe muylēko kula? Balinga muno babūkilēko kula? Une ngukēta abāndu ukwitikisya nu ntu gwīnu. Ena, umwe mumenye iki une nguyobapo. Umma ndaga. Suluka pāsi, kangi ugwe kwisakukēta u Ngunda gwa Getisemani; bo ugwe ukāli ukubōmba, ugwe kwisakubūkāga nkati mwa kamo mwa fyumba fyakulubūnja fila. Uko ko katikati kutalusya. Mula ugwe kwāgamo akanyāle akanini kīswile ni nyēmba ya māfilu na kanini kasūnda ka masapa kalambalele nkati mwa kyēne, kakwāka.

<sup>52</sup> Lilino, unko uswe tuyobe abēne bāli pamwanya pala, bikufyūka ukusyungutila pa iki panja. Abēne bikubūka mmwanya mula nu kwīfisa bēne, panongwa yakuti abēne bātīlāga abaYuda. Yeso akābabūlīle abēne ukubūka ku kyumba kyapamwanya. Umwēne itolo alinkuti, “Gūlīla ku Yerusalemu.” Abēne bāli pāsi pala mu nyūmba, kikafu ukuyoba iki āngali kikuboneka pabuyo. Abēne āngali bīngile nkati nukubēga abēne. Popāpo abēne babūkīle nkakyūmba akaiyolo akanini mu njila ya mafyūkilo, pabutali pamwanya kula ku buyeleke, kangi kula, balinkubīka amayengo pāsi ukuti abaYuda bakābagile ukwisa nkati ku bēne. Kangi abene balinkwitugasya pala ukugūlīla ku masiku kalongo.

<sup>53</sup> Lilino, lilino, uswe tuli mu Imbombo 1. Lilino, pilikisya kifuki lilino. Umwe muli ni kifwani? Pānja pa kiyumba injila innini ya mafyūkilo yilinkubūka mmwanya, kangi abēne balinkubūka nkati nkakyūmba akanini aka. Kula ku tempeli abene bāli nu Lusekelo lwa Pentekosti. O, kālīpo akabalilo akakulumba kakubūka nkyeni. Lilino, akabalilo kako ilisiku lya Pentekosti lyafikīle nubwisusye, abene bāli bosa ni linogono limolyene, linogono limo, ukwitika ukuti Kyala ayaga pakutuma ulufingo lula. Unko u mundu aligwesa muno ingile nkati mu linogono lilalila ikilo iki nukukēta iki kikubonekaga. Ikyene kikufimbilisigwa ukwandisya. Ulwene lo lufingo itolo lulalula mumo abene bāli nalo. Muketile?

<sup>54</sup> Ngimba abene bābombaga fiki? Kongesya indagilo, ukukonga i—i ndagilo sya Kyala: “Gūfla mpaka . . .”

<sup>55</sup> Lilino, abēne bāli nulutende na baYuda. Lilino, kumbukilāga ikyo. Abēne bātīlāga a baYuda. Lilino, mbimbibi itolo pala palinkwisa a kōgo kaliti bo mbelo ugwakubopabopa. Akēne kakāli mma mbelo gwakubopabopa; akēne kāli kaliti bo mbelo ugwakubopabopa. Une nisakubala isyakuyobapo itolo mu maminiti manandi pa u nsanusi. Ikyene kyāli bo mbelo ugwabubopabopa. Mmasyu agangi, ikyene kyāli mbelo umkindakipeligwa (o!), ikindukimo abene bābagile ukwipilika. U mbelo gwāli nkati mwa bēne. Pala palinkwisa u—u mbelo ugwakubopabopa, bo u mbelo ugwabubopabopa. U mbelo gukābopabopaga, lōli ugwēne itolo gwapilikigwaga ngati u mbelo gwakubopabopa, ngati ikindukimo kikubūka: Whuu! Ngimba ugwe gwipilikēmo siku ikyene? O, mwe! Bo u mbelo ugwabubopabopa. Lilino kētēsya. Kangi ikyene kilinkwisusya . . . Lilino, nkati muno ikyene kyāyobile “fyosa ifi,” loli mu kiGiriki ikyene kilinkuti “Yōsa (Unkulumba Y-ō-s-a), i Nyumba Yosa,” kulikosa mula. Kalikōsa akalēnduke, inguto, kangi akangw’ale kabonekaga ukuya kīswile ni kyēne. Komma ukuyoba, “Yoba, Bakundwe, ngimba umwe mukwipilika iki une ngwipilika?” Umma! Ikyene kyāli kyosa mosa, bo mbelo ugwabubopabopa. Lilino kētēsya. “Pala palinkwisa a kōgo bo u mbelo ugwamaka ugwakubopabopa kangi (umōngeleli. Lilino kētēsya bala *abākangi*. Linga ugwe utikubōmba, ugwe kukitēndēka Ikyēne ukuyoba ikindukimo Ikyēne kitikuyoba. Muketile?)—kangi ngati (ikyō kyo iki kyābonike pa buyo ubwākwānda bwāli ko kōgo, ikindukimo bo u—u mbelo ugwakubopabopa kilikwisa pamwanya pa bēne)—kangi (umwe mukukūmbukila, nkilo kya mmayolo une nābūkile ku lilūka nukwakūla ikimomosela kya nkati ni nyama panandi. Ikyō kyo kindukimo kyābūkile ni kyēne. U nkati kyo kīndu kimo, i nyama kyo kinine. Kangi a kōgo kāli kīndu kimo iki kyābatikile abēne)—kangi pala palinkuboneka ku bēne, (pankyēni pa bēne) i ndimi—indimi indapukano.”

<sup>56</sup> Ngimba aligwesa muno akētīlēmō siku i *Ngomelesyo Kalongo* ya Cecil DeMille? Ngimba umwe mukētēsīsye akabalilo kāko i Ngomēlēsyo syasīmbigwāga? Mumo umwene ākikolīle ikyene, une ngāmenye. Fyalipo ifindu fibili pamo fitatu ifi une nakibwene mu kyene une naloliloli nkiganile. Ikindu kyakwanda lo lumuli lwa mbindimbindi, ikyō kyo katakati Ikyēne kikubonekela. Muketile? Ikindu ikingi kyaali akabalilo kako Ululagilo lwasimbigwe, kangi ukufuma pāpo ikyēne kyāmalīke, ngimba umwe mwakētēsīsye ukubebeluka ukufuma ku Mbānda ya Moto yila inywāmu, pala syālipo indapi sya moto sikubebeluka ukusōkapo? Ngimba umwe mwakētēsīsye kila? Lilino, ikyō kyo iki une ngwinogona iki kyāli ku Pentekosti. Pala kyābonīke ku bēne. . . Popāpo abēne bābagile ukukibona

Ikyēne. Ilyēne likāyobile, “Mula mulinkugwa mu bēne.” Lōli pala palinkubonekela ku bēne indapi (uswe tukukikōlēla ikyēne), indimi, ngati ndimi ngati ululimi ulu *apa*, ikifwāni kya lulumi, ululapi lwa moto. Lilino, imbulukutu—bo une njobile, imbulukutu yo mbulukutu; u lōbe lo lōbe. Lōbe kitukusanusya ugwe gwālīpilike ikyēne; ikyēne kikusanusya ikyēne kyābonike ngati lōbe. Kangi linga ikyēne kyāli mbulukutu, ikyēne kitikusanusya abēne bāpilike ikyēne; ikyēne kyābonike ngati mbulukutu. Ugu gwāli moto ugu gwābonekāga ngati lulimi, komma u mundu yumo ikuyoba, u moto ugu gwābonekaga ngati lulimi.

<sup>57</sup> Lilino, pilikisya. Kētésya mūmo i kiGriki kikubala ilyene apa:

*Kangi mbimbibi pala palinkwisa a kogo . . . ukufwana u mbelo ugwamaka umbopabopa . . .* (Iya 3—ilinandi lwa 3.)

Kangi indimi indapukano *silinkuboneka* ku *bēne*, . . . (Komma indimi indapukano syāli mu bēne, pamo abēne bāyobāga ni ndimi indapukano; ikyēne kyāli ndimi indapukano syābonike ku bēne. Lilino, kētésya. Ikyēne kikaya pa bēne tāsi. Ikyēne kili pala nkyumba, kikusyūngutūla ukusyūngutūla bo mu mbelo ugu.) . . . ku *bēne . . . ngati . . . moto . . .* indapukano *indimi . . . syābonike ku bēne . . .* (ikyo kyo pankyeni pa abēne) *ngati . . . moto*, (indimi bo gu moto) *kangi* lumoywene (kimokyēne) lwātūsīsye pa *aligwesa* yumo *gwa bēne*. (Komma lwābūkile mu bēne; lōli lulinkutusya pa bēne.)

<sup>58</sup> Lilino, kēta mumo ilya Mwalafyale James libagile ukusopa ikyo panja: “Kangi indimi indapukano sikwisa pa bēne, pamo syātūsīsye (ngimba ikyēne kikubala bulebule mu lya Mwalafyale James pala?) syālītūgēsye pa bēne.” Muketile? Lilino, ulwēne lukābagile ukufyuka kula nukwitugasya pāsi. Uswe tumenye ikyo. Lōli ikyāpabwāndilo kyāyobile, “Ulwēne lwātūsīsye pa bēne,” une ngwitika; bule ikyēne? Unko une ngalyāge ilyēne katikati lyābwanaloli. Ena! “. . .lwātūsīsye pa aligwesa gwa bēne.” Ululimi lumo lwa moto lwigemekisye pa aligwesa gwa bene. Muketile apo? Ngimba umwe mukupilikisya ikyene? Ikyo kyo kindu kyakibili kikuboneka pa buyo. Ikyākwānda kyāli mbelo, polelo ukuboneka kwa ndimi sya moto.

<sup>59</sup> Ukwēne kwāli mu kakyūmba akanini aka apa nu tunyāle utunini twa nyēmba utu tukwāka. Inogona isya abēne bitūgēsye pamwanya pala. Kangi yumo ikuyoba, “O!” Umwene alinkukēta ukukilania i nyumba; iyene yāli paliposa pa kiyumba. Polelo abene balinkuti, “Kēta!” Indimi sya moto silinkwanda ukwisa ukusyūngutūla i nyumba. Lilino ketesya. Kangi pala palinkubonekela indimi sya moto isi.

Lilino kētésya ilikōnge:



*Kangi* (Uyungi ugwakongania; ikindukimo ikingi kyaabonike.) *abëne bôsa bâlisusigwe na Mbepo Mwikemo, . . .* (Ikindu kyäkibili kyabonekaga pa buyo.)

<sup>60</sup> Lilino këta, uswe tukulönda ukusanusya ikyo ukusyümbutusya tukuyoba, “Abëne bâli ni ndimi sya moto, kangi apa bikulotoka ukusyüngutila; kangi polelo balinkusôka pänja nukwânda ukuyoba nu lulimi ulisitakumanyigwa.” Kikayapo ni kindu nakimo bo ikyo mu Masimbo, mwinangu. Aligwesa uyu ikuyoba nu lulimi ulusitakumanyigwa pakwambilila u Mbepo Mwikemo ikubomba ikylene mukulwana ni Bängéli. Kangi une nguyaga pakubanängisya umwe mu maminiti manandi nukusisimikisya kwa umwe une ngwitika mu kuyoba mu ndimi insitakumanyigwa, loli komma ukwambilila u Mbepo Mwikemo. Ikyo kyo kyäbupi kya Mbepo Mwikemo. U Mbepo Mwikemo yo Mbepo.

<sup>61</sup> Lilino këtésya. Indimi isi syâli nkyumba ngati moto, kangi ikyëne kyälitügésye pa aligwesa. Polelo abëne bâlisusigwe na Mbepo Mwikemo (ikindu kyäkibili), kangi polelo, ukufuma papo abene bîsusigwege na Mbepo Mwikemo, baayobaga ni ndimi, komma ni ndimi, mu njobelo. Ngimba umwe mukëtésisye ikyo? Abëne balinkwânda ukuyoba ni njobelo isingi bo Mbepo äbapéle abëne ku ukuyoba. Lilino, iki kyâyobigwe pänja.

<sup>62</sup> Lilino këtésya. Lilino, unko uswe twëge ikyakwëgelela kangi ukuti umwe mutisakwibwa ikylene lilino. Ukufwana ni Lisimbo, nkyumba ikyapamwanya bikugülila, mbimbibi itolo akôgo ngati u mbelo ugwabubopabopabopa, ikyo kyâli pa bene; yula äli Mbepo Mwikemo. Balinga bikwitika ukuti kila kyâli ko kuboneka kwa Mbepo Mwikemo? Ngati mbelo, u mbelo unkindakipeligwa. Polelo abëne balinkukëtésya. Kangi panja nkati mula mwâli utulimi utunini twa moto, mia yumo na malongo mabili, nukwânda ukusëngama pâsi nukwitügäsya pa aligwesa gwa bëne. Ngimba ikyëne kyâli fiki? Ngimba ikyëne kyâli fiki? I Mbanda ya Moto, iyi yo Kyala Mwene ukwipagulania Mwene pakati pa bandu Bake, ukwisa nkati mu bandu. Yeso äli ni kindu kyosa; Umwene äli nu Mbepo kisita bupime; uswe tukukyëga Ikyëne mu bupime (Umwë mukuketa iki une ngusanusya?), panongwa yakuti uswe twe bâna abafwikigwe. Bumi Bwake—Bumi Bwake ubwa Bwilanabwila bwingilaga. Lilino, fiki fyabonike? Polelo abene bôsa baalisusigwe na Mbepo Mwikemo.

<sup>63</sup> Lilino une ngulönda ukubalälusya umwe ikindukimo. Ngimba mo ndili akapängo kälyändigwe? Linga abene bafimbilisigwaga ukusôka panja pa kyümba kya pamwanya kila ukubuka pâsi pa mafyukilo gala nukusôka panja ukwîngîla mu malubîngîlo ga mwalafyale—pamo panja mu i—ku malubîngîlo ga tempeli, iyi yo pamo yâli iliyümba lya nkaya limolyëne ukufuma pâpo abëne bâliko, pamwanya pamafyükiilo nu kusuluka, panja mu malubîngîlo kûko abându

bōsa bābūngène palikimo. . .Kangi abēne balinkusōka panja pa pala ngati-bagāle pa Mbepo. Kabuno abāndu aba bāyobile, “Abanyāmbala aba bīswile nu bwālwa-bwa-mafilu ubupya.” Abēne bakakibwēnēmo siku kilikyosa bo ikyēne.

<sup>64</sup> Kangi aligwesa agelaga ukuyoba, “U Mbepo Mwikemo isile. Ulufingo lwa Kyala luli pa une. Une—une nisuusigwe na Mbepo.” Kangi umwēne ukuya n’Galilai, u nnyāmbala uyu umwēne āyobāga ngako, u m’Arabu pamo gwakiPersia, ālīmpilike umwēne mu njobelo yake mwēne.

<sup>65</sup> “Ngimba uswe tukupilika bulebule (komma injobelo insitakumanyigwa)—bulebule tukupilika uswe unnyāmbala aligwēsa mu lulimi mūmo uswe twāpāpiligwemo? Ngimba bōsa aba bābo bikuyoba bakaya baGalilai?” Kangi lumo bāyobaga i kiGalilai. . .Loli akabalilo kako abene bāpilike ikyene, ikyene kyāli mu njobelo abene bāpapigwemo. Linga sikaya lūlo mma, une ngulōnda umwe ukundālūsya une—nyāmula une ililālusyo ili: Ngimba ikyene kyāli bulebule ukuti Peteri āsumwīke mmwanya mula nukuyoba mu kiGalilai, kangi ikibugutila kyōsa kilinkupilika iki umwene āyobāga? Imyoyo maelifu matatu gyālisile kwa Kristi palapala pala kangi Peteri ikuyoba mu njobelo yimoyene. Naloli! Ikyene aali Kyala ikubomba ikīka. Peteri, ku kilūndilo kilakila iki kyātēndekigwe mōsa na bitūgasi ba Mesopotamia, na bahēsya, na basanusigwa, na filifyosa ukufuma nkisu kyosa kyalimile pala. . .Kangi Peteri imile nukulumbilīla mu njobelo yimoyēne, kangi unnyāmbāla aligwesa ampilike umwene, kabuno maelifu matatu gāpindwike kangi bālyōsigwe mu Ngamu ya Yeso Kristi palapala ukusookapo. Ngimba ikyo kyo bulebule?

<sup>66</sup> Muketile, binangu, une ngabagila ukugūlīla ugwakipanga-kipāgūke gwangu, ukundwe gwa kiPentekosti ukwitikisya ikyo lululu lilino. Loli ugwe ukilōndēsye ikyo ukwisila mwi Bangeli kangi mbula une akabalilo kalikosa kūko abēne bālyāmbililēmo siku u Mbepo Mwikemo kangi balinkuyoba mu lulimi isi abēne bakāmenye iki abēne bāyobāga. Kangi linga iyo yo njila abene bali nayo Umwene pala, u Kyala gwapamwene. . .Ikyene kikufimbilisigwa ukuboneka akabalilo kosa mu njila yilayila.

<sup>67</sup> Lilino, une ngabagila. . .Lilino, ku nyumba ya Korne. . . Uswe tukukumbukila, akabalilo kako uswe twasulukile ku Samaria, nkilo, uswe twāsyağēnie pala pakālipo akandu kamo kasīmbigwe isya abēne bikupilika mu lulimi lulilōsa ulūngi, nakimo kyāyobīgwe isya ikyēne. Lōli akabalilo kāko abēne bābūkīle ku nyumba ya Korneli, kūko kwaliko ifikolo fitatu ifikīndānekīndāne ifya bāndu, abēne balinkuyoba mu ndimi. Kangi akabalilo kako abene bābombile, linga abene bābombile, abene bālimmwagīle Umwene, Peteri ātile, injila yilayila iyi abene balyāgīle Ilyene ku bwandilo. Kangi abēne bāmenye a Bāpanja bālyāmbilīle ilipyana ukufuma kwa Kyala, panongwa yakuti abēne bālyāmbilīle u Mbepo Mwikemo itolo bo mūmo

abēne bābōmbīle ku bwandilo. Une ndinalyo ililālūsyo apa, ikindukimo pa ikyo mu maminiti manandi. Une nālōndāga ukwala u lwālo, ukuti ugwe kwisakukēta iki ikyēne kili.

<sup>68</sup> Lilino, une ngabagila ukugūlīla abāndu aba bamanyisigwe mbukīndane. . . Kangi pilikisya kwa une, bakundwe bāngu, abapala, bakundwe ba kiPentekosti. Une ngabagīla ukumanyisya iki pānja. Iki kyo. . . Une ngabagīla ukubōmba nakimo ukutēndēka ubusofanie. Lōli linga uswe tutikubwaga u Bwānalōli, ngimba kokabalilo kāki uswe tukuyaga pakwāndako? Uswe tukufīmbilisigwa ukuya ni kindukimo ukuboneka pa buyo apa ukutugolosya uswe mōsa. Uswe tukufīmbilisigwa ukuya ni lipyāna lyakunyakiligwa apa lilino. Ubwanalōli bukufīmbilisigwa ukusōka pānja.

<sup>69</sup> Ngimba unnyambala abagile ukubomba fiki linga umwene āli gwamapuli, kangi gwakinunu, kangi alinkutoligwa ukuyoba na panandi? Ngimba umwene abagīle ukwambilila Mbepo Mwikemo? Bule linga umwēne akāli nu lulimi ukwānda itolo, kangi u mwīnitu undondo ālōndāga ukupokīgwa? Muketile? Umwene yo Mbepo Mwikemo, yo losyo. Kangi polelo, fyosa ifikungilwa ifi ngati ukuyobela mu ndimi, ukusanusya kwa ndimi, ikyēne kyo ukufuma pāpo ugwe gwīsīle mu Mbili ukwisila mu lōsyo lwa Mbepo Mwikemo. Kabuno ifyabupi fila fili mu Mbili gwa Kristi.

<sup>70</sup> Lilino, inongwa iyi une nguyoba. . . Lilino, keta kuno. Gwābagile ugwe ukugūlīla i kipānga kya Katolika, iki kyo kyāli kipānga kyakwānda ukwipāngānia nkisu kya pāsi ukufuma ba batumigwa. . . Polelo i kipanga kya Katolika kyāpanganisigwe, o, ifyinja bamia bīngi ukufuma pa bufwe bwa ntumigwa gwabumalikisyo, fimo bamia ntāndatu kangi—ifyinja ukufuma pa batumigwa, palapala ukufuma ku Lukomano lwa Nikaia akabalilo kāko abatata ba Nikaia balīsile palikimo nukwīpāngānia; polelo abēne balinkubīka ikipānga kya kisukyōsa, iki kyāli kipānga kya Katolika. Nkati mula abēne bātēndike mōsa i kipanga kya kisu. Kangi i lisyu lya *katolika* kokuti “kīsu-kyōsa”; ikyo kyo kulikōsa. Abēne. . . kiRoma—u Roma unsitakyala āpindusigwe ukubūka ku Roma gwapāpa. Kangi abēne balinkupāngānia u pāpa ukuya ntu ukwēga u buyo bwa Peteri, iki abēne binogonaga kangi bāyobile ukuti Yeso āpēle ifūngulilo ku Kitāngalāla. Kangi u pāpa yula āli nsitakutoligwa, kangi yo akāli umwīsīyūgu ku kipanga kya Katolika. Ukuti. . . I lisyu lyāke lyo lulagīlo kangi lubātiko. Umwēne yo pāpa unsitakutoligwa. Kila kyābūkile ukukīndamo.

<sup>71</sup> Kangi polelo, panongwa yakuti abēne batikwitikisania ni kimanyisyo kya Kikatolika iki, abēne bābīkīgwe ku bufwe, bakosīgwe ku kisīnga, na filifyōsa ifingi. Uswe twesa tumenye ikyo ukwisila mu busimbe bwa Josephus, kangi i *Buku lya Fox gwa Bafwilila*, kangi mingi ga agāngi amakemisigwe. . . Ugwa Hislop u *Bababeloni Babili*, kangi i—i syambukulu ingulumba.

Polelo, ikylene—ukufuma pa fyiya elifu na sinda-gwa-elifu, mumo uswe tukumanyila, isya Ngulilo sya Ngisi, i Bangeli lyalyēgigwe ukufuma ku bāndu. Kangi Ilyene lyāli—Ilyene lyafisiḡwe na kapūti kanini, na fyosa bo ifyo, uswe tukupilikisya.

<sup>72</sup> Polelo ukufuma pala palinkwisa u Ntendekesi gwakwanda, uyu āli Martin Luteri. Kangi umwēne alinkusōka pānja nukuyoba ukuti u mugonesyo ugu aba Katolika bagukōlelāga mbili—mbili gwānaloliloli gwa Kristi, ugwēne gwīmīlilaga itolo u mbili gwa Kristi. Kangi umwēne alinkutāga unḡonesyo gula pa lupaso lwa kigemo, pamo pa mafyūkilo, nukupika ukugubilikila ugwēne u mbili gwānaloliloli gwa Kristi, nukulūmbilila, “Abagolofu bisakwitūgalāga nu lwitiko.” Lilino, ugwe ukabagila ukugūlila i kipanga kya Katolika ukwitikisania nu mwene, naloliloli umma, akabalilo kāko untu gwābo unsitakutoligwa ikubabūla abēne umma. Umma ndaga.

<sup>73</sup> Polelo ukufuma Martin Luteri, ikulumbilila Ukwitikisigwa, Yohani Wesley ikwisa pala ikulumbilila Ukukemesigwa. Kangi umwēne ālumbilile ukuti u nnyāmbāla, ukufuma pa kwitikisigwa (ikyēne kyo kili kanunu) lōli ugwe kufimbilisigwa ukukemesigwa, ukusukigwa, unsisi gwa bubibi ukusōsigwāmo mwa ugwe ukwisila mu Lilopa lya Yeso. Lilino, ugwe ukabagila ukugūlila abaLuteri ukulūmbilila Ukukemesigwa, ’nongwa yakuti abēne batikuyaga pakubōmba ikyēne.

<sup>74</sup> Ukufuma Wesley alūmbililege Ukukemesigwa, kangi ututapukano utunini twīngi ukufuma ku kyēne, utu twisile i, Methodist gwaWesley, kangi aba Nazarene, na fyosa bo ifyo, utu twālyūmilisye u moto ukwāka ukukīnda mu ngulilo yābo, polelo ikwisa pala Pentekosti nukuyoba, “Fiki, u Mbepo Mwikemo yo lōsyo, kangi uswe tukuyoba nu ndimi akabalilo kako tukwāmbilila Ikyene.” Naloliloli. Polelo akabalilo kāko ikyo kikwisa pala, ugwe ukābagile ukugūlila aba Nazarene, kangi aba Methodist gwaWesley, na fyosa bo ifyo ukwitika ikyo. Abēne bakābagile ukubōmba ikyēne. Abēne bakikōlile ikyēne u mōhēsi. Umma ndaga. Ngimba fiki fyabonike? Abene balinkwanda ukugwa; Pentekosti ikwanda ukufyuka. Lilino ikyēne kifyūkilē ku buyo mpaka Pentekosti ali nu kusenyēnda kwāke. Ikyēne kipāngēnie nukusōkāpo, komma ukwitikisya nakimo ikingi. Abēne bali ni ndagilo syābo bēne, kangi ikyo kikumasya ikyēne.

<sup>75</sup> Lilino, akabalilo kāko u Mbepo Mwikemo ikwisa kangi ikusetula u Bwanaloli bwa kalikosa nukusisimikisya ikylene ukwisila mu Kuyapo Kwake mwene kangi ukwisila mu Lisyu Lyake, ugwe ukabagila ukugūlila abandu ba kiPentekosti ukuyoba, “Une ngwitikisaniaga ni kyene.” Ugwe kufimbilisigwa ukwīma gwīmwēne bo mūmo Luteri ābōmbile, bo mūmo Wesley ābōmbile, kangi ngati abāngi ba bēne bābōmbile. Ugwe kufimbilisigwa ukwīma pa ikyo panongwa yakuti isala yili apa.

Kangi ikyo kyo kikupela une ukuya lisekwa ilinyali. Ikyo kyo iki kikumbela une ukuya nkĭndáne.

<sup>76</sup> Kangi une ngabagila ukwanda bo yu Nkundwe Oral Roberts, nu Tommy Osborn, Tommy Hicks, na bene, panongwa yakuti ifipanga fitisa kwitikisania na une. Abene bikuyoba, “Umwene ikwitika mu buponesigwe Bwabwilanabwila. Umwene yo gwa Baptisti. Umwene atikwitika mu kuyoba mu ndimi ukuya buketi bwa Mbepo Mwikemo. Sôkako ukufuma kwa miana yula!” Muketile?

<sup>77</sup> Lôli isaga kisyo ku kisyo ni kyêne. Kêta ikyêne pâsi. Abêne babagile ukukêtana na ba Luteri, aba—aba Methodisti babagile. Aba Pentekosti babagile ukukêtana na ba Methodisti. Une mbagile ukukêtana ni kiPentekosti ni kyene. Ikyene kyo katikati kotalusya. Ikyene kyo kyabwanaloli. Nongwa ya fiki ikyêne? Uswe tukwênda mu Bwêlu bo Umwêne ali mu Bwêlu. Muketile? Uswe tukwênda pamwanya pa Nsebwenkulumba gwa Mwalafyâle, kangi kubutalipo ikyêne kikwisa, lingipo ipyâna likupigwa, mĭngipi amaka gikupigwa, kĭngipo ikikindekipeligwa kikupegigwa. Kangi apo uswe tulipo. Iyi yo sala kuko u Mbepo Mwikemo isile pâsi mbupeligwa bwa Lumuli mumo Umwene aayilile ku bwandilo, i Mbanda ya Moto, kangi ĩbonisye Mwene, ikubomba ifindu filafila ifi Umwene ābombile akabalilo kâko Umwêne âli pa kĭsu. Kangi Yeso alinkuti, “Ngimba ugwe kumanyaga bulebule ukuti kali abene batalusye pamo mma? Ni seke syabo ugwe gwisakubamanya abene. Umwene uyu ikwitika mwa Une, imbombo isi Une ngubomba isakubombaga yope. Ifimanyilo ifi fisakukongaga abene aba bikwitika.”

<sup>78</sup> Lilino, bakundwe bāngu ba kiPentekosti. Une ndi na umwe. Une ndi yumo gwa umwe. Une ndinagwe Mbepo Mwikemo. Une njobile mu ndimi, loli une ngakyagile ikyene pa kwambilila u Mbepo Mwikemo. Une ndinalo ulosyo lwa Mbepo Mwikemo; une njobile mu ndimi, nsolwile, naali ni fyabupi ifya bumanyi, mahala, isanusyo, na filifyôsa fikuboneka. Lôli une ndintumwa ku kilikyôsa kya findu fila, panongwa yakuti lilino une ne mwāna gwa Kyalala. A maka, u Moto gwa Kyalala guli mu moyo gwangu; ululimi lula lwa Moto ulu lwālītūgesye pamwanya—lukwisa mu nkati mwa une nu kôkya môsa filifyôsa ifi fyâli fikulwāna na Kyalala, kangi lilino une ngulongosigwa na Mbepo Gwāke. Umwene abagile ukuyoba, “Buka *apa*,” kangi une ngubukaga. “Būka *kuno*,” une ngwisakubūkāga. “Yoba *apa*,” une nguyobaga. “Kangi bomba *iki*, *kila*, kangi *ikingi*.” Mwaketa lelo umwe, itolo bo. . . Ugwe kulongosigwa na Mbepo. Uyo yo Kyalala mwa ugwe, ikubōmba ubwĭgāne Bwāke. Kali ikyêne kyo fiki, Umwêne ikubōmba ubwĭgāne Bwāke.

<sup>79</sup> Lilino, pilikisya. Unko une mbale apa bo tukāli uswe ukwānda amalālūsyo pa lekisoni apa. Lilino, ukufuma ku Lisanusigwe Iya Vatican, Ubulūdiko 7, 190—1205:

“Ikyēne kikafu ukusisimikisya kali ikyēne kyāli ilisyu lya bāndu bala bikuyoba mu njobelo inhēsyā; pamo akapāngo pamo isyakupilikapilika isya bubōmbelo bwa mbelo unkindakipeligwa gukubopabopa ugu gwanyenyemwīsyē ikilūndilo.”

Abēne bakābagile ukupilikisya ikyēne. Lilino kētēsya. Kali ikyēne kyāli bāndu. . .

<sup>80</sup> Une itolo nisakunnāngisya. Apa po kilipo ikipambo kya balondo, abaGalilai abafwānjālifū. Kangi apa abene bali panja pala mu lukindi. Abēne bakakibonāmo siku kilikosa bo ikyēne: amaboko gabo mmwanya mu mbepo, ukufuma ku kyūmba kya pamwanya, pāsī pa mafyukilo gala, panja nkati mula, itolo bisusigwe; abēne bakāyobilēmo siku mpaka na lino. Muketile? Apa abēne bikwīsa ukusuluka ukukīnda kula. Kangi lilino, unko uswe tuyobe, abene bāli panja pala bikupepeluka ukusyungutila mu iki. Kangi abāndu balinkuti. . . U n’Giriki abopela ukwisa kwa une kangi, ikuyoba, une nguyoba ikiGalilai.

Ugwe kubopa ukubūka ku mwene nukuyoba, “Kangi ngimba kitamisye fiki na ugwe, Ndumiana?”

<sup>81</sup> “Une nisusigwe na Mbepo Mwikemo. A maka ga Kyala gagwile pala nkyūmba kila. Ikindukimo kyabonike kwa une. O, lwimiko kwa Kyala!”

Kangi uyūngi ukukilania apa, umwēne āyobāga ku m’Arab, kangi umwēne m’Galilai ikuyoba injobelo ya kiArab—kiArab.

<sup>82</sup> Lilino, abēne bakabagila ukuyoba, ngimba ugwēne gwāli mbelo umbopabopa ugu gwabakwābile abāndu palikimo akabalilo kāko ikilūndilo kyālisile palikimo, pamo ngimba ikyene kyāli ukuyoba mu njobelo isya fisu fyāpanja iyi abene bāyobelāga? Lilino, ili Bangeli litikubōmba katikati. . . Ugwe uli nafyo ifindu fibili ifi ugwe ubagile ukuketesya. Ikyēne kyāli ikyēne. . . U—u gwāpānja alinkuyoba, “Kili bulebule ikyēne ukuti uswe tukupilika unnyāmbāla aligwēsa mu lulimi lwītu twībēne mūmo uswe twāpapiligwēmo?” Ilyēne likāyobile ukuti abēne bayobaga iyēne, lōli abēne bayipilikaga iyēne.

<sup>83</sup> Polelo ikubugutila kilakila, abāndu balabala, lingania iki. Peteri alinkunyēla pa kindukimo kangi alinkuti, “Umwe banyambala ba Galilai, kangi umwe mwe mukwitugala mu Yerusalemu, unko iki kimanyigwe kwa umwe (bandu balinkuti abene bakāli nayo i njobelo ya Galilai) unko iki kimanyigwēge kwa umwe kangi pilikisya ku masyu gāngu (ngimba—ngimba yo njobelo nki umwēne āyobelaga ngamo, ku bōsa ba abēne?); fiki, aba bakaya bagāle mma bo umwe mukusakikisya, ukukéta akene ko sala ya butatu iya lisiku, lōli iki kyo kila iki kyāyobígwe nu nsololi Yoeli: ‘Kangi ikyene kisa kubonekaga mmasiku ga bumalikisyo, ikuti Kyala, Une nisakōnelelaga u Mbepo Gwangu pa nyofu guligosa. A bānabalumiana binu kangi bānabalindwana binu bisakusololāga.’” Nkyēni

kangi nkyëni umwene alinkubuka, nukuyoba, “Umwe na maboko amabibi mwâkomelile u Mwanundumiana gwa Kyala. Davidi âyobîle isya Umwêne. . . ‘akâbagîle ukugulêka umoyo Gwâke mu gehena, somma Umwêne ukwitikisya u Mwikêmo Gwâke Yula ukuketa ububole.” Kangi alinkuti, “Unko ikylene kimanyigwe kwa umwe ukuti u Kyala âlintëndike yulayula Yeso uyu umwe mwâlinkomelile fyosa-fibili Ntwa na Kristi.” Kangi akabalilo kâko abene bâpilike iki. . . Amen! Ywani? Unnyambala aligwesa pasi pa mianya. Ngimba kyabonike kyo fiki? Umwene akâyobaga, “Lilino, une nguyobaga mu kiGalilai; une nguyobaga mu *iki*; kangi une nguyobaga mu *iki*. . . ? . . .”

<sup>84</sup> Bo Peteri âyobîle amasyu aga, abene balinkuti, “Banyâmbàla na bakundwe, ngimba uswe tukubombaga fiki ukuti tupokigwege?” Kangi Peteri âbapéle abêne a kônganikisyo. Iyo yo njila ikyêne akabalilo kôsa kikuboneka. Muketile?

<sup>85</sup> Ikyene kyo kufyuka mmwanya, ukugutila mmwanya mwa Kyala, ukwenda kwakifuki. Ngimba umwe mumenye bulebule? Ena lilino, akabalilo kako Luteri alyâmbilile ukwitikisigwa, umwene âkôlile kila u Mbepo Mwikemo. Ikyêne kyâli. Kyala âyubikemo akanîni ka Ikyêne mula. Polelo Umwêne alinkuyoba fiki? Wesley âlyambilile Ubukemesigwe, kangi âtile, “Ndumiana, akabalilo kâko ugwe kulalata, ugwe uli nakyo Ikyene.” Loli bingi ba abene bâywêgile aba bakâli nakyo Ikyene. Akabalilo kâko Pentekosti âyobile mu ndimi—mu ndimi inhesya, abene balinkuti, “Ndumiana, ugwe ukabile Ikyene.” Loli bingi ba abene bakalinakyo Ikyene.

Fikayako ifindu fya luko bo ulo lwakuti ifimanyilo fila fya kumanya ikyo. “Injila yêne ugwe kumanya u mpiki,” Yeso alinkuti, “kyo ni fipaso ifi ugwêne gukupâpa,” imbombo sya Mbepo, ikipaso kya Mbepo. Polelo akabalilo kâko ugwe kumbona u mundu uyu isusigwe na maka, uyu îsusigwe na Mbepo Mwikêmo, polelo ugwe kukéta u bumi ubu bwânduligwe. Ugwe kukéta ifimanyilo ifi fikukonga abene aba bikwitika: “Mu Ngamu Yangu abene bisakusatisyaga imisyetano, bisakuyobaga ni ndimi imbya. Linga injoka yisakubalumaga abeene, iyeene yitisakubafulasyaga abeene. Linga abêne bâli ni kîndu ikigogi, ukunwa, ikyêne angali kitisakubagoga abêne. Abene bikubikaga amaboko pa babine, kangi abene bisakubumbulukaga.” Mwe! Uluko lwa fimanyilo ulu lukukonga abene aba bikwitika. Loli ngimba ugwe kufika bulebule mu kyene? Ifikungilwa fila fili mu Mbili. Ngimba ugwe kubûka bulebule mu Mbili? Komma ukwisila ukuyoba mu njila yâko; lôli ukwisila mukôsîgwa mu Mbili gumogwene (Bakorinti Bakwanda 12:13). U Mbepo yumoywene uswe twesa tôsîgwe mu Mbili gula kangi tulambikigwe ku fyabupi fyosa. U Ntwa akusaye ugwe.

<sup>86</sup> Lilino, linga umundu yumo abagîle ukupilika i tepi iyi pamo umundu yumo apa abagîle ukusitakwitikisania, kumbukilaga,

bomba ikyene mbwinake, nkundwe, panongwa yakuti une nguganile ugwe.

**93. Ililálúsyu lyákwānda ikilo iki: Nkundwe Branham, une ngwinogona i senema yo kigune ku kisu. Ngimba ugwe kwinoogona fiki ifya ikyene?**

<sup>87</sup> Mulimosa, aligwesa uyu āsimbile ikyene, une ngwitikisaniaga na nugwe. Abene bakipelile ikyene kigune ku kisu kyapasi. Ikyene kyābagile ukuya lusayo ku kisu, loli abene bakipelile ikyene kigune. Kilikyosa bo ikyo, mwe bandu bangu abapala, kyo iki ugwe kuketako pa gwimwene. Linga i senema yo kigune, polelo i kalatasi ya nōngwa kyo kigune, polelo i rediyo yo kigune, kangi utubalilo twīngi i telefōni yili. Muketile, muketile, muketile, muketile? Ikyene kyo iki ugwe kutendeka ukufuma ku kyene. Lōli ukuya ukuti u nkundwe āyobīle ikilo kimo, ukuti pakayapo ni mbatiko yiliyosa pa televizioni kangi mma; isyo syo hela nyīngi fiyo. Undūmbilili undondo uyu ukulūmbilila i Nongwainunu Inyīsusye akabagila ukufwānikisya ukuhōmba ulubātiko lumo pa televizioni. Popāpo polelo. . . Nkundwe alinkuyoba ikilo ikīngi, une ngwītika, kubuyobumo, alinkuti, “Kung’und’ulufūmbi i rediyo yāko,” pamo umundu yumo, pamo, “Twala iyene ukufuma ku nguto kangi pilikisya ku mbaatiko sila.” Uko ko kutalusya.

<sup>88</sup> Lōli, gwempala mūndu, kilikyōsa ugwe guli, une naloliloli ngwītikisania na ugwe. Ikyēne kisile ukuya kimo mwa findu ifigunigwe ku luko lwa bāndu. Nkati mula abene bikwega fyosa ifi apa ihela isi sibagile ukubuka ku sikali ukuya misongo, nukusibīka isyēne panja mu kufumusya-fumusya pa syosa isi imbātiko sya ngambo na kachasyo ni findu bo ifyo, nukōmōla isyene pa sōngo sya sikali; kangi polelo abēne bikwisa ukusyūngutula nukwēga abalūmbilili nukubakwāba abēne ukukīnda mbulongelonongwa ukwēgako akahela akanini ukufuma ku bēne. Une ngwitikisania na ugwe, ikyene kyo kindu ikitilisyē. Lilino, ikyo kyo kikaya. . . Ugwe umenye, ikyene kyo itolo kindukimo ugwe kwaga. Ndaga ugwe, kalumbu, nkundwe, aligwesa uyu ugwe gwālālusisye ikyo.

**94. Lilino, apa po lilipo ilinunu limo. Ililālúsyu: Bulipo ubuyo mwi Bāngéli u luko lwa Samueli Gwākwānda 18:10, uyu ikuyoba i mbepo inyali ukufuma kwa Kyala yābōmbile ifindu. Une ndikupilikisya u “mbepo nyali ukufuma kwa Kyala.” Ngulamba līngānia iki.**

<sup>89</sup> Ena, lumo nu butuli bwa Ntwa, une mbagile. Ikyene kitikusanusya ukuti Kyala yo Mbepo mbibi. Loli imbepo yiliyosa iya kilikyosa yikwīlāmbika kwa Kyala. Kangi Umwēne ikutēndēka kilikyōsa ukubōmba ukufwana na iki Umwēne ikwīgāna. Muketile?

<sup>90</sup> Lilino, pa lilālúsyu lyāko, ugwe kuyoba isya mbepo inyali iyi yābūkīle panja ukufuma kwa Kyala ukunkubulusya Sauli.



Umwēne āli mu figili, ububūmbe ububōngotokele-pāsi—akayīlo, panongwa yakuti, ubuyo bwakwānda, umwēne āgomokile nyuma. Kangi akabalilo kako ugwe kugwīla nyuma, imbepo inyali—Kyala isakwitikisyaga imbepo imbibi ukukukutamiaga ugwe.

<sup>91</sup> Une ngulonda ukubala kwa umwe i kindukimo mu—mu kabalilo. Une ndinalyo ilinogono ilingi pa kyene apa. Muketile? U mbepo aligwesa ikufimbilisigwa ukuya gwakwilāmbika kwa Kyala. Ngimba umwe mukukumbukila akabalilo kako Yehosafati na Ahabu bayaga pakubuka pānja ku bwite? Kangi ikindu kyakwanda umwe mumenye, pala lyālipo i—abene bālitageye mu fipata. Kangi Yehosafati āli nnyāmbāla ungolofu, kangi umwēne alinkuyoba (abanyafyāle babili pala, kangi abēne balinkōngānia amaka gābo palikimo) kangi polelo umwene alinkuti, “Unko uswe tundālusyege u Ntwa ukufwana ukuti kali uswe tusōkege pamo mma.”

<sup>92</sup> Kangi Ahabu alinkubūka nukwakwēga abasololi bamia bana aba umwēne āli nabo, bōsa, abūmilisye abēne baswīligwe nukutupisigwa na filifyōsa; abene baali mu bubūmbigwe ubununu. Kangi abene balinkwisa pala, kangi abene bosa balinkusolola nu bwitikisanio bumo, balinkuti, “Būka kula, kangi Kyala isakukupa ugwe ubupōnjōli. Buka mmwanya ku Ramoti-giliyati kangi kula Kyala isakwēga i kindu kila kuli ugwe.” Yumo mwa bēne ālītendekile mwēne imbembe ibili nukwānda ukubopa ukusyūngutila ukuya kyakunāngisya, alinkuti, “Ukwisila mu mbembe isi, ugwe kwisakubagūta abēne kubutali pānja pa kīsu; kyokyako ugwe.”

<sup>93</sup> Lōli umwe mumenye, kilipo ikindukimo ukufwana nu mūndu gwa Kyala iki itolo kitikubuka ku kyōsa kya ikyo. Muketile? Linga ikyene kitikukuba panja ni Lisimbo, kilipo ikindukimo kitamisyē. Umwitiki ugwabwanaloli aligwēsa... Popāpo Yehosafati alinkuyoba, “Mulimōsa, bala bamia bana bikuboneka lōsa kanunu. Abene bikuboneka ngati banyāmbala banunu.”

“O, abēne bali,” lumo Ahabu āyobīle.

Lōli Yehosafati alinkuti, “Ngimba ugwe ukaya nayo yumo ugwakōngelelāpo?” Nongwa yafiki yumo ugwakōngelelāpo akabalilo kāko ugwe ulinabo bamia bana nu lwitikisanio lumolwēne? Panongwa yakuti umwēne āménye kyālipo ikindukimo iki kikāpilikisigwe itolo kitalusye. Muketile?

Umwene alinkuti, “Ena, uswe tuli nagwe yumoywene kangi, u mwanundumiana gwa Imlah, pamwanya apa,” alinkuti, “loli une numbengile umwene.” Naloli. Ugwe kwīsa kwīgāla i kipānga kyāke akabalilo kalikōsa ugwe ubagile. Ugwe kwisakumbōna umwēne ukufuma nkīsu. Muketile? Naloli. “Une numbengile umwēne.”

“Nongwa ya fiki ugwe kumbenga umwēne?”

“Umwene bwila ikusolola ukulwana na une.” Une ngwītika Yehosafati āmenye palapala pala kyālipo—ikindukimo kikāli kitalusye.

Popāpo umwēne alinkuti, “Būka kula nukwakummwēga Mikaya.”

Polelo abene balinkufyuka ukundonda umwene, kangi apa umwene alinkwisapo. . . Polelo akabalilo kāko abēne bābukīle kula, abēne balinkutuma untumigwa nukuyoba, “Lilino, gūlila i miniti. Lilino, abēne bali na ba Dokotala ba Bunyakyala bamia bana kula. Abēne bo bakīnde-bosa aba balipo nkīsu, na ba Ph, ba LLD, kangi filifyōsa.” Alinkuti, “Lilino, ugwe umenye, ugwe gwe ndondo nnini unnyambala nsitakumanyila, ugwe utisakulwana na bosa abapuuti bala.”

<sup>94</sup> Imlah alinkuti iki, pamo une ngusanusya, Mikaya āyobīle iki: “Une ndisakuyobaga nakimo mpaka Kyala ikukibika ikyene nkanwa mwangu, kangi polelo une nguyobaga katikati iki Umwene ikuyoba.” Une nkiganile ikyo. Une nkiganile ikyo. Mmasyu agangi, “Une ngwitugasyaga ni Lisyu.” Kali kyo fiki abāngi ba bēne bāyobīle. Umwene alinkuti, “Ena,” alinkuti, “Une ngukubula ugwe. Linga ugwe utikulonda ukusopigwa panja, ugwe kinunupo yoba ikindu kilakila.”

Polelo umwēne alinkubuka ukusuluka kula. Kangi umwēne alinkuti, “Ngimba une ngufyukilaga kula?”

Umwene alinkuti, “Kindililāga.” Alinkuti, “Mbapo une ikilo iki. Unko une njobege lōsa ikyene nu Ntwa.” Une nkiganile ikyo. Polelo ikilo kila u Ntwa ābonīke ku mwēne, kangi ilisiku ilikōnge umwēne ābūkīle pamwanya. Kangi umwēne alinkuyōba, bo ikubūka mmwanya, umwene alinkuti, “Kindililāga; lōli une nālimbwēne Israeli ngati ng’osi kisita ntimi, sibalanile pa twāmba.” O, mwe! Kila kilinkulekesya u mbelo ukufuma ku mwene.

Kangi umwene alinkuti, “Ngimba une ngakubūla ugwe? Une nāmenye ikyene. Iyo yo katikati njila iyi umwene ikubombela akabalilo kosa, ikuyoba ikindukimo ikibībi ukulwana na une.”

<sup>95</sup> Fiki? Umwene itugasyaga ni Lisyu. Fiki? U nsololi pankyeni pa mwene, i Lisyu lya Kyala likufumila kwa Eliya, u nsololi ugwanaloliloli, umwēne āyobīle, “Panongwa yakuti ugwe gōnile ililopa lya nsitabusobi Naboti, ĩmbwa sisyakumyānda ililopa lyāko nūgwe.” Kangi umwene alinkumbula umwene ububibi. Elisha ābombīle ābūkīle ku Mwanya. Loli umwene aamenye ukuti Elisha aali ni Lisyu lya Kyala, polelo umwene aalimile ni Lisyu. Une nkiganile ikyo. Syala ni Lisyu.

<sup>96</sup> Linga i Libangeli liyobīle Yeso Kristi yo yuyo mmayolo, umwisyugu, na bwilanabwila; a maka Gake gakāli pōpe galagala; u Mbepo Mwikemo ali kuli aligwesa uyu ĩganile, unko umwene ĩse, syalaga ni Lisyu. Ena, nkulumba! Kali kyo fiki abāngi ba bēne bikuyoba. Kali bobunununki balyēsīgwe kangi

go masukulu mingi bulebule abēne bābūkilēmo nukukīnda, ikyo kikaya nakimo ikyakubōmba ni kyēne.

Popāpo polelo umwene alinkuti... Umwinitu unkulumba unywamu ni mbembe pa ntu gwake, ikuyaga pakukiguta ikyēne—i kisu pānja ukufuma pakukīnda u mwalafyāle, umwēne alinkwēnda ukwīsa nukundūpūla umwēne nkanwa (undumbilili unnini uyu). Umwēne āmēnye umwēne āli itolo panini mwīkemo mbunguluka popāpo kikālīko nakimo kyābagile ukuyobigwa iṣya ikyēne, polelo umwene alinkumūlupūla umwene nkanwa. Umwene alinkuti, “Une ngulonda ukukulalusya ugwe i kindukimo.” Alinkuti, “Yo njilanki iyi u Mbepo gwa Kyala abukege akabalilo kako Umwene asokege ukufuma kwa une linga ugwe uli nagwe Umwene?”

<sup>97</sup> Umwēne alinkuti, “Ugwe kwisakupilikisya akabalilo kāko ugwe gwītūgēsye nkabaga panja ukukilania ukuya gwamminyololo.” Umwene alinkuti, “Une numbwene Kyala itugesye pa kikota (Ameni! Lilino pilikisya!), kangi ikulundilo kya Kumwanya balinkukomana ukusyungutila Umwene.” Ngimba kyatamisye fiki? Unsololi Gwake atalile ayobile isi sibagile ukubombigwa kwa Ahabu. Kyala... Yula akāli Eliya āyobīle ikyo; yula āli nsololi umpakīgwe. Lila lyaali Lisyu lya Ntwa, ISI SYO IKUTI UNTWA. Kangi Mikaya alinkuti, “Une nkibwēne kyōsa ikilūndilo kya ku Mwānya kibūngēne ukusyūngutila Kyala mu lukomano ulukulumba. Kangi abene bayobaga yumo nu nnine. Kangi u Ntwa alinkuti, ‘Ywāni tubagile Uswe ukwēga ukubūka pāsi, yo ywāni gwa umwe abagile ukubūka pāsi, nukwakunsyōba Ahabu, ukunsosya umwene panja pala ukufwanikisya i Lisyu lya Kyala, ukummwega umwene ukutusuliligwa? Ngimba ywani Uswe tubagile ukwēga ukubuka pāsi?’”

<sup>98</sup> Mulimōsa, yumo āyobāga *iki* yumo pamo *ikyo* kila. Kangi ukukīnda akabalilo, i mbepo inyāli, imbepo yabusyōbi yikwīsa pala ukufuma kūsi kangi yilinkuti, “Linga Ugwe itolo kwīsakunyītikisya une. Une ne mbepo unsyōbi. Une ngusulukaga pāsi nukufika mu bōsa abalūmbilili bala, panongwa yakuti abēne bakaya nagwe u Mbepo Mwikemo; kangi une nisakubapela abēne (abēne ba balumiana abamanyisigwasukulu)—kangi une nisakubūka ukusuluka, nukwīngila mu aligwēsa yumo gwa bēne, nukubasyōba abēne, nukubapela abēne ukusolola u busyōbi.” Ngimba umwēne āyobīle ikyēne? Kangi umwēne alinkuti, “Iyo yo njila uswe twīsa kusyōba.” Popāpo umwēne alinkusuluka pāsi.

Umwēne alinkuti—Kyala alinkuti, “Ugwe uli nu bubwītikisigwe Bwāngu ukubūka.”

<sup>99</sup> Kangi umwēne alinkubūka pāsi nukwīngila mu bala abasololi abasyōbi, ubutumigwe ubumanyisigwe-sukulu, nukubapela abēne ukusolola u busyōbi. Umwēne āli mbepo

unsyóbi ikubōmba ku bwígáne bwa Kyala. Unko une... Itolo ikindukimo ikingi ugwe ubagile ukukéta apa, itolo i miniti. Kētésya iki. Une ngulōnda umwe ukusanuka na une ku Bakorinti Gwākwānda untu gwa 5, ilinandi lya 1, itolo i miniti. Bakorinti Bakwanda...Kangi kētésya iki linga ugwe kulonda ukukéta ikindukimo, ikya Kyala ukupela i kindukimo—mumo fikuti imbepo inyali sila, mūmo fikuti isyēne sisa—isyēne sisakwenda... Umma ndaga, Pauli ikuyoba:

*Ikyēne kyo kiyobīgwe palipōsa ukuti bulipo u bulogwe pakati pa umwe, kangi ubwa luko ubulogwe bwakuti ikyēne kikaya...kiyōbigwe pakati pa Bāpānja,...* (Ngimba ugwe kwinozona fiki isya ikyo pakati pa kipanga?)...*ukuti yumo abagile ukuya nu nkasi gwa tāta gwāke.*

*Kangi umwe mwitūfifye mōsa, kangi mukabōmba mma...* (Unko uswe tukēte. Une ngwitika une nsanwike amāni mabili pa...)...*Umwe mwe—Kangi umwe mwitūfifye mōsa, kangi mukabōmba tutigi mukakūta, ukuti...* (Lilino, gūlila i miniti. Ngimba une... Ena, uko ko kotalusya. Ena.)...*kūta...* (Ikyo kyo ikyēne)...*mwītutumwīsyē mōsa, kangi mukabōmba komma...ukukuuta, ukuti umwēne uyu abōmbīle ikīndu iki abāgile ukusōsigwāmo ukufuma mwa umwe.*

<sup>100</sup> Une ngamanya. Une ndikwitika ukuti aligwesa abagile ukuyoba ku iki pamo ukutumula kunyuma, loli une itolo nguponesyaga iki une ngwitika: Linga u mundu akabalilo kamo ikwisusigwa nu Mbepo umwene akabagila ukutāga Umwene. Muketile, muketile?

*Kabuno une naloliloli, bo ngayapo mu mbili, lōli ndipo mwa mbepo, ndalile ndōngile, ukuya mfwānēge une nālipo, ukufwana nu mwene uyu abombilepo ikīndu iyi,*

*Mu ngamu ya gwītu Ntwa Yeso Kristi, akabalilo kākō umwe mukubūngana palikimo, kangi mbepo gwangu, na maka ga u Ntwa Yeso Kristi,*

*Ukumbīka bo uyu yumo kwa Sētāno ku bonangiko bwa mbili, ukuti u mbepo abagile ukupokigwa mu lisiku lya Ntwa Yeso.*

<sup>101</sup> Kyala, ukumbula i Kipanga ikikemo, iki kyo Mbili Gwake apa pa kisu, ikyo (lilino, iki kyo ukufuma Lwitikano Ulukūlu, mu Ulupya) ukumbūla u nnyāmbala uyu āli gwākinyanyasi fīyo kangi mfite pakati pa bāndu mpaka umwēne āgonanaga nu nkasi gwa gwīse gwāke mwēne. Alinkuti, “Ikindu kya luko ulu mu Mbili gwa Kristi...Ugwe, Kipanga, nsanusilaga umwene kwa mōhēsi ku bonangike...” Muketile? Kyala ikwītikisya i...Kangi akabalilo kākō Umwēne ali nakyo ikindukimo Umwēne ikulōnda kibōmbīgwe, ukubīka unkyapi pa munduyumo, Umwēne isakusanusilaga imbepo inyali pa bēne

ukuti isyène sisakubilisya u mündu yula nu—nu kubatwāla abène ukugōmokela. Lilino, uswe tukusyagania unnyambala uyu ukufuma . . .

<sup>102</sup> Ikyo kyo iki kitamisye ni fipanga umwisyugu. Akabalilo kako unnyambala ikwisa mu Mbili gwa Kristi kangi ikwisa ukuya yumo mwa benekaya nukwanda ukubomba ububibi, mbuyo bwa umwe mwēsa ukwīsa palikimo nukubōmba ikindu kikiki iki. . . Kangi umwe, Branham Tabernacle, bomba ikyo. Panongwa yakuti akabalilo kosa umwe mukunkolelela umwēne pala, umwēne ali pāsi pa Lilopa. Kangi umwēne ikūmilisya itolo ukubomba ikindu kilakila ukwāndisya kangi ukukilania kangi ukukilania pa kabalilo kalikosa. Umwe fika palikimo nukummwegela umwene kula kwa mōhēsi ku bonangike bwa nyōfu, ukuti u mbepo gwake—bo—lumo abagile ukupokigwa mu lisiku lya Ntwa. Kangi kētēsya unkyapi gwa Kyala gukwīsa mula. Kētēsya mōhēsi ikwēga ubukolelele bwa umwēne. Iyo yo mbepo inyāli yikummwēga umwēne.

<sup>103</sup> Kangi undumiana uyu alinkugolosigwa mōsa. Umwēne alinkugomokela. Uswe tukusyāgānia mu Bakorinti Bakibili kūko umwēne naloliloli āpyāgile mōsa pankyēni pa Kyala.

<sup>104</sup> Kēta kwa Yobu, u nnyambala umpelelesye, u nnyambala ungolofu. Kangi Kyala alitikiisye u mōhēsi umbibi ukwisa pa mwene, nukumfūnda umwēne, na filifyōsa ifīngi kuli ukupelesya kwa mbepo gwāke. Muketile? Popāpo i mbepo inyali sili. . . Kyala ikubombela imbombo imbepo inyali utubalilo twingi ukubomba ulubatiko Lwake nu bwīgāne Bwake.

**95.** Lilino, apa lilipo limo ili naloliloli lyo mwifwa gumo. Ililālúsyo (Une ngwinogona umwēne yo mundu yulayula, panongwa yakuti ikyene kikuboneka ko kalakala akasimbilo): **Linga u mündu ikufimbilisigwa ukuya na Mbepo Mwikemo ukuya—na Mbepo Mwikemo ukupinduka nukubūka mu bunyakiligwa, ngimba kisakuyaga kayīlo kaki ka bāna aba bafwīle bo fikāli ifyīnja fya kumeleligwa? Kangi mo ndili abēne bisakusyūkaga?**

<sup>105</sup> Lilino, nkundwe gwangu, kalumbu, une ngabagila ukukubula ugwe ikyo. Likayapo nalimo i Lisimbo pa kyene mwi Bāngéli mūmo une mbagile ukwaga kulikosa. Lōli une mbagile ukuyoba aminogono gāngu. Lilino, iki kisakukukasyaga ugwe gwe kwītika mu lipyāna lya Kyala. Umwe muketile, umundu uyu ikulonda ukumanya (ili lyo lilalusyo ilinunu fiyo. Muketile?) u mündu uyu ikulōnda ukumanya iki ubusyūke—iki kisakubonekaga kwa mwan’umfyēle, ukuti linga umwēne ikufimbilisigwa ukuya na Mbepo Mwikemo ukuti abukege mu Kunyakiligwa . . . Mumo une njobīle, uko ko kotalusya. Ikyo kyo kufwana ni Bangeli. Uko ko kumanyisya kwa Lisimbo. Komma uku—komma ukubuka ku Mwanya . . . Panongwa yakuti a bāndu

abĩsusigwe na Mbepo Mwikemo bo busyuke bwakwanda, a Basaligwa. Kangi abasyāle ba bala. . . Abāngi ba bafwe batikuya nu bumi kuli ifyĩnja elifu yumo. Ukufuma pa Fyin’elifu, polelo ubusyũke bwākibili, ubulōngi bwa Kikota Kyelu ubukulumba. Muketile? Ulo lo katikati lubātiko lwa Bāngéli. Loli u mundu uyu ikulonda ukumanya iki kikufwana na bāna aba. Abene. . . Mmasyu agangi, ngimba abene balinagwe u Mbepo Mwikemo bo abene bakāli bakapāpigwa? Ngimba abene bālyambilile Ikyene? Lilino, ikyo une ngabagila ukubabula umwe.

<sup>106</sup> Lōli lilino, unko uswe tuyobe bo ulu: Uswe tumenye ukuti abāna bābo bikufwa, kisitakupāsyā isya bapāpi bābo, abēne bapokigwe. Lilino, une ngukānikana ni sukulu ya basololi pa ikyo. Abene bātīle linga akene kāli—kāfwīle nu mpapi uyu āli mbībi, ukuti u mwana yula ābagile ukubuka ku gehena, ukubola; patisakuyapo kangi’mma ku kene. Ena, Yeso. . . Yohani āyobile akabalilo kako Yeso ikwisa, “Kēta u Kang’osi gwa Kyala uyu ikusoosya imbibi sya nkisu.” Kangi linga u mwāna yula āli mundu, uyu ābagīle ukwisa pāsi pa bulongi bwa Kyala, kangi Yeso āfwīle ukwēga imbibi, imbibi syōsa syasōsigwēpo pankyēni pa Kyala akabalilo kāko Yeso āfwīle panongwa yila. Imbibi syīnu syahobokelīgwe. Imbibi syāngu syahobokelīgwe. Kangi injila yēne iyi ugwe ubagīle ukuhobokelīgwamo siku ko kwitikisya ubuhobokelo Bwāke. Lilino, u mwāna akabagila ukwitikisya ubuhobokelo bwake, polelo akene kakābomba nakimo. Akene kakabōmba nakimo na panandi mma. Popāpo akēne ko naloliloli mwaitolo ukubūka ku Mwānya.

<sup>107</sup> Lōli ugwe kwisakuyobāga, “Ngimba abēne bisakubūkaga mu Bunyakiligwa?” Lilino—lilino, ili lyo lisyu lyangu lyene; ili lyo linogono lyangu lilino. Komma. . . Une ngabagila ukusisimikisya iki ni Bāngéli. Lōli kēta. Linga Kyala, bo ulwalo lwa kisu lukāligwa, āmenye umundu aligwesa ikuyaga siku pa kisu kya pasi. . . Ngimba umwe mukwitika ikyo? Umwēne āmenye imbwele inandi yiliyosa, imbani yiliyosa, imbwele yiliyosa, Umwēne āmenye kilikyosa iki kisakuyagamo siku pa kisu. Linga Umwēne āmenye ikyo. . .

<sup>108</sup> Kēta. Unko uswe twege mwa kwegelelapo, Mōse. Akabalilo kako Mōse āpapigwe, umwene āli nsololi. Pankyeni pa Yeremiya. . . Kyala ālimbūlile Yeremiya, “Bo ugwe ukāli nukubumbigwa munda mwa māma gwāko, bo ukāli ugwe ukubūmbigwāmo siku munda mwāke, une nakumēnye ugwe, kangi nakukemesisye ugwe kangi nukukusaya ugwe u nsololi ku fikolo.” Yohani u Mōsi, ifyĩnja bamia bahano-na-babili na kalongo-na-babili bo umwēne akāli akapāpigwa, Yesaya alimbwēne umwēne mu mboniboni, alinkuti, “Umwene yo lisyu lya yumo likukūta ndulangalanga.”

<sup>109</sup> Ukusūnguligwa-ngāni pamo ukumanyila-ngāni kwa Kyala amenye fyōsa ifya bāna banini (muketile?), iki abēne bāyāga pakubōmba. Kangi Umwēne āmenye abēne bisakufwāga.

Umwēne āmēnye. Nakimo kibagile ukuboneka kisita Kyala amēnye isya ikyēne. Nakimo kibagile ukuboneka ku . . . Itolo bo yu Ntimi Nnunu, mumo Umwene ikwingila . . . Lilino, ukwega iki ukwisila mu Lisimbo, Une ngābagile ukuyoba i Lisimbo likuyoba *kyakuti-na-kyakuti*. Une itolo ngwēga ikyēne ku linogōno lyāngu.

**96.** Lilino, ililălûsyo ilikōnge lyo limo une ngwinogona ukuti lumo yumo āli iki une nāyobīle ikilo kimo. **Lingania u nkasi ukuya mpokīgwe ukwisila mu kupāpa u mwāna.**

<sup>110</sup> Unkasi akapokigwa nu kupāpa u mwāna. Lōli unko uswe tusanuke lilino kwa Timoti Gwakwanda 2:8 itolo i miniti. Kangi unko uswe itolo tusyāgāniege iki i Bāngēli likuyoba isya mwanike. Lilino, une ngusyagania ukuti ikyo kyo kimanyisyo kya kiKatolika, ukuti un’Katolika ikuyoba u nkikulu ikupokīgwa mu kupapa-bāna, ukwisila mukupāpa u mwāna. Lōli unko uswe tulinga . . . Une ndikwītika ikyo. Timoti Gwākwānda untu gwa 2, kangi unko uswe twānde pa linandi lya 8, nukubala itolo pakabalilo lilino. Umma ndaga, pilikisya.

*Nkayīlo kalakala bōpe, fikuti abakīkulu bīnu bimogesyege bēne mmyēnda imibagile . . . (Uswe tutikulōndigwa ukulălusya ikyo, bule uswe? Pilikisya ku iki.) . . . ni kisyo kya soni . . . (Whuu!) . . . kangi ulwiyīsyo; komma nu ukuluka isyāke inywīli, pamo golidī, pamo inyāmbo imbala, pamo imyēnda yantēngo; (Bakundwe, une ngubatūla umwe apa, une ngusūbīla. Fyosa ifilūndu ifipya ifi ilisiku lyōsa pamo amasiku matatu. Umwe muketile? Ikyo kikaya baKristi.)*

*Lōli (aba bikuya bakīkulu ukwiyobela ubunyakyala) ni mbombo inunu.*

*Unko abakikulu binu bamanyilege nkimyemye nu kwilāmbīka kōsa.*

*Lōli une ndikwitikisya u nkikulu ukumanyisya, pamo ukupoka ubulagili pamwanya pa . . . nnyambala, loli ukuya . . . kimyemye.*

*Kabuno Adamu ābumbigwe akākwānda, kangi polelo Eva.*

*. . . Adam akāsyobīgwe mma, loli u nkikulu ukuya nsyōbīgwe āli mbutulwanongwa.*

*Palema bo iki umwene isakupokigwaga mu kupāpa-bāna linga . . . (Lilino, umwene atikuyoba ku nkikulu gwa kisu kyapasi, ukuya nu twana.) . . . linga umwene ikukindilila mu lwitiko . . . (Muketile? Linga umwene ikukindilila. Umwene yo atalile . . . Uyo yo nkikulu umwene ikuyobapo, unkikulu uyu atalile apokigwe. Muketile?) . . . kangi u lugano nu bwikemo na mabyebye gōsa.*

<sup>111</sup> Komma ukwisila ukuya nu mwāna kikumpela umwēne ukupokigwa, lōli panongwa yakuti umwēne ikukusya abāna, ikubōmba imbombo yāke, komma ukukusya abapūsi, imbwa, kangi fyo-fiki ifyakongelelapo ukwēga ubuyo bwa mwānike, bo mūmo abēne bikubōmbèla umwīsyūgu, ukupa akēne u lugano lwa mama ukuti umwene abagile ukubuka panja nukubopela ukusyūngutila ikilo kyosa. Abandu bamo bikubomba ikyo. Nsuluménie, lōli abēne bikubōmba ikyēne. Ikyo kyo kyakutilisya kyamatingo kwa une ukuyoba, lōli u bwānalōli bo bwanalōli. Muketile? Abene batikulonda u mwāna ukuya bapinyiligwe pási na kēne. Lōli mu kupāpa-bāna, linga umwēne ikukīndilīla mu lwītīko, bwīkémó, na bōsa ubwāgānie, umwēne isakupokigwa. Lōli *linga* yo, ugwe kwisakupokigwaga nūgwe, *linga* ugwe upāpīgwe kabubili. Ugwe kwisakubūmbulusigwāga *linga* ugwe kwitika. Ugwe ubagile ukwambilila Mbepo Mwikemo *linga* ugwe kwitika Ikyēne, ukwitendekesya ku Kyene, *linga* ugwe gwitendekisye ku Kyene. Kangi umwēne isakupokigwaga linga umwene ikūmilisya ukubomba ifindu ifi (muketile?), lōli komma panongwa yakuti umwene yo nkikulu. Popāpo uko ko kutalusya, nkundwe, kalumbu. Ikyēne kikaya kimanyisyo kya Katolika napanandi pōsa. Lilino une ngulōnda. . . Apa lilipo ilīngi limo ili lyo nalōli lyāmifwa lila. Polelo uswe tuli nalyo limolyene ukōngelelapo. Une ngwinogona lumo uswe tuli na kabalilo ka ilyene. Une itolo negile kōsa akabalilo kitu. Lilino, iki kyo itolo—iki kyo itolo fyakukōnga fya luyigo. Iki kyo fyakukōnga fya lukomano, amalālūsyo aga.

**97. Lilino: Nkundwe Branham (ikyene kyo kisīmbigwe ni taipi), ngimba ilyene lyo Lisimbo kuli u mūndu ukuyoba mu ndimi nukusanusya i ndumi yake yene? Linga polelo, ngusuma lingania. Bakorinti Bakwanda pamo Bakorinti 14:19 na Bakorinti 14:27.**

<sup>112</sup> Umma ndaga, unko uswe tubūke kula ku Lisimbo lila nukukéta iki ilyene likuyoba. Kangi polelo uswe twisakukeeta ukuti kali uswe tukukyunga iki Kyamasimbo. Uswe tukuloonda bwīla ukuya Kyammasimbo. Kangi Bakorinti 14. Lilino, umundu ikulonda ukumanya linga ikyene Kyamasimbo kuli u mundu ukusanusya i ndumi yake yene iyi umwene āyobile mu ndimi. “Linga momumo, lingania a Bakorinti 14:19.” Unko uswe tukéte, 14 na 19. Umma ndaga, apa uswe tuli.

*Lōli mu fipānga une. . . kinunupo ukuyoba amasyu mahano nu kupilikisya kwāngu, ukuti ukwisila mu lisyu lyāngu une mbagile ukubamanyisya abangi nīne, ukukinda maelifu kalongo. . . mu. . . ndimi insitakumanyigwa.*

Lilino, ilikōnge lyo linandi lya 27, abēne bikulōnda ukumanya.

*Linga u nnyāmbàla aligwēsa ikuyoba mu lulimi*



*ulusitakumanyigwa, unko icyēne kiyega ukwisila babili, pamo ku... ukukinda ukwisila batatu, kangu icyo ukwisila nkuyabana-kabalilo; kangu unko yumo asanusye.*

113 Lilino, une ngwega iki u mundu uyu ikugela ukufikako (iki une ngulōnda—une nguyaga pakubala ikindukimo kwa umwe itolo akabalilo). Loli une ngwinogona iki u nkundwe pamo kalumbu ikugela ukufikako, “Ngimba icyēne kili kanunu ku mūndu uyu ikuyoba mu ndimi yope ukusanusya i ndumi iyi umwēne āyobīle?” Lilino, gwempala mwinangu nganigwa, linga ugwe kwisakubala ilinandi lya 13 mu ntu gulagula, icyene kikukubula ugwe:

*Panongwa ya iki unko umwēne uyu ikuyoba mu lulimi ulusitakumanyigwa ipute ukuti umwēne abagile ukusanusya.*

114 Naloliloli. Umwene abagile ukusanusya indumi yake mwene. Lilino, linga uswe itolo... Unko uswe itolo... Ena, ugwe... Bala kyosa kya icyene apa, kangu ugwe ubagile ukuketa Ikyene kyo... Itolo bala untu gosa gula. Ikyēne kyo kinunu fiyo, kikulingānia icyēne.

115 Lilino, ukuyoba mu ndimi... Lilino, akabalilo kako uswe tuli pa icyo, kangu iki ukuya pa tepi, une ngulonda ukuyoba ukuti une ngwitika itolo mu ndimi mumo une ngwitikila mu bubumbulusyo Bwakyala, kangu u—u lōsyo lwa Mbepo Mwikemo, u Kwisa kwakibili kwa Kristi, kangu a maka ga kisu iki kikwisa; Une ngwitika itolo bo bwingi mu icyo mumo une ngwitikila, loli une ngwitika ukuyobela mu ndimi buli nu buyo bwake itolo bo ku kwisa kwa Kristi kuli nu buyo bwake; ububumbulusyo Bwakyala buli nu buyo bwake; kilikyosa kili nu buyo bwake.

116 Lilino, kwa umwe bāndu, une ndinalo ulusako ukuyoba iki lilino, kangu une ngulōnda ukulingānia icyēne. Kangu linga une ngufulasya aligwesa, une ndikusanusya icyene mma. Une ndikusanusya ukupela ubufuluganiko. Loli pilikisya. Iki kyo kyātamisye nu kuyoba mu ndimi insitakumanyigwa na bāndu ba kiPentekosti (iki kyo nimwene; une ndi gwa Pentekosti. Muketile?).... Lilino, iki kyāli lutamio kyo iki: ukuti abene batikutīla icyēne. Kangu ikindu ikingi, abene bakukileka itolo icyene kibukege ku ndufuluganiko. Abene batikugomokela ku Lisyu.

117 Lilino pilikisya. Apa po yilipo i njila—i unko—apa po yilipo i njila i kipanga kibikigwe. Lilino, mu kipanga kya kiPentekosti, linga une nāli ntimi ku kipanga iki, une ngubabulaga umwe mūmo une mbagile ukukibika icyēne mōsa (muketile?), linga une nāli—nabagile ukuya apa akabalilo kōsa ukutīma icyēne. Une āngāli ngwēga i kikūngilwa kilikyōsa mwi Bāngēli. Ukubabūla abītiki icyākwanāda ukuya bōsigwe mwa Mbepo Mwīkēmo.

Kangi polelo, ikyabupe kya Bakorinti Bakwanda 12 kyayaga pakubomba mu kipanga kyangu, linga une nábagile ukubegela abene mula, umbili gosa kukubomba.

<sup>118</sup> Lilino, linga umwe mukukétésya...Kisitakuténdéka ubuyobelo lilino. Kangi kumbukilaga, une ngabagila ukuyoba ilisyu limolyene ili likulwana—une mbagile ukuhelula Mbepo Mwikemo. Kangi Kyala amenye une ngabagila ukuyoba ikyo nubusobi. Muketile? Loli une nguyoba itolo iki ukugela ukupa ugwe u kukéta kwa Lisimbo ukufuma pāpo une nkifündile icyène lilino ku kifuki fyinja malongo mabili. Une nālumbililága ku fyinja malongo matatu. Kangi une ngīndilēmo mu kilikyōsa, itolo nikwābilēmo ukukīnda; umwe mubagile ukwīnogonela iki icyēne kiyīlile ngati. Kangi ukukétésya unnyāmbála aligwesa, kangi ikimanyisyo kyābo, ikīsu kyōsa. Kangi ukwēga icyēne panongwa yakuti icyēne kyo kifumbwe kyāngu. Ikyene kyo kifumbwe ku bandu palubafu lwa nimwene. Une mbagile ukusōkàpo apa. Ugwe ubagile ukusōkàpo apa. Kangi linga une ngubuka ukuya nsololi gwabutungulu, une ngutagaga u moyo gwangu nimwene nukutaga ugwīnu na une. Popāpo icyēne kyo kyakukīndapo—ikyēne kyo kyakukīndapo unkati gwa lisiku lyōsa; icyēne kyo kukīndapo ubufumuke; icyēne kyo kyākukīndapo kalikōsa akāngi; icyēne kyo Būmi kwa une. Muketile? Kangi une ngulōnda akabalilo kōsa ukuya kisolofu-ukukīnda ukwa bwanalōli-ndumbula.

<sup>119</sup> Lilino, ugwe kubuka nkipanga kya kiPentekosti, ikindu kyakwanda... (Une ndikusanusya fyosa fya ifyene. Bamo mwa bali...) Kīngi ka kabalilo ugwe kufika mu kipānga nukwānda ukulūmbilila; akabalilo kako umwe mukulumbilila, umunduyumo isakusumuka mmwanya nukuyoba mu ndimi. Lilino, u mūndu umpala yula abagile ukuya nubupelelesye īsusigwe na Mbepo Mwikemo, kangi uyo abagile ukuya Mbepo Mwikemo ikuyoba ukwisila mu mundu yula, loli i kindu kya ikyene kyo, abene bakamanyisigwa. Linga ubutumigwe ubu pa kigemo buli pāsī pa bupakigwe ikuyoba, u mbepo gwa basololi ikupilikila ku nsololi. Muketile? “Unko ifindu fyosa fibombigwege...” Lilino, ukufika ukukilania apa mwa Pauli nongwa ya fiki umwene ikuyoba ukuti “akabalilo kako yumo ikuyoba,” na fyosa bo ifyo... “akabalilo kāko umwēne ikwisa mula, mula mwāli itolo ulufuluganiko.”

<sup>120</sup> Lilino, une ndendike ukukōlela kwa pa kigemo, kangi umundu yumo ikufyuka mmwanya nukuyoba mu ndimi. Ikyene itolo...Ena, ugwe itolo kifwene itolo ukuleka ukukōléla kwa pakigemo. Ikyene kikwimika ikyene. Muketile?

<sup>121</sup> Kangi polelo, ikindu ikingī. Utubalilo twīngi abāndu bisakufyūka mmwānya nukuyoba mu ndimi, kangi abāndu bikwitūgasya nukutafunya umpulya gwakutafunya, bikukelengania. Linga Kyala ikuyoba, yaga kimyemye, pilikisya! Linga ubo bo Bwanaloli, linga uyo yo Mbepo Mwikemo ikuyoba

mu mundu yula, ugwe kwitugasya kimyemye nu kupilika, yaga gwaluyindiko. Ulanusyo lumo lubagile ukwisa kwa ugwe. Muketile? Ukwitugasya kimyemye; pilikisya kuli u busanusi. Lilino, linga akayapo unsanusi nkipanga, polelo abene babagisenie ukukolelela ulutengano lwabo mu Mbili.

<sup>122</sup> Kangi polelo, akabalilo kâko abêne bikuyoba ni ndimi insitakumanyigwa, i Bângèli lyâyobile, unko abêne bayobe ku bibêne ku bêne na Kyala. Umwene uyu ikuyoba mu ndimi inhesya ikwiyenga mwene. Lilino, isyo syo ndimi insitakumanyigwa; akayobelo, injobelo syo sikîndène. “Isyène syo nakimo,” umwêne ikuyoba... Lōli iki kikapela a kōgo kili nu busanusi. Loli ugwe... Linga ingangabwite yikukuba, ugwe kufimbilisigwa ukumanya iki ikyene kikipilikigwa (... itolo kikaputa ikylene) pamo ugwe utisakumanya akîtendekisye gwîmwêne kuli ubwîte. Linga aligwesa ikuyoba mu ndimi, kangi itolo “tuutu”; ikyo kyo kyosa kilipo ku kyene, ywani amenye ikyakubomba. Lōli linga ikyêne kikwânda u *refele*, ulu likusanusya “sumuka mmwanya!” Linga ikyêne kikaputa *tapusi*, ikyo kokuti “bûka pâsi.” Muketile? Linga ikyêne kikaputa u *ndukonkyèni* ikyo kikusanusya “ndukonkyèni.” Ikyêne kikufimbilisigwa ukupa ubusanusi, kangi itolo komma itolo ukuyoba kwêne. Popâpo mu kipânga, linga akayapo u nsanusi, lōli ukuti alipo u nsanusi yumo, polelo indimi syo isi syosyâke sya nkipânga.

<sup>123</sup> Lilino, ku lilaalusyo lyaako, mwinangu, ili likuyoba, “Une kinunupo ukuyoba maelifu mahano... amasyu mahano nkati, kangi ukuti abându babagile ukumbilikisya une ukukînda maelifu mahano (pamo kilikyosa ikingi ikylene kikuyoba) mu lumini ulusitakumanyigwa.” Ikyo kyo kyabwanaloli. Lōli balaga kîndililâga pâsi: “. . . pene pâpo ikyêne kiyege ukwîsila ubusetuli pamo ukwîsila ubusanusi ku buyengi.” Muketi? Uku yenga.

<sup>124</sup> Lilino, une itolo mu luko lumo nisakupa umwe akafûndo akanini bule linga—iki... Linga une nâli ntîmi i kipanga iki kikwisa, linga Kyala abagile ukungôlelâ une ukutîma ikyêne, apa po yilipo i njila une ngwêndesyaga ikyêne: une angali ngugela ukummwaga umundu aligwesa nkati mula uyu aali ni kikungilwa. Kangi une ângâli nguyaga na bându bala ukwâgana kifuki isala yimo bō lukâli ulukomano ukwândâmo siku, nkyumba ku bêne. Baleka abene bîtugesye pasi pa Mbepo. Kangi ikindu kyakwanda umwe mumenye, yumoywene ikusuluka, umwene ali ni kikungilwa kya kuyoba mu ndimi. Kangi umwene ikuyoba mu ndimi. Aligwesa ikwitûgasya kimyemye. Kangi polelo yumo ikufyuka mmwanya kangi ikulingania iki umwene ikuyoba. Lilino, bo ikyo kikâli ukupigwa ku kipanga, i Bângèli likuyoba ikyêne kikufimbilisigwa ukulôngigwa pakati pa bakêti babili pamo batatu. Lilino, uyo yo nnyâmbâla uyu ali nu kumanyila-ngâni kwa mbepo (muketile?), panongwa yakuti utubalilo twingi amaka amabibi gikufika nkati mula.

(Muketile?) Pauli āyobīle isya ikyēne. Lōli polelo, amaka ga Kyala gali nkati mula gópe. Mbula une i kilundilo kũko ububibi butikubíkigwa. Mbula une kũko abānabalumiána ba Kyala bībūngénie palikimo kũko Sētáno akaya pakati pa bēne. Ikyēne kyo kilikyōsa. Popāpo komma ukukīny’inginya ku ikyo. Muketile? Sētàno ali kulikōsa. Lilino, apa uswe tulipo. Umunduyumo ikuyoba mu ndimi. Lilino, balipo batatu bitugesye pala aba bali na Mbepo gwa kumanyila-ngāni. Kangi yumo ikuyoba mu ndimi nukupa indumi. Lilino, ikyēne kikabagīla ukwāndísya i Lisimbo, panongwa yakuti Kyala atikubōmbéla ukwāndisya ukwaitolo, kangi Umwēne ātubūlīle uswe komma ukubōmba. Muketile? Polelo ikyene kikaya ikyo mma. Iyene yo ndumi ku kipanga.

<sup>125</sup> Uswe tufumile pakuya ni fīndu fibili mu lusasanio ulu mpaka na līno. Kētēsya iki kimo kilikyōsa kya ifyēne fyāli—fipelelesye, palapala pa butononde. Muketile? Ukusemela mula. Unnyāmbāla yumo alinkufyūka mmwanya, nukuyoba mu ndimi, kangi alinkupa ubusanusi, kangi alinkusyūmbutuka palapala ukugomokela ukusyūngutila, nukusisimikisya i ndumi yila iyi itolo yabūkīle panja. Uyungi yumo āfyūkīle ikilo kimo, kangi āyobīle mu—pāsi pa bupūtigwe bwa busololi, kangi āyobīle ikindukimo, kisita kumanya iki umwēne āyobāga; kangi polelo ku bumalikisyo umwēne alinkuyoba panja, “Nsayigwa yo umwene uyu ikwisa mu Ngamu ya Ntwa.” Mbibimbibi ikindukimo kyālingolīle une mbibimbibi itolo nukuyoba, “Munjil’iyīngi nsayigwa yo umwene uyu ikwitika ukuti uyu yo Ntwa isile.”

<sup>126</sup> Kēta i kyapakati—polelo u Mbepo Mwīkēmo alinkugwa mu kiyūmba nkilo kya mmayolo. Muketile? Ikyo kyo kuli ubuyēngi. Une nālimile pala ukugela ukubabula a bandu ukuti abene bikufimbilisigwa ukwambilila Mbepo Mwikemo. Kangi u mōhési ālīsile nkati ukusyūngutila abāndu, ikuyoba, “Komma ukupilikisya; itūgāsya kimyemye.”

Kalumbu gwangu alinkuti, “Bill, une nāli nhobofu fiyo akabalilo kako ugwe gwālumbililāga; nīpilikaga ngati une nābagīle ukufyūka mmwanya nukunyēla ukukilania ikibūmba.”

Une ndinkuti, “Fyuka mmwanya kangi nyela.” Ikyo kyo kyosa.

Kangi umwene alinkuti, “Lōli akabalilo kāko ugwe gwabukaga ukubomba ikyo,” kangi alinkuti, “abandu balinkwanda ukuywēga,” alinkuti, “polelo une itolo ndikwīpilika ngati une nāli gwayolo nakimo.”

<sup>127</sup> Une ndinkuti, “Uyo yo mōhési. Uyo yo Sētáno. Akabalilo kāko umwēne ukwīsa nkati ukubōmba ikyo,” une ndinkuyoba, “ugwe āngālī ufyūkīle mmwanya mulimōsa.” Uswe tuli bapūti kwa Kyala, ukutēndéka ilikemo lyamwambepo—ilikemo, iseke sya milomo gyiitu ukupa ulutufyo ku Ngamu Yāke. Muketile?

128 Lilino, lilino, apa kilipo iki kyāboníke. Polelo u Mbepo Mwikemo alinkwābuka, panongwa yakuti ikyo kyaali itolo. . . “Nsayigwa yo yūyo uyu ikwitika.” Fibili, fitatu ifikilo ukutalula une nāgelile ukwāla ikyo nkati mula; kangi polelo, u Mbepo Mwikemo aayobile kangi alinkuti (pasi pa lupūtilo) alinkuti, “Nsayigwa yo yuyo uyu ikwisa mu Ngamu ya Ntwa.” Kangi bo une ngāli ukuyoba kalikosa, une nābombile nāyobile ikyene ukwāndisya. “Nsayigwa yo yuyo uyu ikwitika Untwa isile mu iki.” Umwe muketile? Kangi une itolo nāyobāga iki, u Mbepo Mwikemo yo Kyalā Mwene mwa umwe. Muketile? Kangi abēne bakicolāga ikyēne. Muketile? Kangi polelo u Mbepo Mwikemo alinkugwa pakati pa bāndu. Kéta mūmo Ikyene—Ikyene kikuyēngela, ubusololi?

129 Lilino, kulipo ukukindana pakati pa busololi nu nsololi. Ubusololi bukubuka ukufuma kwa yumo ku nnine, loli unsololi apapigwe ukufuma ku bufyele nsololi. Abene balinagwe ISI SYO IKUTI U NTWA! Kisita kulonga isya abene. Umwe mutikuketa abene bikwima pankyeni pa Yesaya, pamo Yeremiya, aligwesa gwa basololi bala, panongwa yakuti abene bāli na ISI SYO IKUTI U NTWA! Loli u mbepo gwa busololi pakati pa bandu; ugwe kufimbilisigwa ukuketesya ikyo, panongwa yakuti Sētāno isakutelemukila nkati mula. Muketile? Lilino. Lōli ikyēne kikufimbilisigwa ukulōngigwa.

130 Lilino, uswe tuli—uswe tukuyaga nu lusananio. Lilino, kētésya iki kifuki fiyo lilino, umwe balumbilili. Uswe tukwitendekesyaga ulusananio. Umma ndaga. Pamo lumo uswe tuli itolo nu bubombelo bwabwīla bwa kipanga. I kipanga kili pa moto. Ikyēne kibagīle ukuya akabalilo kōsa. Ena, lumo uswe tuli nabo bahano pamo abāndu ntāndatu aba bo abāndu bafikūngilwa; yumo ikuyoba ni ndimi, babili pamo batatu lumo ikuyoba mu ndimi, bana pamo bahano ni ndimi, bāli ni kyabupi kya ndimi, ukuyoba mu ndimi inhesya. Babili pamo batatu ba abene babagile ukusanusya. Lumo alipo yumoywene—babili, pamo batatu ba abene aba bali ifikūngilwa fya mahala. Umma ndaga. Abēne bōsa bikwāgana, abakipēgīgwa abāndu bala. . . Umwe. . . Ifikūngilwa fila fipīgwe kwa umwe komma ukwāngala nafyo, komma ukuyoba, “Lwimiko kwa Kyalā, une nguyoba mu ndimi! Aleluya!” Ugwe—ugwe gwe—ugwe kwīsulusya pāsi gwīmwe. Ifyēne fyo, fipegīgwe kwa ugwe ku mbombo nafyo. Kangi ikiyabo kyāko mu kipānga kibagīle ukwisa bo lukāli u lukomano ulunywāmu ukwānda, panongwa yakuti abasitakumanyisigwa bikuyaga pakati pa uswe.

131 Polelo umwe mukuya pakusōkāpo ukwīngila nkyūmba, kangi umwe mukwitūgāsya mula, umwe bāndu palikimo, panongwa yakuti umwe mwe babōmbi-palikimo mu Nongwainunu. Polelo umwe mukwitūgasya mula. “Ntwa, ngimba kalipo kalikosa Ugwe kulonda uswe ukumanya ikilo iki? Yoba kwa uswe, O Gwakumwanya Tāta,” ukupa inyīpūto,

ukusũmila; ukwĩmba inyĩmbo. Nukutalula pãsi ikwisa u Mbepo, ikugwa pa mundu yumo, ikuyoba mu ndimi. Yumo ikufyuka mmwanya nukuti, “ISI SYO IKUTI U NTWA.” Ngimba icyene kyo fiki? Pilikisya. “Buka ukambule Nkundwe Jones ukusũkako ukufuma ku buyo kũko umwene ikwitugasyãmo, kabuno kilãbo pamusi pisakuyaga kafulafũmbi ukupyãgĩla ikĩsu kila; kangĩ icyene kikwegaga i nyumba yake. Ege ifyombo fyake nukusoka!”

<sup>132</sup> Lilino, ikyo—ikyo kikipilikigwa kinunu. Loli gulila i miniti. Pala pakufĩmbilisigwa ukuyapo abanyãmbãla batatu pala aba bali na Mbepo gwa kumanyila-ngãni. Yumo mwa bene bikuyoba, “Ikyene kyãli kya Ntwa.” Uyungĩ yumo ikuyoba, “Ikyene kyãli kya Ntwa.” Ikyo kyo babili ukufwãnikisania na batatu—babili pamo batatu abaketi. Umma ndaga. Abẽne bikusĩmba ikyo pãsi pa kapatu ka kalatasi. Ikyo kyo iki u Mbepo ayobĩle. Umma ndaga. Abene bikugomokela ku kwiputa, ukumpalisya u Ntwa.

<sup>133</sup> Ukukinda akabalilo, “ISI SYO IKUTI U NTWA (unsololi ikufyuka mmwanya) ISI SYO IKUTI U NTWA, ikilo iki, ukufuma ku New York City isakuyaga nkikulu; umwene ali pa kitala; umwẽne ikwĩsa mu nyumba pa kitala. Umwẽne ali ni kitambala ikyambindimbini ukusyũngutila untu gwãke. Umwẽne ikufwa na kansa. Iki kimpelile umwene ukuya njila iyi, u Ntwa ikukũlelele ukulwana nu mwene unkikulu: akabalilo kamo umwene ãlibile ihela ukufuma ku Kipanga Kyake akabalilo kãko umwene aali ni fynja kalongo na ntãndatu mbukusi. Mbula Nkundwe Branham ukumbula umwene ifindu ifi. ISI SYO IKUTI U NTWA, linga umwene isakupelaga ikyo ukuya kitalusye, umwene isakubumbulusigwaga.” Gũlĩla i miniti. Ikyo kikipilikigwa ukuya kinunu fiyo, lĩli gũlĩla i miniti. Ugwe kuyaga ku kubĩka ingamu yãko pa kalatasi iyi, mmanya-ngãni? Ngimba ugwe kuyaga pakubĩka i ngamu yãko?

<sup>134</sup> “Ikyene kyãli kya Ntwa.” Yumo alinkuti, “Ikyene kyãli kya Ntwa.” Polelo—polelo ugwe simba icyene, “ISI SYO IKUTI U NTWA, ikilo iki pisakuyapo u nkikulu ikwisamo, ikindu *kyakuti-kyakuti*.” Yumo nu kumanyila-ngãni kwa mbepo, babili pamo batatu ba abẽne bikusaina ikimanyilo kyãbo ku kyẽne. Indumi syosa isi sikupegigwa. Umma ndaga.

<sup>135</sup> Polelo ukukĩndapo akabalilo abene bikwanda ukupilika i libangala likukuba. Ikipanga kyãndile ukwẽga pala. Polelo abene bikutwala indumi sila, ukusilãmbalika isyẽne papapa apa pa kigemo. Papapa apa pa pãpo isyẽne sibagile ukuya silãmbalele. Une nsũkilẽpo pa buyobumo ngufũnda, ngwĩpũta. Ukukinda akabalilo une ngusũka pãnja ukufuma pãpo inyĩmbo sikwĩmbigwa. I kipãnga kili lĩsa ndubãtiko, abãndu bikwĩsa, bikwĩtũgãsyã, ukwĩnogona, ukwĩpũta; ikyo umwe mukulũndigwa ukubũmba. Komma ukwisa ku kipanga nukuyoba yumo nu nnine, isaga ku kipanga ukuyoba kwa Kyala. Yaga nu bulilanisi bwĩnu pãnja pala. Muketile?

Uswe tukulilanila na Kyala lilino. Kangi uswe tukwisa apa tukuyoba, kilikyosa nikimyemye, nuluyindiko, u Mbepo ikwenda. Unkubapiano ikwisa ku piano kifuki amaminiti mahano bo lukali ulukomano lwa nyimbo ukwanda, anda naloliloli nubunoge:

Kula ku kipingika kuko u Mpoki gwangu  
alimfwilile,  
Kula kula panongwa ya kusukigwa ku mbibi  
une nakutile;

Pamo akimbo akanini akanyafu, naloliloli nikimyemye. Ikyene kikutwala u Kuyapo kwa Mbepo Mwikemo ndukomano. Muketile? Umma ndaga.

<sup>136</sup> Abandu bitugesye pala. Bamo mwa bene bo naloliloli—bikwanda ukukuta kangi ukufyuka ku kigemo, ukupinduka bo ubulumbilili bukali bukadamo siku. U Mbepo Mwikemo ali pala. Muketile? Ikipanga kili mbubabigwe. Abakristi bikwiputa; abene bali na mabuyo gabo. Abene batikwitugasya pala bikutafunya umpulya gwakutafunya, bikuyoba, “Eyi, Liddie, mbapo une tumo utwako utulangi-twa-mmilomo; Une ngulonda... Umwe mumenye. Umwe mumenye. Une ngufumbwa... Ugwe umenye, ilisikuilingi akabalilo kako une nali pasi pala ngula, une ngubabula umwe, une nali kifuki ukukanya pa nyobe syinu syammalundi. Ngimba une naketilemo siku uluko lwa... Ngimba umwe mukwinogona fiki isya ikyo?” O, kisa! Kangi kukikolela ikyene mu nyumba ya Kyala. Fiki, ikyene kyo kikosyasoni. U Mbili gwa Kristi ukwisa palikimo. Apo uswe tukwitugasya.

U nnyambala itugesye kifuki, “Yoba, ugwe umenye akabalilo kako uswe twabukile ukukilania kula, uyu gwakuti-na-gwakuti kangi gwakuti-na-gwakuti...” Ikyo kyo kili kanunu mosa panja, loli nkati muno ikyene kyo nyumba ya Kyala.

<sup>137</sup> Isaga muno mukwiputa; ega utubuyo twinu. Une nguyoba lilino, komma ku fipanga fyinu, bakundwe. Une ngamanya iki umwe mukubomba; une nguyoba ku kipanga iki. Une nguyoba ku kifigo kyangu kya kunyuma. Muketile? Uko ko kotalusya.

<sup>138</sup> Lilino, akabalilo kako umwe mukwisa muno bo lula, polelo i kindu kyakwanda umwe mumenye, u ntimi ikweenda panja. Umwene yo nubupya. Umwene atikufimbilisigwa ukwamula iki, kila, kangi ikingi. Umwene ikwisa itolo ukufuma ku—ku ndungwa ya butumigwe bwake. Umwene aali pasi pa maka ga Mbepo Mwikemo. Umwene ikwenda itolo nkati kuko indapi sya moto sibungene palikimo. Iyene yili kifuki mbanda lilino (muketile?), umwene ikwendendeka ukusyungutila. Umwene ikwenda panja apa, ikupimba iki. “Indumi ukufuma ku kipanga: ISI SYO IKUTI U NTWA, Nkundwe Jones asame ukufuma ku nyumba yake. Kilabo pamusi pa sala ya kibili u kafulafumbi isa kupyagila ikisu kyake. Ege ifyombo fyake

nukusökako.” Nkundwe Jones ikwëga ikyo. Umma ndaga. Ikyo kyo pa buketi. “ISI SYO IKUTI U NTWA, apene pisakuyapo unkikulu ni ngamu ya *Gwakuti-na-gwakuti* ikwisaga muno ikilo iki, kang ikyene kyâli—umwene abombile *isyakuti-ni-syakuti*.” (Mumo une njobile itolo, muketile, bo ulo.) Umma ndaga, ikyo kilâmbalele ukukilania. Ikyo kyo ikyëne. Abëne batalife bali nu buyo bwâbo lilino mu kipanga. Umma ndaga.

<sup>139</sup> Polelo umwene ikwega i ndumi. Kang i kindu kyakwanda umwe mumenye, umwene ikwanda ukulumbilila. Nakimo ikyakufufania; ikyene kitalile kikubonike pa buyo. Lilino, uswe tukukindililaga, uswe tukulumbilila indumi.

<sup>140</sup> Kangi ukufuma pala akabalilo kako i . . . I kindu kyakwanda umwe mumenye akabalilo kako i ndumi yimalike, ulukindi lwa bubumbuluso lukwanda. Apa ikwisa u nkikulu. Yumo äyobile mu ndimi nukuti umwene isaga. Muketile? Aligwesa gwa uswe amenye iki kikubonekaga. Aligwesa gwa uswe amenye ikyene. Muketile mûmo u lwitiko lukwanda ukuyenga ni ndimi sya moto simile pamwanya pa umwe lilino. Umwene ändile ukwibungania palikimo. Fiki, ikyene kyo itolo mbombo ämmalisigwe; ikyo kyo kyosa.

Unkikulu yula . . . Une nguyobaga, “Nka. *Gwakuti-na-gwakuti*, ukufuma ku Käya ka New York, itügesye apa . . .” Muketile?

“O, uko ko kotalusya. Ngimba ugwe umenye bulebule ikyo?”

“Iyene yo ndumi ukufuma kwa Ntwa ukubuka ku kipanga. Akabalilo kâko ugwe gwâli ni fyinja kalongo-na-ntândatu mbukusi, bule ugwe pa buyo *bwakuti-bwakuti* kang ubömbile—gwalyëgile ihela simo ukufuma ku kipanga, kang gwâhîyile iyëne, kang gwâbükile pânja, kang gwâkabile imyënda imipya ni yëne?”

“O, uko ko kotalusya. Uko ko kotalusya.”

“Ikyo kyo katikati iki Kyala atubülile uswe ikilo iki ukwisila mwa Nkundwe *Gwakuti-na-gwakuti*, äyobile mu ndimi; Nkundwe *Gwakuti-na-gwakuti* älingénie; Nkundwe *Gwakuti-na-gwakuti* kuno äyobile, isya kukétela-ngâni, alinkuyoba ikyëne kyâli ukufuma kwa Ntwa. Kangi ikyo kyo bwânalöli.”

“Ena!”

“Polelo, ISI SYO IKUTI U NTWA, buka katendekesye ikyene kanunu, kang ugwe kwisa kukindaga pamwanya pa kansa gwako.”

<sup>141</sup> Nkundwe Jones ikubûka ku käya, ikwëga amagali ga gileta, ikupângania môsa, ikwëga ifyömbö fyâke, nukusökako ukufuma kula. Kangi isala yakibili kilâbo pamûsi: Swii! kikubûka ikindu kila kyösa kipufwike. Muketile? Polelo i kipanga kukutüfya . . . “Ndaga ugwe, Ntwa Yeso, panongwa ya bununu Bwâko.” Lilino, ikyo kyo iki ikyëne kili, uku yënga, kuli i kipanga.



142 Lilino, bule linga icyene kitikuboneka bo abene bayobile icyene? Polelo umwe muli na mbepo umbibi pakati pa umwe. Ugwe utikulōnda ikindu ikibibi kila. Nongwa ya fiki umwe mukulōnda ikindukimo ikibibi akabalilo kāko i—i imyānya giswile na kiPentekosti kyanaloliloli? Komma ukwēga icyāiyolo kyakwimilambuyo ukufuma kwa mōhēsī. Ega ikindukimo icyānaloli. Kyalā ali nakyo icyēne kuli ugwe. Polelo komma umwe ukuya ni ngomano kangī mma, nukubīka kalikōsa pamwanya apa, mpaka Kyalā atalile asisimikisye ukuti umwe mwe batalusye, panongwa yakuti ugwe uli ntūli ku kipanga pa mbombo ya Nongwainunu. Lilino, umwe mukupilikisya icyene iki icyene kili?

143 Kangī indimi, indimi insitakumanyīgwa... Nayumo umūndu umwēne—amenye iki umwēne ikuyoba. Umwene ikuyoba; loli akogo kalikosa kalinalo lusanusyo. Ako kali nu kusanusya. [Nkundwe Branham ikukuba ifiboko fyake—Nsimbi] “Glaki, glaki, gilaki!” Kila kilinakyo—kila kyo i—kila kyo njobelo yimo kubuyobumo.

144 Akabalilo kāko une nāli mu Africa, une ngālītīkemo siku icyēne, lōli kilikyōsa iki kyātēndīke unjwēgo kyāli nu luko lumo lwa lusanusyo ku kyēne. I Bāngēli lyāyobile kakayapo akōgo nakamo akasita mbombo, kisita busanusi. Akōgo kalikōsa aka kakutēndekigwa kali nu busanusi bumō ku kindukimo. Fiki, une nābagīle ukupilika abandu bikuyoba... Une nābagīle ukuyoba, “Yeso Kristi, u Mwanundumiana gwa Kyalā.”

145 Yumo mwa bēne ābagīle ukubūka [Nkundwe Branham ikwegelela unsanusyi gwa kiAfrika—Nsimbi]. Uyungi ikubuka [Nkundwe Branham kangī ikunangisya.]. Kangī yula aali, “Yeso Kristi, u Mwanundumiana gwa Kyalā.” Muketile? Ikyēne kyāli ni... Kangī komma ukusanusya nakimo kwa une, lōli ku bēne icyēne kyāli injobelo itolo mūmo une nguyobelā kwa umwe. Akabalilo kāko unsanusi gwa aba Zulu, aba Xhosa, aba Basutu, kangī fyofiki ifyakōngelelāpo, bikwisa mula, aligwēsa uyu āyobīgwe, aligwesa āpilikīsye. Kangī ifindu ifi fifyo umwe mukupilika abandu aba itolo bikulabalaba itolo, kangī mukwīnogona icyēne kyo kilūndiko kya kulotoka, icyēne kikaya; icyēne kili nu busanusi. Popāpo uswe tukulōndīgwa ukugīndīka icyēne, ukukibīka icyēne mbuyo bwāke.

146 Lilino, lumo yikālīpo i ndumi nayimo. Lilino, ububōmbelo bumalike; ukukōlēla kwa pakigemo kutēndekīgwe. Kangī ukufuma akabalilo umunduyumo (yikālīpo nayimo indumi kunyuma kula) umundu yumo ikufyūka mmwanya mbibimbibi bo abēne bali nalo ulusako ukubōmba. U Mbepo Mwikemo... Lilino, ili Bangeli lyaayobile, “Linga akayako unsanusi, unko umweene akolege uluteengano lwake.” Kali icyene bo fiyo nki icyēne kikugela ukuyoba, kolelela u lutengano lwako.

147 Yoba, “Une ngabagila ukubomba icyene.” Ili Bangeli liyobile

ukuti ugwe ubagile. Muketile? Polelo ikyo—ikyo kikumasya inongwa ya icyene. Muketile? Unko umwene akolege ulutengano lwāke.

<sup>148</sup> Polelo, akabalilo kāko icyēne, ulusako lukwīsa kūko filifyōsa fili ndubātiko, polelo linga u Mbepo Mwikemo ikunyela pa mwene ukupa i ndumi, polelo paga iyene. Ikyo kyo katikati iki ugwe kufimbilisigwa ukubomba. Polelo ubusanusi bukwīsa, buyobile, “Alipo u nkīkūlu nkati muno ni ngamu ya Sally Jones (Une ngusubila ukuti unkikulu yula akaya muno ni ngamu yila, loli . . .) Sally Jones. (Muketile?) Mbula umwene ukuti iki kyo kilo kyabumalikisyo ikya kukōleligwa kwāke. Tēndeka icyēne kinunu na Kyala ’nongwa yakuti umwēne ali na kabalilo kapīmba umwēne isakuyaga apa.” Lilino, Sally Jones isakubopaga pa kigemo itolo mwambibimbibi bo mūmo umwene abagīle ukufika kula (muketile?), panongwa yakuti ikyo kyo bukōlelo bwāke ubwabumalikisyo. Muketile? Uko ko kupa indumi, pamo ukusisimikisya, pamo ikindukimo.

<sup>149</sup> Ikyo kyo kipanga kya kiPentekosti mbubōmbelo. Lukayapo ulusako nalumo kuli imbepo inyali ukuselemukilamo nkati, panongwa yakuti icyēne kyo kitalile . . . I Bāngèli likupa katikati, “Unko icyēne kiyega ukwisila mukulekelana, kangi ukwisila mu batatu; kangi unko babili pamo ukōngelelāpo balōnge.” Ikyo kyo kipānga. Lōli ko kūgu uswe tufikile umwīsyūgu? Tukunyēla mmwanya, ukwipīmbamo-nkyēni, tukuseka nukukīndilila akabalilo kāko umunduyumo ikuyoba mu ndimi; uyūngi ikukēta, ikuyoba isya kindukimo ikīngi nukulūndikana ukusyūngutīla; untimi ikubomba ikindukimo; pamo umunduyumo ikulūndikana ukusyungutīla. Ena, uko kukaya kutalusya mma. Lumo untīmi ikulūmbilīla, kangi umunduyumo ikusumuka mmwanya nukufubania umwēne nkati mu . . . Lumo ikubala i Bāngèli kangi umunduyumo . . . Ukubala i Bāngèli, kangi u munduyumo kunyuma kula ikuyoba mu ndimi. O, umma! Muketile? Undumbilili pamwanya ikulūmbilia nkigemo, umunduyumo ikusumuka mmwanya nukumfubania umwēne, ikuyoba mu ndimi. Ikyene kili kanunu kyosa. Une ndikuyoba ukuti umwēne akaya yo Mbepo Mwikemo, loli ugwe kufimbilisigwa ukumanya akabombelo ka Mbepo Mwikemo (muketile?), ukukibombela Ikyene.

Lilino, une—une ngwēga . . . Ngimba umwe muli nayo ifwāsi kuli limo ilyakōngelelāpo? Polelo, u kilabo po pa Ndungu. Polelo, uswe twisa . . . Unko uswe itolo . . . Apa pali limo. Une ngwinogona ilyene lyaipyana ukukinda. Kangi lilino, linga umwe mwēsa mwisakwikasya na une itolo amaminiti manāndi ukōngelelāpo, ngulamba. Kangi polelo, une nisa . . . Une ngulōnda umwe—une ngulōnda umwe ukwēga iki. Une nakikyūngile iki panongwa. Ili lyo lyāngu lyabumalikisyo.

Lilino, icyākwānda, une nguyaga pakubala ifīndu fibili ifi u mūndu yula alālusisye. Ikyēne kyo kila pa kapatu ka kalatasi

akaiyolo, kasimbigwe na kasimbilo kamaboko akamogi. Ngaya ni fũndo yo ywāni umwēne āli, nayimo ingamu yisimbigwe ku—ku lililyōsa lya gēne.

**98. Nkundwe Branham, ngimba ikyēne kitalusye kuli abalũmbilili ukutēndeka ingwābilo indāli panongwa ya hela mu ngomano syābo, ukubabūla ukuti Kyāla ābabūlile abēne ukuti abāndu bīngi bakuti nkilũndilo bikufĩmbilisigwa ukupa inyīngi mwakuti? Linga iki kyo kitalusye, une ngulōnda ukumanya. Pamo linga ikyēne kisobi, une ngulōnda ukumanya. Iki kimfubēnie une mbubībi fiyo.**

<sup>150</sup> Lilino, umwe muketile, mwinangu, une nguyaga pakubabūla umwe, une nguyaga pakubabūla umwe iki une ngwinogona. Muketile? Lilino, ikyo kitikusanusya ikylene kitalusye. Une ngwinogona ikylene kyo kibibi.

<sup>151</sup> Lilino, une ngwinogona iki. Kyāla ālindumīle une pa ngunda. Une ngētīle akabalilo kamo kūko une nābonekaga ngati une mbagile ukuya pabunini. . . Kangi une—une ngāli ni hela nayimo napanandi. Kangi une nabagile ukuyoba, “Itolo kindisya i sahani yafyabupi.”

Kangi undindilili ikwisaga kwa une nu kuyoba, “Keta, Billy, uswe twe madola maelifu mahano mbukesefu ikilo iki, Ndumiana. Ngimba ugwe uli ni hela mu Jeffersonville ukuhomba ikylene?”

<sup>152</sup> Une nguyobaga, “Ikyene kili kanunu mosa. Kyala ālindumīle une kuno, pamo une āngāli ngīsa mma. (Muketile?) Itolo kilanisya isahani ya lusangulisano.”

Kangi bo ulukomano lukāli ukumalika, umunduyumo ikuyoba, “Ugwe umenye, u Ntwa abikile pa ndumbula yangu ukupa amadola maelifu mahano ku iki.” Muketile, muketile? Ikyākwānda, yaga gwakulongosigwa ukubōmba ikyēne.

<sup>153</sup> Une ndikwītika mukukwābila, kangi ukusūma, kangi ukulambalamba ihela. Une ngwinogona ikyēne kyo kīndu kisobi. Lilino, nkundwe, linga ugwe kubomba ikylene, komma ukwitikisya une mfulasye ubwipilike bwinu. Muketile? Ugwe—ugwe ubagile ukuya ni njila-iyabwanaloli ukufuma kwa Kyala ukubomba ikylene. Lōli une nguyoba itolo kwa nimwene. Une ndikwitika mu kyene mma.

<sup>154</sup> Lilino, une mbilike isya balumbilili bikubuka nukuyoba. . . Une ndinkwima palapala, pakaya patali mma. . . Lilino, iki kyo kikaya baPentekosti, iki kyo. . . Ena, ikylene kyo fipanga (muketile?), ifipanga ifingi. Ulwene lwāli ku lukomano lwabugonelo unnywamu. Gertie, ugwe gwāli na une, bingi abangi balipo. Kangi abēne balinkwēga pamūsi pōsa ku kipanga-kipāgūke ikifumuke—fibili pamo fitatu fya fyēne palikimo (ifyo fyo fipānga ifisibiligwe ifisibiligwe, ngati ifipānga fyītu ifyalilino apa mu kāya, na fyōsa bo ifyo)

ku lukomano-lukulumba—kangi abene balinkwega pamusi gosa, bīmīle pa kigemo—kangi ukutlisya ukuti ukuti Kyala isakōnangāga ifibyāligwa fyābo, isakubapa abāna bābo ubulemale, ni findu bo ifyo, linga abene bakābikile mu lukomano lula. Ikyo kyo katikati bwanaloli, ni Bangeli ili pankyeni pa une. Une ndinkuti, “Ukwene ko mahelu kwa Kyala kangi ku ba bakōngesi Bake.” Linga Kyala ikutuma ugwe, Umwene ikukupakikisyaga ugwe. Linga Umwene akakutuma ugwe, polelo itikisya i kipanga-kipāgūke kikupakisyega ugwe polelo. Loli—loli ugwe...Linga Kyala ikukutumaga ugwe, Umwene isakukupakikisyaga ugwe.

### **99. Bule isya lukino lwa Krismasi mu kipanga kya Mbepo Mwikemo?**

<sup>155</sup> Ena, linga ulwēne lo lwakufwāna na Kristi, ulwēne lubagile ukuya kanunu. Lōli linga ulwēne lo lwakufwāna na Santa Klausi, une ndikwītika mu mwēne. Une—une mmalile ngulile—une mbobile ngulile ukufuma ku ikyo. Une ndikwītika mwa Santa Klausi napanandi. Muketile? Kangi tumo mwa utu tunini utundu twa Krismasi abēne bali nato, une ngwīnogona fyo fyakyūgila. Kangi . . . Lōli une ngwīnogona abēne bēgilēmo yōsa Kristi pānja pa Krismasi nukubīkamo Santa Klausi mu kyēne.

<sup>156</sup> Kangi Santa Klausi ko kapāngo kakwāta. (Une ndikufulasya ubwīpilikisye bulibosa bwa umwe, une ngusūbila, isya bāna.) Lōli une ngukubūlāga ugwe. Apa pakaya patali mma, ukufwana ifyinja malongo-mabili-na-fihano, malongo matatu ifi fikīndīle, akabalilo kāko u ndumbilili apa nkaya aka, untimi gwa—gwa kipanga ikinywamu apa nkaya, uyu une nālimmenye naloli nubunu fiyo, umwinangu gwapakipāmbāga gwa une, umwēne alinkwisa kwa une. Kangi Charlie Bohannon (Nkundwe Mike, umwe mukukūmbukila Charlie Bohannon, unnūnu umwīnangu gwa une) . . . Alitūgēsye mula mu ofesi yāke kangi alinkuti, “Une ndisamo siku ukubabūla abāna bāngu pamo ukuya na abīsukūlu bāngu ukubūligwa ubusyōbi bula kāngi mma.” Umwene alinkuti, “Undumyana gwangu unnini alinkwenda ukusegelela kwa une bo umwene afikile pa fyinja kalongo na fibili mbukusi, nukuyoba isya Santa Klausi . . .” Kangi umwene, alinkuti, “Fiki . . . Lūki, une ndinakyo ikindukimo ikyakukubūla ugwe,” alinkuti, “Mama . . .” Umwe mumenye, kangi alinukindililaga ukumbula umwene iki umwene aabobile.

Polelo bo umwene agomokile, alinkuti, “Polelo, Tata, ngimba u Yeso uyu yo kīndu kilakila?”

<sup>157</sup> Yoba ubwānaloli. Santa Klausi yo gwa kiKatolika umwīnitu gwakwēmbēla palipōsa, u Kris Kringle pamo Mwikemo Nikolasi, ugwa kiJeremani gwa Kikatolika gwayolo mwikemo gwa fyinja fingi ifi fikindilepo yūyo ābukile ukusyungutula ukubomba ubununu ku bāna. Kangi abene bapimbile ikyene

ukuya lwiho. Loli Yeso Kristi yo Mwanundumiana gwa Kyala. Umwene yo naloliloli, kangî Umwene mumi.

Lilino, apa lilipo ililálúsyo, ilyabumalikisyo limo, ili lyo fiyo . . .

<sup>158</sup> Lilino kēta. Ugwe ubagile ukusitakwitikisania na une pa ikyo. Lōli linga ugwe kubōmba ukusita kukanikana na une, kumbukilāga, unko ikyēne kiyege mbwīnake, bule umwe? Une mbaganile umwe, kangî une ndikulonda uku—ndikulonda ukufulasya ubwipilike bwinu. Une itolo, une ngulonda ukuya gwabwanaloli mu ndumbula. Linga une ngabagila . . .linga une ngumbula undumiana gwāngu u busyōbi, polelo une ndi nsyōbi. Muketile? Une ngulonda ukumbula umwēne u bwānalōli.

<sup>159</sup> Lilino, une ngumbula umwēne isya Santa Klausî, une nguyoba, “Ena, nalōli, aliko u Santa Klausî. Kētēsya Tāta pa Krismasi pakilo.” Muketile? Ena.

<sup>160</sup> Umwe mumenye, ilisiku limo une nāli pāsî kula, kangî une nāgelile ikyo pa ndīndwāna unnini itolo ukukētā. Une naloliloli nāhombigwe ukugomokesya pakiyolo. Une nāli nkiyūmba. Kangî abēne bālīmîle pala, pasî apa ku Quaker Maid. Kangî une nābūkile pāsî pala ukwākūla ifyakulilūka. Kangî polelo uswe, unkasi na une, twāli nkati mula. Kangî pala ālipo unnīni kanini akalīndwāna, kakāli nukukīnda kifuki imyēsî kalongo na lwēle mbukusî, kangî umwēne ālīmîle pala, ikubūka, ikwīmba, “Kuba Amabāngāla, Kuba Amabāngāla . . .” Kangî une ndinkutî . . . Mu bwīmîlo bwāke ubunīni, umwe mumenye, itūgesye mu nyuma mwa gāgîleta akanîni.

Une ndinkutî, “Ngimba ugwe kulōndēsya Santa Klausî?”

Umwene alinkutî, “Uyo yo tata gwangu, Nkulumba.”

Une ndinkutî, “Sayaga indumbula yako innini, Luukî. Ugwe uli na mahala.”

Lilino, apa lilipo i lyāmwfīwa ilyanaloli, binangu. Kangî mu ili . . . Polelo une ngwigalaga. O, ilyene lyo—ilyene lyo Lisimbo ilinoge, loli ilyene lyo mwifwa ku mundu aligwesa uyu ikufwana ukuya. Kangî ilyene lyālibanilīle une ku fyinja ni fyinja; kangî pene ni lipyana lya Kyala . . . Kangî unkasi gwāngu umpala, itūgesye kulakula kunyuma kula lilino, akabalilo kākō umwēne āpilike ukutî une nāli nalyo ililálúsyo lila pamusî apa, umwene alinkutî, “Bill, ngimba ugwe kwamula bulebutle ikyo?” Umwene alinkutî, “Une akabalilo kosa naswīgaga ikyo nimwene.” Alinkutî, “Une ngākipilikisyo siku ikyene.” Kangî alinkutî . . .

Une ndinkutî, “Sulukaga pasî ikilo ikî, Nyāfundumbula. Une ngubombaga ubununu bwangu bosa nu butuli bwa Kyala.”

**100. Nkundwe Branham, ngulamba līngānia Bahiburî 6:4 mpaka 6.**

<sup>161</sup> Ako ko kabalilo kamokene icyēne naloliloli... Muketile, lilino ugwe kwisakufimbilisigwa ukukētésya apa pa lwítíko lwítu, ilipyana, ubuponesigwa bwa bítiki, ukwikasya kwa bikèmo, ukwísya, tutigi, ukwa bikèmo. Bahiburi untu gwa 6, 4 mpaka 6.

Lilino, akabalilo kâko icyēne... málísyá iki, polelo une ngusúbíla ukuti Kyala isakundula une ukuténdéka icyēne ukuya kyanaloliloli kilângàle kwa umwe. Une nsuluménie, une—une ndinayo Indumi yangu ku kilo iki; lumo une ngulumbililaga ikindu kilakila ndubunju ku—ku bubombelo. Polelo une ngubukaga.

<sup>162</sup> Lilino, ili lyo mwifwa naloliloli. Muketile? Lilino, ugwe kufimbilisigwa ukukētésya. Lilino kumbukilaga, uswe tukwitika nukumanyisya pa kipanga iki, komma ukuti filifyosa fikwisa nukuywega, kilikyosa iki kikuyoba mu ndimi, kilikyosa iki kikuponia pakiboko nu ndumbilili, alinabo u Bumi Bwasyepwa. Loli uswe tukwitika linga ugwe uli nu Bumi Bwasyepwa, linga Kyala akupele ugwe u Bumi Bwasyepwa, ugwe uli nabo Ubwene bwilanabwila. Muketile? Panongwa yakuti kēta. Linga icyēne kikābōmba, Yeso ikwāgígwa mmanyisi ntūngūlu. Mwa Mwikemo Yohani 5:24, Umwene aatile, “Umwene uyu ikupilika a Masyu Gangu kangí nukwitika pa Umwēne uyu alindumile Une ali nu Bumi Bwabwila, kangí atisakwisamo ku bulongi siku, loli akilenie ukufuma ku bufwe ukubuka ku Bumi.” Lilino, kanikanaga nu Mwene. “Bosa aba Tāta ambele Une... Nayumo umundu abagile ukwisa ku Myangu penepapo Tata ikunkwaba umwene. (Une ngwandisya i Lisimbo.) Bosa aba bikwisa... Nayumo umundu abagile ukwisa ku Myangu penepapo Tata Gwangu ikunkwaba umwene tāsi. Kangi bōsa aba Tāta Gwāngu ambele Une bisakwisaga kwa Une. (Muketile?) Kangi bosa aba bikwisa kwa Une, Une nisakubapa abēne u Būmi Ubusitakumalika (Mwikemo Yohani 6), kangí nisakunsyusya umwene mmasiku ga bumalikisyo.” Ago go masyu Gake.

<sup>163</sup> Lilino kēta. Linga une ngulōnda ukugomokela ku Baefesi untu gwa 1, Pauli ikulūmbilíla... Lilino, a Bakorinti, aligwesa āli nu lulimi kangí u lwīmbo. Umwe mukētésya ifipanga ifingi fikāli nalo ulutamio lula. Umwene akāyobilemo siku nakimo isya icyene. Ngimba umwene āyobilemo siku i ndimi kulikosa mu kipanga kya Efesi, ikipanga kya Roma? Umma! Abēne bāli ni ndimi na filifyōsa itolo bo Bakorinti bābōmbíle, lōli abēne bāli nakyó icyēne ndubātíko. A Bakorinti itolo balinkutoligwa ukukyēga icyene ndubātíko. Muketile? Lōli Pauli ābūkíle pāsi pala nukwakubika ikipanga ndubātíko.

Lilino, umwene... Une ngwitika, bo yu Oral Roberts ikuyoba, “Kyala yo Kyala nnuu.” Ngimba umwe mutikukuyitika ikyo?

164 Kangi ugwe kuyoba, “Ena, ngimba bule aba Pentekosto ni ndimi polelo, Nkundwe Branham?” Une ngwinogona abene balinagwe u Mbepo Mwikemo. Naloliloli abene babombile. Umma ndaga, fiki? Kéta. Ugwe kwitika Umwene yo Kyala nnunu? Thomas áyobile akabalilo kamo, “Ugwe umenye, Ntwa . . .”

Bosa ba abene balimmwitike Umwene. Balinkuti, “O, uswe tumenye Umwene yo gwanaloliloli!”

“O,” Tomasi alinkuti, “umma, umma, une ndikwitika ikylene mma. Injila yène une nisakwítika ikyène, une nisakufimbilisigwa ukuya nakyo ikyabukéti kimo. Une ngwisakufimbilisigwaga ukwíngisya inyöbe syángu mu lubafu Lwáke na mu bulabe bwa misumali mfiboko Fyáke.”

Umwene yo Kyala nnunu. Umwene alinkuti, “Isaga kuno, Thomas. Apa ugwe uli.”

“O,” Tomasi alinkuti, “lilino une ngwitika.”

165 Umwene alinkuti, “Ena, Thomas, ukufuma pápo ugwe umbwene Une, kangi gwipilikaga Une, kangi ukubíka ikiboko Kyangu. . . ifiboko fyáko mu lubafu Lwángu, ugwe kwitika. Lóli bo bunywapo bulebole go mfwálo gwábo bábo bakakétilemo siku kangi pôpe bikwítika.” Umwene yo Kyala nnunu. Umwene ikupa ugwe ikinyonywo kya ndumbula yako, ena. Unko uswe itolo tummwitike Umwene. Ubo bo—ubo bo—ubo bo butike bwa bufwe kwa Sétáno. Akabalilo kako unnyambala ikwega Kyala pa Lisyu Lyake, nkundwe, ikyo kisakungoga Sétano akabalilo kalikosa. Ikyo kyo kutika ukukafu—ukukínda kúko Sétáno abagile ukwega, akabalilo káko u nnyámbála isakwegaga Kyala ku Lisyu Lyáke. Ena, nkulumba. Mumo une njobiile, “Umundu atisakuya nu bumi pamwene (Yeso, ikilo kimo), loli i Lisyu lililyosa ili likusoka panja . . .”

166 Lilino, kétésya iki. Lilino une nguyaga pakwánda pa linandi lyákwánda:

*Polelo ukuleka ifundo sya kimanyísyo kya Kristi, unko uswe tubúke ku bupelelesye; . . . (Lilino, ikindu kyakwanda une ngulonda umwe mumanye: uyu Pauli ikuyobako apa? Bahiburi. Abene bikuyoba, “Abahiburi,” pamwanya, Buku gwa Bahiburi. Ngimba ikyo kitalusye? AbaYuda aba bápíkile Yeso. . . Ngimba umwe mubagile—umwe mukukikola ikyène lilino? Umwene ikuyoba ku baYuda, ukubanángisya abene unsyungúlu gwa lulagílo ukuya kyákwegelèla kya Kristi. Fyösa ifindu fyaiyolo ikyakwégelèla kya kipya. Lilino kétésya.)*

*. . . ukuleka ifundo sya kimanyísyo kya Kristi, unko uswe tubúke ku bupelelesye; . . .*

<sup>167</sup> Lilino, umwene ayobaga ku bene isya fimanyisyo. Unko uswe tubūke nukuyoba isya findu ifipelelesigwe. Lilino, ugwe upelelesigwe mwa Kyala akabalilo kâko ugwe ufūngilígwe nu Mbepo Mwikemo *mpaka* ilisiku lya butabuligwe bwâko. “Umwene uyu apapigwe mwa Kyala (Yohani Gwakwanda) atikutulwa ubonangi; kabuno umwene akabagila ukonanga, kabuno u Luseke lwa Kyala lukusyala mu mwene.”

<sup>168</sup> U nnyâmbâla uyu îsusigwe na Mbepo Mwikemo, komma ikwînogona umwene îsusigwe, loli umwene uyu apapigwe mwa Mbepo gwa Kyala atikutulwa ubonangi, kabuno i Mbeyu ya Kyala yili mwa umwene, kangi umwene akabagila ukutulwa inongwa. Muketile? Ngimba i Bângéli likuyoba ikyo? Popâpo pala ikyene kili. Ugwe uli. . . Komma iki ugwe kubomba, kyo fiki, komma iki ikîsu kikwînogona ikya ugwe, ikyene kyo iki Kyala ikwînogona isya ugwe. Muketile, muketile? Ugwe ukabagila. . . Nguyaga bulebule une nu lulagilo lusîmbigwe nu mwenekaya gwa kâya, ukuti une mbagile ukubopa amamailosi malongo mana pa sala yimo ukukînda nkâya, kangi unsikali aligwesa nukumbinya une? Une ngabagila. Ngutulwaga bulebule une inongwa akabalilo kâko kilipo ikyâbupi kya lilopa pankyeni pa Kyala nubukîndilisi, kûko Umwene akabagile nukumbona une; akabalilo kâko kilipo i kyakung’anyapo pa i—pa ki. . . pankyeni pa une na Kyala, ikikingo kya Lilopa? Kabuno uswe tufwile, kangi u bumi bwitu bufîsisigwe mwa Kristi ukwisila mwa Kyala, ukufūngilígwa na Mbepo Mwikemo. Bulebule nkisu ubagile ukubomba akandu kalikosa akasobi mbuketelo bwa Kyala? “Linga uswe tukutulwa inongwa nubwigâne (Bahiburi 10) ukufuma pâpo uswe twâlÿâmbilîle ubumanyi bwa Bwânalóli, likayapo nalimo kangi ilikemo ilya butulwanongwa.” Nkati muno ukwene kukabagila (muketile?) ukutulwa inongwa nubwigâne.

<sup>169</sup> Lilino, unko uswe tukindilîle nukubala. Umma ndaga.

*. . . bupelelesye; komma ukwâla kangi u lwâlo lwa—  
lwa bupinduke ukufuma ku mbombo imfwano, kangi. . .  
lwitiko kubwa kwa Kyala,*

*Isya kimanyisyo kya nyôsyo, . . . ukwâla kwa fiboko,  
kangi isya u busyûke bwa bafwe, kangi. . . ubulongi  
bwasyepwa.*

*Kangi iki. . . uswe tukubomba, linga Kyala  
ikwitikisya.*

(Lilino apa po pâpo abene bâlondâga ukwânda, ukufuma ku linandi lya 4.) *Kabuno ukwene ko kukabagila kuli bâbo. . . akabalilo kamo bâmulikigwe, kangi bagônjile ifya kikūngilwa kyakumwanya, kangi bātēdekigwe balilanisi ba Mbepo Mwikemo,*

*Kangi bagônjile ifya lisyu ilinunu ilya Kyala, kangi a  
maka ga kisu iki kikwisa,*



*Linga abēne bisakugwila panja, ukubagomokesya kangī—ukubagomokesya abēne kangī ku lupinduko; namanga abēne bikukomelēla ku bēne u Mwanundumiana gwa Kyāla kabili, nukumbika umwēne ku bukosityoni bwapabwēlu.*

170 Lilino, lilino, ikyo kikuboneka ngati, ukufuma pa njila iyi umwe mukubala ikyeene pala, ukuti unnyambala abagile ukwambilila u Mbepo Mwikemo, kangī polelo ukugomokela nyuma nu kutagigwa. Loli ikylene kyo kisitakubombigwa ukuti umwene abombe ikylene. Muketile? Umwēne akabagila ukubōmba ikyēne. Linga umwēne ābōmbīle, Kristi āsyōbīle. Muketile? Ikyēne kyo kisitakubōmbīgwa ku bala akabalilo kamo bamulikīgwe. Lilino, kētēsya apa. Ngimba umwene ikuyoba ku fiki? Umwene ikuyoba ku baYuda bala abamumpaka. Umwēne akāyobilēmo siku u nnyāmbāla ukuya īsusīgwe na Mbepo Mwikemo; umwēne alinkuti, “Linga umwēne ōnjīle i Lisyu lya Kyala.”

171 Lilino, unko une itolo nkipepo ikyēne m’bubilamu, ukuti umwe mwisakukēta kangī mutisakukipōndwa ikyēne lilino. Lilino, umwēne ikusimba ku baYuda aba. Bamo ba abēne bo bitiki bāmumpaka. Muketile? Umwene alinkuti, “Lilino, uswe tukusōkangamo mu mbombo isi nukukīndilīla ukuyoba isya bupelelesye.” Alinkuti, “Lilino, uswe tukuyoba isya nyōsyo, nu busyūke bwa bafwe, nukulāmbalika pamwanya kwa fiboko, na filifyōsa; loli unko uswe tukindililege lilino ukuyoba isya bupelelesye. Lilino, uswe tukuyobaga isya kabalilo kāko ugwe kwingila mwa Mbepo Mwikemo. Lilino, ugwe usyungutile mu lukomano akabalilo katali . . .”

172 Kangī umwe mubabwene abandu bala. Abene bisakusyāлага ukusyungutila; abene batisakwingilaga pamo ukusōkamo. Abēne bikupālisya u Mbepo Mwikemo. Abēne bisakwisa ukusyungutila. Kangī lumu u Mbepo Mwikemo ikubomba ikindukimo kangī, banyambala, abene bikufyukaga mmwanya nu kulalata nu kunyela mmwanya na pasi pakipālo ukufwana ni kyene, loli abēne batikulondamo ukwambilila Ikyēne bēne. Umma, umma! Muketile? Kangī abēne bisakuyobaga, “O, ena, ikyo kyo kinunu. O, une ngamanya isya ikyo lilino.” Muketile, muketile, muketile? Abītiki bamumpaka. Itolo kifuki fiyo mpaka abēne babagīle ukōnja Ikyēne, lōli napāpo abēne batikukyāmbilīla Ikyēne. Muketile? Lilino, abēne bikuyapo ukusyūngutila ngati lula akabalilo katali mpaka pakabalilo abēne bikusema lōsa ukusōkāpo. Une mbagile ukukōlēla ingamu isya bīngi pa kipānga iki, babōmbīle ikīndu kilakila. Ukugwa injila yōsa ukusōkāpo kangī, ukwipyāgila bēne ku bupīndūke, bukayako ubupīnduke ku bēne. Abene itolo baalisulumenie u Mbepo ukufuma ku bēne. Abene baali kifuki fiyo mpaka . . .

173 Apa, linga umwe mukusanukaga na une (umwe mukaya na kabalilo, une mmenye, lilino) lōli linga umwe mubagile

ukusanukila ku Kukumbusya-ndagilo u ntu gwa 1 nukubala ilyène, umwe misakuya nakyo ikindu kilakila. Simba ikylene lilino, Kukumbusya-ndagilo untu gwa 1. Lilino, kang'i andaga pa linandi lya 19 nukubala ukwisila mu lya 26. Kukumbusya... Ugwe kusyaganiaga... Lilino kéta. Bosa ba Israeli... Iki abandu bala bikubomba, abene bikwisa ku Kardesh-baraneya. O, une ngukéta ikindukimo! Ikitémbe iki, ikĩsu kya kiPentekosti iki kili pa Kadesh-baraneya lululu lilino. Uko ko katikati kutalusya, Nkundwe Neville. Uswe tuli pa Kadesh-baraneya, ikikota kya bulongi ubwa kisu (kyáli kikota kya bulongi).

<sup>174</sup> Kang'i abaténdèli basòkile pánja. Yoshua alinkuti apa, "Lilino, une natumile abaténdèli," pamo Mòse, ndigi, "Une natumile abaténdèli, kalongo na babili, yumo mwa, unnyāmbàla yumoywēne ukufuma mu lulilōsa lwa maluko. Une nābatumile abēne pánja ukuténdèla ikĩsu nukutwāla ukugomokela ubuketi." Ngimba uko kutalusya?

Kang'i akabalilo kāko abēne bikugomokéla, bālipò lwēle-nayumo ukufuma mwa kalongo-na-babili bala bātīle, "O, ikyēne kyo kĩsu ikinunu, lōli o, kisa, uswe tukabagila ukwēga ikyēne. O, mwe! Aba Amori bali kula, kang'i uswe twabonekaga tuliti bo imbāsi pala palubafu lwa bēne. Abēne bo banyāmbala ba filwīlo. Ifibūmba fyābo finywāmu. O, ikylene kyo fiyo... fiki, une angali ngunyonywa ukuti uswe twāfwīle kula ku Igupti mbuyo bwa ugwe ukututwāla uswe panja apa."

<sup>175</sup> Lōli, unnīni ugwaiyolo Kalebu na Yoshua balinkunyēla mmwanya pala nukubakibisya abēne; balinkuti, "Uswe tuli bakōngelelāpo ukubagila ukwēga ikyēne." Ena, nkulumba! Pala balipo bābo. Lilino kéta. Ngimba fiki fyabonike? Kalebu na Yoshua bāmenye ukuti Kyala āpèle ulufingo lwa ikylene: "Une ndikupāsya kali bo bunywāmu nki ikyēne kili, filinga ifyakupīnga filipo, bo bufyuke buki ifyēne fili, bo bukulumba buki ifyēne fili, ikyo kikaya nakyo nakimo ikyakubomba ni kyene. Kyala ayobile mumo, kang'i uswe tubagile ukwega ikylene." Kang'i ngimba umwe mumenye abēne bāli bo bēne bandu babili aba, ukufuma mu bala maelifu-elifu mabili na sinda yula, aba bakileniemo siku ukubuka mu kĩsu? Panongwa yakuti abene bākolēlile ulwītiko lwābo mu iki Kyala aayobile ukuya Bwanaloli. Ameni!

<sup>176</sup> I kipanga, lululu lilino, kikwima pa Kadesh-baraneya. Kéta, abāndu bala bāli kifuki fiyo mpaka abēne bagonjīle ni mipesa ukufuma nkĩsu. Abēne bikulya imipesa. Akabalilo kāko Kalebu na bēne bābūkīle kwisīlya nukutwala amafilu, abinitu bala bākwābīle ukufuma ku gamo nukulya agēne. "O, abene go manunu, loli uswe tukabagila ukubomba ikylene." "Abēne aba bagōnjīle imbombo inunu iya Kyala, bagōnjīle ifya Mbepo Mwikemo, bākētīle ubununu bwa Ikyēne, bōnjīle ifya Ilyēne, bagōnjīle ifya Lisyu lya Kyala..." Muketile ikyo? Nayumo gwa bēne, komma yumo gwa bēne alitikisigwēmo siku

ukuloboka. Abene baapyutigwe nkisu kyabo, ukukilania kuno ndulangalanga. Abêne bakābukilémo siku kula, lōli abêne bāli kifuki nukufwana ukōnja Ikyēne, lōli komma ipyāna lyākufwana nu lwītiko ukwēga Ikyēne. Ikyo kyo iki ikyēne kili.

<sup>177</sup> Lilino. Lilino pilikisya ku mundu umpala yula uyu āsimbīle ukalata uyu. Unko uswe itolo tubale ilinandi ilikōnge. Kētésya itolo i miniti. Kētésya Pauli. Lilino unko uswe tubāle lya 7:

*Kabuno ikisu . . .kikunwa ifula iyi yikwisa utubalilo twingi pakyene, kangī kikutwāla pānja ifimela ifyākulya kuli abēne kwa bābo ikyēne kyo kyēselèlìgwe, kikiwāmbilila isayo ukufuma kwa Kyala:*

*Lōli kila iki kikipāpa imifwa ni fitulwatulwa kikipikigwa, kangī kili kifuki ku kigune; kikyō ubumalikisyo bwāke bo kuya kōkigwa.*

<sup>178</sup> Lilino, muketile iki umwene ikuyoba? Lilino kētésya. Pala lyālipo ililālusyo ili apa; lilino, kangī polelo uswe tukwigalaga. . . .Ikindu iki kyafwanaga kilipakungoga une ku fyinja.

<sup>179</sup> Une nābūkīle ku lukomano akabalilo kamo kūko abāndu bayobela mu ndimi ku Mishawaka, Indiana. Lilino, une ndi pankyeni pa kilundilo kyangu kyene. Umwe mupilike abandu bala. . . .mupilikemo akapango ka bumi bwangu, kangī ukufwana nu mundu gwālāngi uyu āyobīle, “Apa umwēne alipo. Apa umwēne alipo.” Lilino, une ndinkubūla ikyo.

<sup>180</sup> Lōli ikīngi kya ikyēne: Une nābabwēne abanyāmbāla babili. Abēne bāli. . . .Yumo ābagīle ukupa indumi, uyungi yumo āsanusyāga iyēne. Uyungi yumo alinkupa i ndumi, kangī uyungi yumo ikusanusya iyene. Kangī nkundwe, abene batalwisye. Itolo iki. . . .Une ndinkwinogona, “Mwe bununu! Une ngakibonamo siku ikindu kimo bo kila.” Une ndinkuti, “Une ndi pakati pa bandumi.” Une ndinkwinogona, une ngakibonamo siku ikindu kilikyosa. . . .Yumo ābagīle ukuyoba, kangī uyungi yula. . . .

<sup>181</sup> Kangī une ndinkwitugasya kunyuma kula, ukuya ndumbilili unnini ugwaiyolo, ugwe. . . .[Ubuyo busitakandu pa tepi—Nsimbi]. . . .bosa-babili nnyāmbala utubalilo tumo kangī ukuponania ikiboko kyābo. Une ngābabwēnemo siku abanyāmbāla ba luko ulu mbūmi bwāngu. Abene bāyobaga i ndumi, kangī uyungi yumo abagīle ukusanusya iyene. Kangī mwe, mwe! Ikyene kyāli kinunu! Yumo, abagīle ukuyoba kangī uyungi yumo ikusanusya. Bosa-babili. . . .Kangī abēne itolo bāsanukaga ubwēlu bwāfyōko akabalilo kāko abēne bāfyūsyāga mmwanya ifiboko fyābo. Une ndinkwinogona, “O, mwe, mwe! Ngimba une nāli kugu bumi bwangu bosa? Iki kyo kindu!” Une ndinkuti, “Mwe, baPentecosti batalusye.” Uko ko katikati katalusya.

<sup>182</sup> Une ngakētāmo siku fīngi lōli itolo iki kyāli kitalusye pāsi apa, kūko i. . . .Lumo abakikulu babili nu butumigwe

ku buyobumo. Kangi abene babagile ukūmana; kangi yumo ikukōlela u yungi, “kifumbwa kya likūngūlu,” kangi, umwe mumenye, itolo bo lula, luko lwakūmana ku yumo nu nnine. Kisita kuswaya ku bakikulu lilino pamo nakimo, loli itolo. . . Ikyene—ikyene kyalī pasi pa mayiga. Linga aligwesa gwa umwe. . . Umwe mukukumbukila, Nkundwe Graham. Ugwe gwāli itolo ndumiana unnini akabalilo kala. Kangi polelo, iyo yo njila ikyene kyāyīlīle.

Kangi une ndinkupilika ku ikyo, kangi une ndinkwinogona, “O, mwe, une mfikile ku bāndūmi.”

<sup>183</sup> Ilisiku limo ngwisa ukusyungutila i nguto ya nyumba, ukufwana i lisiku lyakibili, une nalyāgēne na yumo mwa mūndu. Une ndinkuti, “Mwabomba ndaga, Nkulumba?”

Umwene alinkuti, “Mubobile ndaga?” Umwene alinkuti, “Ngimba. . . Ingamu yako yo fiki?”

Kangi une ndinkuti, “Branham.”

Umwene alinkuti, “Kugu ugwe kufuma? Kuno?”

Kangi une ndinkuti, “Umma, une ndi gwa Jeffersonville.”

Umwene alinkuti, “Ena, ikyo kyo kinunu. Ngimba ugwe gwe Gwapentekosti?”

Une ndinkuti, “Umma, nkulumba, une ngaya mma.” Une ndinkuti, “Une itolo ndikwitikisya injila ya kiPentekosti iya kwambilila u Mbepo Mwikemo,” une ndinkuti, “lōli,” une ndinkuti, “Une ndi kuno ukumanyila.”

<sup>184</sup> Umwene alinkuti, “Ena, ikyo kyo namaka kinunu.” Kangi nguyoba ku mwēne, ukukola i mbepo yāke (aliti bo nkikulu pa kisiba), umwēne āli Nkristi gwanalōli. Nkundwe, une ngusanusya umwene āfyōgotolaga mōsa kanunu. Umwene āli nnunu. Lilino, umwe mwesa. . . Balinga aba bāli mu ngomano syāngu nukukēta ifindu fila fikuboneka? Umwe muketile? Kangi unnyambala ali mpelelesye mosa. Polelo lelo, une—une ndinkwinogona, “Pala! Mwe, mumo buyilile ubununu!”

<sup>185</sup> Ukufwana amayolo gala, pamusi utubalilo tumo, une ndinkwagana nu yūngi yula. Une ndinkuti, “Mubobile, Nkulumba?”

Umwene alinkuti, “Mubobile ndaga? Ngimba ingamu yako yo fiki?” Kangi une ndinkumbula umwene. Kangi umwene alinkuti, “Uli. . . Ngimba—ugwe gwe gwa kiPentekosti?”

Une ndinkuti, “Umma, nkulumba, komma katikati gwa kiPentekosti, une ndikusakikisya mma.” Une ndinkuti, “Une ndi itolo pamwanya apa ukumanyila.”

Umwene alinkuti, une ndinkuti, umwene alinkuti, “Ugwe gwambililemo Mbepo Mwikemo?”

Une ndinkuti, “Une—une ngamanya.” Une ndinkuti, “Ukufwana na iki umwe mwesa muli nakyo, une ngusakikisya une ngaya nayo.”

Kangi umwene alinkuti, “Siku uyobilemo mu ndimi?”

Une ndinkuti, “Umma, nkulumba!”

Umwene alinkuti, “Polelo ugwe ukaya nakyo Ikyene.”

<sup>186</sup> Kangi une ndinkuti, “Ena, une—une ngusakikisya uko ko kotalusya.” Une ndinkuti, “Une ngamanya. Une itolo nālumbililāga ukufwana ifyinja fibili, finandipo,” kangi une ndinkuti, “Une ngamanya fingi fiyo ifya Ikyene.” Une ndinkuti, “Lumo une ngamanya.” Une ndinkuti, “Une ngabagila ukupilikisya. . .” Panongwa yakuti fiki, une nagelaga ukunkola umwene kula (muketile?), ukukikola ikyene. Kangi akabalilo kako une nābombile, linga une nalyagéne nu nsyobi, pala ālipo yumo mwa bene. Unkasi gwāke āli gwanywili-nditu; kangi umwēne itūgasyāga nu nkīkūlu gwanywīli-nyēlu, āli na bāna babili nu mwēne; nu kuyoba nu ndimi, ukusanusya ikyene itolo mumo ikyene kyayilaga. Kangi une ndinkuti, “Lilino, Ntwa, ndimba une mfikelemo mu fiki?” Ukufuma ku bāndumi, une ngaamenye iki une naalimo. Une ndinkuti, “Une—une—une ndi gwalwalo; ikyene kibagile ukuya i Bāngèli. Ikyēne kikufimbilisigwa ukuya kitalusye. Kilipo ikindukimo kitamisye pa buyobumo, Ntwa. Ngimba ikyo kibagile ukuya bulebule?”

<sup>187</sup> Une nābūkīle ku lukomano ikilo kila, kangi u Mbepo yula ābagile ukugwa; kangi nkundwe, ugwe gwābagile ukwipilika Ikyene, ukuti Umwene āli Mbepo Mwikemo. Ena, nkulumba! Linga Ikyene kikāli, Ikyene kyābikile ubuketi nu mbepo gwangu ukuti Umwene āli yo Mbepo Mwikemo. Kangi une nāli itolo u ndūmbilili unkeke, kangi ngamenye bulebule, ifingi fya kukētela-ngāni isya mbepo. Loli une nālitugesye pala. Kangi une mmenye u Kyala yulayula uyu ālimbokile une, kula kwāli kwipilika kulakula. . . Nālipilike ngati une nabūkāga ukukīnda ubuyekeke, ukwēne kwāli kwīpilika ukununu mu kiyumba kila. Une nālinogwīne. . .

<sup>188</sup> Ukufwana abamia kalongo na bahano ba abene pala. Une ndinkwinogona, “Mwe, o mwe!” Fibili pamo ifipambo fitatu fya bēne bālyagéne palikimo. Kangi une ndinkwinogona, “Yoba, mwe! Ikyene kibagile ukuya bulebule? Lilino, u Mbepo unkulumba yula mu nyumba iyi ikugwa bo lula; kangi apa, keta ku iki kikuboneka pamwanya pala, abamiana bala bikuyobela mu ndimi, ukusanusya i ndumi nubupelelesye— kangi yumo mwa bene unsyobi kangi uyungi unnyambala ugwa Kyala ugwa naloliloli.” Kangi une ndinkwinogona, “Lilino, une mfuluganikene mōsa. Une ngamanya ikyakuti mbombe.”

<sup>189</sup> Ena, nakalinga ukufuma ku kyene, umwinangu unnunu, Nkundwe Davis (umwe mumenye), alinkwanda ukuyoba ukuti une naali yo kakwāngalila. Ako ko ka ngoza ka ndindwana,

umwe mumenye. Kangi popāpo, une nāli nkēnja, kangi popāpo une . . . Umwēne alinkwānda ukukīndilila na une, kangi ukukīnda nkyēni, mu luko lwa kunyūgila une.

<sup>190</sup> Kangi uswe twali na kanini . . . Kangi u mama gwako na twesa ba uswe twayaga ni ngomano innini ukusyungutila ubuyo ubukindanekindane. Kangi ikitēmbē kikāli—kikāli kikēndāga akabalilo kala, kangi uswe twāyaga ni ngomano innīni mmabuyo amakīndanekīndane. Kangi kubumalikisyo ilisiku limo, ukufuma pa kipanga kyāyēngigwe, ifyīnja fingi fīyo, Une ndinkubuka ku Green's Mill ku mbako yangu ukwiputa, panongwa yakuti Nkundwe Davis ayobile ifindu ifinyali ukufwana nanine mu—mu kakalatasi yake. Une nalinganile umwene. Une ngālundaga nakimo ukuboneka, kangi une—une nābūkile kumwanya kula ukwakummwiputila umwene. Kangi une nābūkile kumwanya kula, kangi une ndinkwīngila mu mbako. Kangi une nāsyēle nkati mula kifuki masiku mabili. Kangi une ndinkuti, “Gwentwa, unswege umwene. Umwene—umwene atikusanyusa ikyo mma.” Kangi une ndinkwinogona, “Umwe mumenye . . .” Une itolo ndinkwagigwa ngwinogona isya Lisimbo.

<sup>191</sup> Kangi une ndikusōka pānja. Kangi pala kyālipo ikisīnga (ikisīnga kila kikāli kilāmbalele pala, nāli pa kyēne apa pakaya patali mma) pāsi ukufuma pa kyāmba nukulāmbalika ukukilania akayila akanini aka kakwisa ukusyungutila ukufuma ku kasōko. Kangi une itolo nālītogile i kisinga, ngukēta ukukilania ifyāmba kubutali kunyuma—kunyuma kula, kangi nālāmbalike i Bāngēli lyāngu panja bo ulu. Une ndinkwinogona, “Umwe mumenye . . .” Une ninogonaga isya Lisimbo: “U nkomafisulu fya koppa, umwēne ambōmbile une ukufulasya ukunywāmu, kangi ayobile ifīndu.” Umwe mumenye . . . Une ndinkwinogona, “Une ngusubila itolo une ngubalaga ikyo.” Une nigwile i Bangeli, kangi une ndinkuti, “Ena . . .” Ndinkusyula ikisyo kyangu, kangi umbelo gwāpūtīle, kangi ugwēne gulinkusanusya ilyēne ku Bahiburi 6. “Ena,” une ndinkuti, “uko ko kukaya kugu ikyēne kiliko.” Kangi une nālilāmbalike Ilyēne ukugomokesya bo ulu. Kangi u mbelo gulinkupūta kangi kangi gulinkusanusya Ilyene ukugomokela kangi. Kangi une ndinkuti, “Lilino, ikyo kyo kihesya, umbelo gukupūta ugwene ukugomokela bo lula.” Polelo une ndinkwinogona, “Ena, une ngusubila une ngubalaga iliyene.” Kangi lilinkuti:

*Kabuno ukwēne ko kukabagila ukubōmbigwa ku bala bābo bamulikigwemo akabalilo kamo, . . . batēndekigwe balilansi ba Mbepo Mwikemo, kangi bōnjile i . . . Lisyu lya Kyala, kangi ikindu kya kisu iki kikwisa.*

Une ndinkwinogona, “Ena, une ndikukibona nakimo na ikyo.” Ndikubala ikylene pasi, untu gosa ugu gusyele. Nakimo mu kyene. Une ndinkuti, “Ena, ikyo kyo—ikyo kyo kikumasya

inongwa ya ikyo.” Kangi une—une nākibwéne ikyēne bo iki, kangi ukugomokela ikyēne kyābūkīle kāngi. Kangi une ndinkupimba Ikyēne mmwanya, kangi une ndinkwīnogōna, “Mulimōsa, ngimba kila kyo fiki?” Une ndinkūmilisya ukubala ilyēne, nukubala ilyēne, nukubala ilyēne, une ndinkuti, “Ena, une ngabagīla ukupilikisya.” Polelo une ndinkūmilisya . . . Kangi une ndinkubala nkyēni pāsi:

*. . . kyo kisitakubagila ku bala bābo akabalilo kamo bamulikigwemo, . . .*

Ikyene kikwisa pāsi apa ku buyo apa pāpo ikyene kyātīle:

*Kangi ikisu . . . kikunwa mu fula iyi yikwisa kingikingi pa kyēne, u kutwāla panja ifimela ifyākulya ku fyēne ukwīsila mūmo ikyēne kyeselelīgwe, kikwāmbilīla isayo ukufuma kwa Kyala:*

*Lōli kila iki kikipāpa imifwa ni fitulwatulwa kikipīkīgwa, kangi. . . kifuki ku kigune; iki ubulongi bwāke bo kuya kōkīgwa.*

<sup>192</sup> Une ndinkuti, “Nguswiga iki kikusanusya?” Une itolo . . . Lilino, une ngālinogwine isya nakimo kumwanya kula. Ngwinogona itolo ikyo. Kangi itolo polelo bo une nālītugesye pala, Une ndinkwinogona Untwa ābagile ukumba une imboniboni ukufwana nu Nkundwe Davis na bene pasi pala. Kangi une nālītugesye pala; une ndinkukēta, kangi une ndinkukibona ikīndukimo kikusyūmbutuka panja ukukilania i kibwīna nkyēni mwa une. Kangi ikyēne kyāli kisu kya pāsi kikusyūmbutuka. Kangi une nākētīle ikyēne kyāli mōsa kimenyenīgwe, itolo kyabonekaga ngati kilimīgwe lōsa. Kangi u Nnyāmbāla alinkusōka panja ni kī—kī—ki kikulumba ikindu ikinywāmu mu nkyēni mwa Umwēne mwīsīwile ni mbeyu, kangi Umwēne āsopāga i mbeyu injila yōsa ukukilania i kīsu bo Umwēne ikubūka. Kangi Umwēne alinkubūka ukusyūngutila ubusyūngutilo bwa kīsu, kangi Umwēne alinkubūka ukuyōnga ku buketelo bwāngu. Kangi mbimbibi bo Umwēne ayōngile pa buketelo bwāngu, apa ikwisa u nnyāmbāla naloliloli mbonekegwakwībīlīla, afwēle mmyēnda imitītu, ikusyūngutila bo ulu, ukubuka, *whuu, whuu*, ukusōpa imbeyu imbibi, *whuu, whuu*. Kangi une nākikētīsīsyē ikyene, kangi bo i kīsu kilinkūmilisya ukusyūmbutuka . . .

<sup>193</sup> Ukukīndapo akabalilo ingano yikutupuka. Kangi akabalilo kāko ingano yikutupuka, ukufuma mula gikwīsa imitulwatulwa, ulusāngani, ni mīfwa, kangi ulutatambwe, na filifyōsa fikukula mmwanya, ilīsu lyalupyū, na filifyosa fikukulīla mmwanya mu ngano. Kangi ifyēne fyō fyōsa fyakulilaga palikimo. Kangi pala pakwisa ulwānaloli, ulubībi ulumu, kangi i nnīni i ngano yāli nuntu gwāke gwīkobīke bo ulu, kangi i nnīni ilitulwatulwa, kangi ulusāngani, imifwa, ifyēne fyāli nu ntu gwābo gwīkobike. Iliu līlīlyosa itolo, *haa, haa, haa, haa*, ukutūya bo lula. Ugwe

gwābagile itolo ukupilika ifyene. Kangi ifyēne fyākōlelāga ifula, fula.

<sup>194</sup> Kangi bo kakīndilepo akabalilo, mula likwīsa ilikulumba ilibīngo ilinywāmu, kangi a mīsi itolo galinkōneka pāsi. Kangi akabalilo kāko iyēne yāgwīle pamwanya pala, ingano yila yilinkunyela mmwanya nukwanda ukuywega, “Lwīmiko! Haleluya! Ntufye u Ntwa!” Mmwanya yilinkunyela ulunnini ulutatambwe nukuywēga, “Lwīmiko! Ntufye u Ntwa! Haleluya!” Imifwa na bosa ba abene, bikumoga ukusyungutila pa ngunda, ukukuta, “Lwimiko! Haleluya! Ntufye u Ntwa!”

Mulimosa, une ndinkuti, “Une ngabagila ukukyēga ikyo.”

<sup>195</sup> Imboniboni yilinkundeka une; polelo une ndinkugwila kunyuma pa ikyo kangi: “Ifitulwatulwa ifi fili kifuki ku butagigwe.” Polelo une ndinkupilikisya ikylene. Yeso alinkuti, “Ifula yikugwa pa bagolofu na pa basitabugolofu.” U nnyāmbāla abagile ukwitugasya mu lukomano, abagile ukuyoba mu ndimi, abagile ukuywēga kangi ukubōmbela itolo ngati ba bāngi ba abēne na Mbepo Mwikēmo ugwanaloli kangi pōpe ukusita kuya mu Kitāngalala kya Kyala. Uko ko katikati kotalusya. Ngimba Yeso akāyobile, “Bingi bisakwima mu lisiku lila nukuyoba, ‘Ntwa, ngimba une ngabopesya imisetano mu Ngamu Yāko? Ngimba une ngasolola (ngalumbilila) mu Ngamu Yako? Ngimba une ngabomba imbombo nyingi isyamaka mu Ngamu Yako?’” Yeso alinkuti, “Sokapo ukufuma pa Une, mwe babomba ulusāmbūko, Une nasiku ngabamenyemo umwe.” Bule apo?

<sup>196</sup> Apa po katikati iki ikylene kikusanusya apa. Muketile? Abene bagonjilēmo ifula innunu ukufuma ku Mwanya. Lōli ukwānda itolo, abēne bāli basobi. Ukwānda itolo ifūndo syābo sikāli ndalusye mma; ifyakulōnda fyābo fikāli fitalusye. Ikyo, ugwe ukabagīla ukuyoba. I. . . Umwe mumenye, mu mfunjo umwene āyobīle, “Ngimba une ngusōkaga panja nukwīpila fyosa ifyene panja?”

<sup>197</sup> Umwēne alinkuti, “Baleka abēne bayege palikimo, kangi ku lisiku lila imifwa ni mitula fisakōkigwa palikimo, kangi i ngano yisakubūka ku ndāmba.” Lilino, ugwe kumanyaga bulebule ugu go mwifwa, pamo ugu go ntulatula, pamo iki kyo ngano? “Ni fipaso fyabo ugwe gwisakubamanya abene.” Umwe muketile, nkundwe, kalumbu, umpiki unnunu akabagila ukutwala panja ifipaso ifinyali. Kisita kupasya, pa buyobumo mu nsebwe, ikylene kikufyukaga mmwanya na ugwe. Popāpo, ugwe kulōndēsya ulōsyo lwa Mbepo Mwikemo. . . Une ne nsangalufu aligwesa uyu āsīmbīle ikyo. Muketile?

<sup>198</sup> Lilino, bala abitiki bamumpaka kunyuma kula, abēne bāli palapala na bēne. Abēne babūtīgwe nu bubūtīgwe bwābo. Abēne babukile kulakula ku kisu iki Kyala āfingīle, kulakula ku lugēnge lwa ikylene. Abanyāmbāla bīngi bikwēnda kula ku lwēnge lula. Umwēne isakwēnda itolo mmwanya ku lōsyo



lwa Mbepo Mwikemo nukukâna ikyène. Umwène atikulõnda ukukilekesya ikyène môsa. Umwene isakusegelela kulakula ku losyo lwa Lisimbo mu Ngamu ya Yeso Kristi, nukusanusya inyuma yake, nukupîka ikyène ukwîkyûnga ukufuma kukikêta ikyène.

<sup>199</sup> Likayapo nalimo i Lisimbo limolyene mwi Bangeli lyosa kûko yumô aligwesa alyôsîgwémo siku mu ngamu ya Tâta, Mwanundumiana, Mbepo Mwikemo, komma i Lisimbo limolyene. I kipanga kya Katolika kyâyândîle ulwêne, ukusôka pânja mwa Luteri, ukusuluka mwa Wesley, kangi lwîkwâbile nkyêni ukukînda ukwisa apa. Uko ko katikati kotalusya. Lôli ulubâtiko lwa Mmasimbo lo Ngamu ya Ntwa Yeso Kristi. Ulo lo lôsyo lwa batumigwa. Ugwe ukabagîla ukubomba ikyo nukwitugasya mu kipanga-kipâgûke. Uko ko kotalusya.

<sup>200</sup> Lilino, umwe mukukêta ifindu ifyo? Ulosyo lwa Mbepo Mwikemo, ifikungilwa fya Mbepo, ifindu ifi Kÿala ikutwala panja . . . Ikipaso kya Mbepo yo lugano, buhobofu, ukukubilwa-kutali (o, ugwe kuyoba, “Loli Nkundwe Branham, saya Kÿala, une ngubilwe-butali.” Ikyène kikuboneka ngati ikyène. Une ndinkubûka ku Ohio apa pakaya patali mma, kangi umunduyumo âlindalusise une, âsîmbîle u kalata pâsi apa nukundâlúsya une linga une nâlyôsîsise abându mu Ngamu ya Yeso Kristi. Une ngayobilemo i lisyu limo siku. Abêne bâkyâgènie ikyène mulimôsa, kangi abalûmbilili kalongo-nantandatu aba twapilikisaniaga balinkubopa. Uko ko kukubilwa-katali bule ikyène!)—ukukibilwa-katali, ubununu, ubololo, ubununu, ubutengamoyo, kangi u Mbepo Mwikemo. Muketile?

<sup>201</sup> O, nkundwe, kalumbu, uswe tuli—uswe tuli pa Kadesh-baraneya. Ugwe kônja lilino. Nkilo u Mbepo Mwikemo âgwîle pa uswe, ukwisa mwa uswe, nkati bo u mbelo ugwabubopabopabopa. Ikyene kilinkusengama pa bingi ba umwe. Umwîsyugu abalûmbilili bâyâtilâga utwâya apa na apo, ukwâla pamwanya ifiboko nukubîputila abêne aba bikulõndalõnda Mbepo Mwikêmo. Komma ugwe ukwêga ikyakupyanikisyapo. Komma ugwe ukwêga uluko lumo lwa njwêgo. Komma ugwe ukwêga u luko lumo lwa kwîpilika. Ugwe gûlila pala mpaka Kÿala akubûmbile ugwe nukukupela ugwe ukuya kipelîgwa ikipya, kikutendekigwa ugwe ukuya mûndu umpya. Ugwe kônja Ikyène lilino, itolo ukônja Ikyène, lôli unko i Ngungubiya yikulôngolele ugwe kulakula ku mēsa, kangi—kangi Kang’osi ni Ngungubiya bitugesye pasi palikimo, nu kuya nu lusekelo kwa bwilanabwila pa Lisyu lya Kÿala. Kabuno Ilyene lisakwima akabalilo kako kukayako kumwanya pamo ikisu; i Lisyu lya Kÿala lisakusyalaga. Ikyo kyo kyabwanaloli.

<sup>202</sup> Ngulamba komma ukwînogona ukuti une ndi gwafigili. Linga une njîle, une ngasanwisye ukuya. Linga une . . . Une ngusûbila une nâmwîle amalâlusyo aga; une mbômbile, kubunu-ukukînda kwa bumanyi bwângu.

203 Kangi polelo, mu Bahiburi 6, linga ugwe kwisakukêta, Pauli ikuyoba ku Bahiburi ukuti âyobîle, “Ena, uswe tukubukaga nkyeni na ugwe kubutali fiyo.” Abene bikwisaga kuno. Umwe muketile? Alinkuti, “Lilino, ugwe uli. . .” Bala aba bikwisa pala kangi bagonjile.

204 Une nalyagigwe itolo ngukêta kunyuma ku liyumba. Ukunangisya umwe ubukêti bwa Kyala Gwabûmi. Une ngusûbila ndikupela u mûndu uyu ukubonekela. Une nisile nkati ukufuma ku lukomano pakaya patali mma, nu kwisa kuno, nu kufumunya kwa umwe ukuti umwinangu unnunu, ugwapanimwêne unnine gwa une, u mfwima palikimo, u nnyâmbâla uyu âli nnunu kwa une, u nnyâmbâla uyu âli ku kipanga kyangu, kangi âli nkundwe gwangu; une nalinkolîle umwene Busty. Ingamu yake yo Everett Rogers; itugasyâga mu Milltown. Balinga bikukumbukila une ngwisa apa ukufumunya ikyene? Umwene âlambalalâga apa nkipatala; abagânga bapânjile pa mwêne, ukumwîgûla umwêne lôsa, kangi fiyo iswîle na kansa mpaka abêne balinkunsona umwêne lôsa. Balinkuti, “Umwêne isakusimilila itolo ukubûka; mmilungu iminandi umwêne isakuyaga akîndile; ikyo kisakuyaga kyôsa kisakuyaga ku kyêne. Umwêne isakumalisigwa, ikyo kyo kyôsa.”

205 Umwe mukukumbukila mûmo une nimege apa pa kigemo, ukwiputula umwene? Nabûkile ukusuluka kula kangi nâbûkile nkyumba, ikindikimo kikulya mu ndumbula yangu. Une ndinkwingila mu kyumba, kangi mbimbibi mûmo une nabasôsisye aligwêsa panja ukuti une nâbagile. . . Nkundwe Everett âlambalêle pala. Kangi umwe mwisakukumbukila iki. Une ndinkwingila; une ndinkuti, “Nkundwe—Nkundwe Busty.” (Une nâlinkolîle umwene Busty.)

206 Iyolo lula akabalilo kako uswe twayaga ni ngomano sya fitembe kukusuluka kula, bôsa bala aba kiMethodisti kunyuma kula pa kâmba (Gertie, yumo mwa bêne), bikuselemukila ukusyungutila, bikutêndêla ukwisila mu kitembe kya mipesa ukukêta iki une nayaga pakuyoba, kangi ngati kila, bikutîla ukuti i kipanga kya Methodisti kyâbagile ukubakaga-nkipanga abêne. Kangi polelo, une ndinkubûka kangi nâli ni mboniboni pala, kangi une ndinkuyibona i nyama yôsa yilundikigwe mu kikopo. Une ndinkukôla ikipambo kya nswi nukusitûngânia isyene, ukusibîka—ukusibîka isyêne pa milisi igi, kangi une ndinkupinya imilisi palikimo. Kangi akabalilo kâko une nâkêtile. . . Kangi ikyêne kyâli kyôsa mu mboniboni; une nâbalekile—nâbalekile i kipambo kya bându bîmile pâsi pa kitembe kya milala ikilo kila nukubuka pa mwanya pa kâmba pa Nkundwe Wright. Kangi abêne balinkutoligwa nukunyâga une ulubunju lwa kilabo. Une ndinkuti, “Komma nayumo gwa umwe. . .”

207 Akabalilo kako une nimege pala ukulumbilila, apa pikwisa u Lumuli lula; i Mbanda ya Moto yila yâlitulike papapa apa

pankyeni pa une nukuti, “Sōkapo apa nukubūka ku matengele; une nisakuyobaga kwa umwe.” Ilyene lyali lisiku lilalila, ilisiku ilinine akabalilo kako abene bānyāgēge une pa kām̄ba. Kangi une nāli kumwanya kula; une nāfisile iligali lyangu mu lisu, kangi nafumile pakuya pamwanya pa kyām̄ba ngwīpūta ikilo kyōsa kangi lyōsa ilisiku ilikōnge. Bāmo ba bēne bikwīsa pamwanya pala, balyāgile iligali kangi balinkwīsa pamwanya pala. . . Lila lyaali lisiku ili Nkundwe Graham Snelling, apa, aalimmwambilile Mbepo Mwikemo nu bukolelo ukubuka mu butumigwe.

<sup>208</sup> Pamwanya pala pa lubafu lwa kām̄ba kūko une nāfumile pakulāmbala kula, kangi Umwēne—Umwēne ālimbūlile une ifindu ifikīndāne ukubōmba na iki ubuyobesanio uswe twāfumile ukuya nabo palikimo. Umwēne āpēle i mboniboni iya kukēta iswi isi sitūngigwe mōsa, kilinkuti, “Iki kyo kipānga kyāko kya ku Milltown.”

Kangi bana pamo bahano ba bēne balinkusatukamo; kangi une ndinkuti, “Yo ywāni yula?”

Alinkuti, “Yumo mwa bēne yo Guy Spencer nu nkasi gwāke. U yūngi yula yo u yūngi Spencer pala, na bābo.” Kangi Umwēne ālimbūlile abakīndāne bala, iki kyayaga pakusatukamo.

<sup>209</sup> Une nābabūlile abēne; une ndinkuti, “Komma nayumo gwa umwe ukulya.” Unkasi gwāngu na une ngāli. . . Ikyēne kyāli bo uswe tukāli ukwēgana; kangi umwene alinkubuka ku kāya ukwītugasya ikilo kyosa na Kalumbu Spencer, u nkikulu unsangalusye. Unnyāmbāla unsāngalusye, Guy Spencer yo itolo yo nnūnu u nyāmbala bo imile mu kilato kya kipapa. Kangi umwene—kangi umwene ābukile pāsi pala, kangi Opal alinkuti, “Lilino, kēta. . .” Kwa Meda, umwene alinkuti, “Lilino, Meda, Une ngwitika Nkundwe Bill.” Umwene alinkuti, “Loli akabalilo kako Opal ikuya ni njala, umwene ikufimbilisigwa ukuya ni nyama ya ngulube na mafumbi.” Popāpo umwēne ikubūka ukukilania kula, nukwakukalanga iyāke inyama ya ngulube na mafumbi, nukwītugasya pāsi ukulya ifyēne, nukwānda ukuyoba u lusayo, nukwigēmekesya ukukilania ku mēsa, ikukūta, ikutoligwa ukupalamasya ikyēne. Polelo abēne bikwīsa ukufwīma.

<sup>210</sup> Kangi pamwanya pala pa kām̄ba ilisiku lila, Umwene ālimbūlile une katikati iki kikubonekaga. Umwene alinkuti, “Aba bisakusōkapo, kangi polelo aba bisakusōkāpo.” Lōli Umwēne āli ni kipāmbō ikinywāmu ikya nyama yankitini. Umwēne alinkuti, “Kyūnga iki kuli bubōmbelambombo bwankyēni kuli abāndu ba ku Milltown.” Kangi ikilo kimo akabalilo kako une nāpilike u Nkundwe Creech. . . Umwene ālitugesye apa ikilo kya mmayolo. Une ndiku. . . Nkundwe Creech, ngimba ugwe uli muno ikilo iki? Akabalilo kāko Nkundwe Creech ikwīsa kwa une, ālingōlile une, kangi Kalumbu

Creech, ikukūta; u gwīse ālambaléle pala. Alinkuti, “Nkundwe Bill, komma ukumbula umwene. Umwene ikufwa.” Alinkuti, “Umwēne aligwe na kansa; abagānga bālimmwīgwīle umwēne lōsa, kangī umwēne yo itolo isusīgwe na kansa mūmo umwēne abagīle ukuya.” Kangi Will Hall (kangi mwesa ba umwe mukukumbukila umwene), akabalilo kako u dokotala yulayula ālimmwīgwīle umwene kangī umwene ālisusīgwe na kansa. . . Une ndinkwānda ukubuka ku kufwima abālukoti ulubunju lula, kangī une ndinkubabona aba apulo batulikigwe nkyumba. (Umwe mukukumbukila akapango kala ka ikyene?) Kangi pala u nnyāmbāla yula mūmi umwīsyūgu. Ikyo kifumile pakuya finja ifi fikīndilepo. Umwēne na Nkundwe Busty bāli bīnake.

<sup>211</sup> Kangi une ndinkubuka kula ku kipatala, nkipatala ikipyā (une ngwībwa iki abēne bikukikōlēla ikyēne, panja pala mu New Albany) kipatala ikipyā. Kangi une ndinkubuka kula ukwakumbona Busty; kangī akabalilo kako une nābukile nkyumba, une ndinkuti, “Nkundwe Busty.”

Umwene alinkuti, “Nkundwe Bill.” Ikukamata ikiboko kyāngu nu luponio ulunywamu ulwaiyolo lula; umfumakubwīte bwa Bwīte Bwākwānda Bwakisukyosa, kisita kuyoba ubwēne mu kuyapo kwāke, lōli itolo ukuya nnunu i ndūmbula bo mūmo yitikilemo siku pasi pa shati ya blu. Umwēne alinkwēga ubukolelele bwa kiboko kyāngu. Une njīlēmo mu nyumba yāke; ndīlēmo mu nyumba yāke; ngonilēmo mu nyumba yāke, itolo bo une nāli nnuguna gwāke. Abanike bake na bosa, uswe tuli itolo— itolo bakundwe balilopa ngati. Unnyambala unnunu.

<sup>212</sup> Kangi umwene. . . Loli umwene akālisilēmo siku nu Ntwa unsolofu. Umwene. . . Une nālimmosīsyē umwene mu Ngamu ya Yeso Kristi. Loli ilisiku lila akabalilo kako undumbilili gwa ki Methodisti aayobile, “Aligwesa uyu ōsigwe mu Ngamu ya Yeso Kristi, soka panja ukufuma pasi pa kihēma kyangu.” Ikyo kyali kanunu. George Wright na bala balyepwike panja. Pamusi pala une ndinkubuka pasi pala ukōsya mu Ngamu ya Yeso Kristi ku Totten Ford. Ikilundilo kyāke kyōsa kilinkwēnda mmisi kangī kyalyōsīgwe mu Ngamu ya Yeso Kristi. Popāpo une itolo nākīndilile. Kila kyāli kinunu. Kyala ayege kuli ugwe, ywāni abagile ukulwāna na ugwe? Une ngamanya na pāpo u nnyāmbāla yūla ābūkīle, iki kyābonike ku mwēne.

<sup>213</sup> Lōli, une ndinkwingila nkipatala. Pala ālipo Busty alāmbalele pala fiyo isusīgwe na kansa, abagānga balinkutoligwa na kōpe, bakabōmbīle nakimo lōli itolo ukunsona umwēne ukugomokesya palikimo. Busty āyobile kwa une; umwene alinkuti, “Nkundwe Bill, iki kyo panongwa ya lubīngililo lumo. Ikindukimo kyabonike.”

Une ndinkuti, “Ena, Busty.” Ndinkwanda ukwipilika u Mbepo yula bo gula umbelo ugwakubopabopa une mfumile pakuyobapo, umwe mumenye, ukwisa.

Umwene alinkuti...Akabalilo kako une nendile nkati muno, kyălipo ikipingafula mu nguto yila, yĩmĩle mu nguto yila. I kipingafula kyo lwĩtikáno; u lwĩtikáno lwa Kyala. Kyala átëndike u lwĩtikáno na une pa kyamba kila ilisiku lila. Ukubĩka amaboko gāngu pamwanya pa Nkundwe Busty nukummwiputila umwene.

Abagānga bikuti, “Umwēne isakusimililaga ukubũka. Umwēne itolo isakubũkaga pāsi. Kikayapo nakimo ikyakubomba...Umwene isakubukaga itolo mmasiku manandi.” Kangi Busty Rogers...Gila gyo gifumile ukuya milungu ni milungu ni milungu igi gikĩndĩle, kangi Busty Rogers, itũgēsye kulakula kunyuma apa nkipānga ikilo iki, gwabukafu kangi gwambili bo mũmo une ngetilemo siku umwēne ikubonekela mbũmi bwāngu. Imilila mmwanya, Nkundwe Busty. Pala umwene alipo. Unko uswe tumpe Kyala ulutufyo, aligwesa.

Abēne bābũngéne nkyũmba kyapamwanya,  
Bōsa bĩputaga mu Ngamu Yake.  
Balyosigwe nu Mbepo Mwikemo,  
Kangi amaka ga bubōmbélo galinkwīsa.  
Lilino, iki Umwene ābombile ku bene ilisiku  
lila  
Umwēne isakubōmbela ugwe kilakila.  
Une nhobwike fiyo ukuti une mbagile ukuyoba  
une ndi yumo gwa bene.

Une ndi yumo mwa bēne, yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene; (Aleluya!)  
Yimo mwa isyēne, une ndi yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene.

Palema nalinga abāndu aba lumo  
batisakwiyobela ukuya,  
Pamo ukwītũfya isya bufumuke bwankisu,  
Abēne bōsa balyāmbilĩle Pentekosti gwābo,  
Bōsĩgwe mu Ngamu ya Yeso;  
Kangi abēne bikubũla lilino kosa-kubili  
kubutali kangi mbupāpate,  
A maka Gāke gakāli galagala.  
Une nhobwike fiyo ukuti une mbagile ukuyoba  
une ndi yumo gwa bene.

Une ndi yumo mwa bēne, une ndi yumo gwa  
bēne,  
Une nhobwike fiyo ukuti une mbagile ukuyoba  
Une ndi yumo gwa bene; (Aleluya!)  
Yimo mwa bēne, une ndi yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene.

Lilino, isaga, nkundwe gwangu, londesya  
ulusayo ulu

Ulo lwisa kusukaga indumbula yako ukufuma  
ku butulwanongwa,

Ulu lwisa kwānda amabāngāla gabuhobofu  
ukukuba

Kangi lwisakukyūnga u moyo gwāko pa lulapi;

O, ikyene kikupya lilino mu ndumbula yangu,

O, lwīmiko ku Ngamu Yāke,

Une nhobwike fiyo ukuti une mbagile ukuyoba  
une ndi yumo gwa bene.

Unko uswe twimbe ulwēne!

O, yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene; (Aleluya!)

Yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene.

Balinga ngimba bali yumo mwa bēne? Fyusya ifiboko fyinu.  
O, mwe! O, mūmo une njilile ukuhoboka une ndi yumo gwa bēne!

Yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene; (Aleluya!)

Yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene.

Abēne bābūngēne mu kyūmba kyapamwanya  
kila,

Bōsa bīpūtaga mu Ngamu Yake,

Abene bālyosigwe nu Mbepo Mwikemo,

Polelo a maka ga bubōmbelo galinkwisa;

Lilino, iki Umwene ābombile ku bene ilisiku  
lila

Umwēne isakubōmbela kuli ugwe kilakila,

Une nhobwike fiyo ukuti une mbagile ukuyoba  
une ndi yumo gwa bene.

O, yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene; (Aleluya!)

Yumo mwa bēne, yumo mwa bēne,

Une nhobwike fiyo ukuti une mbagile ukuyoba  
une ndi yumo gwa bene.

Lilino, akabalilo kako uswe tukwimba ulukobelo lula kangi,  
une ngulonda aligwesa gwa umwe ukusanuka ukusyungutila,

nukuponia amaboko nu munduyumo kifuki na ugwe, nukuyoba, “Ngimba ugwe uli yumo gwa bēne?” Muketile? Umma ndaga.

O, yumo mwa bene, (Une mmenye ugwe guli,  
Nkundwe Neville. Une mmenye ugwe guli,  
Nkundwe Capps. Une mmenye ugwe guli.  
Une mmenye ugwe guli. . . ? . . . )  
. . . Une ndi yumo gwa bēne;  
O, yumo mwa bēne, yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene.

<sup>214</sup> O, ngimba umwe mukahoboka umwe muli yumo mwa bēne? Balinga bikulonda ukuya yumo? Fyusya ikiboko kyako. Umma ndaga. Lilino, une ngwĩmbaga iki kuli umwe:

Polelo isaga nkundwe gwangu, lõndesya  
ulusayo ulu  
Ulo lwĩsa kusukaga indumbula yako ukufuma  
ku butulwanongwa,  
Ulo lwĩsa kwānda amabāngàla ga buhobofu  
ukukuba,  
Kangi lwisakukyūnga u moyo gwāko pa lulapi;  
O, ikyēne kikwāka lilino pāsi mu ndumbula  
yāngu,  
O, lwĩmiko ku Ngamu Yāke,  
Une nhobwike fiyo ukuti une mbagile ukuyoba  
une ndi yumo gwa bene.  
O, yumo mwa bēne, yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene; (Aleluya!)  
Yumo mwa bēne, une ndi yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene.

<sup>215</sup> Kumbukaga yo ndindwana unnini yula āyobile kwa Peteri, “Ngimba ugwe ukaya yumo gwa bēne?” Une nhobwike fiyo, bule ugwe? Umwe mumenye, Peteri āyobĩle pa lisiku lya Pentekosti, “Iki kyo Kila!” Lilino, une bwila njobile, “Linga *Iki* kikaya *Kila* mma, une nhobwike une ndinakyo *Iki*, ukugũlĩla *Kila* ukwisa.” Uko ko kutalusya. Une nhobwike isya *Iki*.

Kabuno une ndi yumo gwa bēne, une ndi yumo  
mwa bēne  
Une nhobwike fiyo ukuti une mbagile ukuyoba  
une ndi yumo gwa bene;  
O, yumo mwa bēne, yumo mwa bēne,  
Une nhobwike fiyo ukuti une mbagile ukuyoba  
une ndi yumo gwa bene.

<sup>216</sup> O, ngimba iki kikaya kinyafu, twitugesye palikimo mabuyo Gammwanyamwanya mwa Kristi Yeso, ukulĩlania na Mbepo, ukulĩlanila pa Lisyu, ukuyoba isya findu ifinunu ukwisa. Ikyene

kyo kinunu fiyo. Une nhobwike fiyo ukumanya ikyo, bule umwe? Ngimba umwe mukaya bahobofu umwe muli Bakristi? Ngimba umwe mukaya bahobofu imbibi syĩnu sili pāsi pa Lilopa? Umwene ikwisaga limo mwa masiku aga, kangi uswe tukubukaga nu Mwene. Polelo inogona, bōsa u bukāngāle bwīsakugwīla pāsi ukufuma kwa uswe; bōsa ububine, syōsa i ngubilwo, bōsa ubūmi bwākufwa bwisa kwāndūka. O, mwe! Une mbagile itolo ukwinogona isya bakundwe baiyolo aba bālimīle apa. Une ngukumbukila... Balinga bikukumbukila Rabbi Lawson? Mwe, kifuki mwesa ba umwe. Une mbagile ukumbona umwene ikutulika yila iyaiyolo ingili papapa apa. Kangi une nītugasyaga kunyuma kula. Umwēne ikwīmba ulwīmbo ulunini ulu... (Itolo i miniti Teddy, nkundwe.) Une ngugelaga, ngēte linga une mbagile ukukāga akīmbligo ka ulwēne. Une ngamanya.

Kula kukungulila une u kilabo ugwabuhobofu,  
Kūko ifipata fya mabwe'mapala fikwīguka  
nubupapate,  
Kangi akabalilo kako une ngukilania injila iyi  
iya busulumanie,  
Une ngutūsyaga pa Lubafu ulungi.

Ilisiku limo ukukinda ubufike bwa bumanyi  
bwakufwa,  
Ilisiku limo, Kyala yo mwene amenye ukuti  
poki pamo ndili,  
Amaguudumu ga bumi ubwakufwa gisakwima  
kimyemye,  
Polelo une ngubukaga ukwakwitugala pa  
kyamba kya Siyoni. (Ena.)

<sup>217</sup> Amagūdumu amanini aga gāgo gikusyūmbutuka mwa uswe— kēta, gōnja, palamasya, nūngīsyā, kangi pilika, ifyakwipilikisya ifinini ifi kangi amagūdumu aga gikusyūmbutuka mu būmi bwakufwa ubu, ilisiku limo agene gisakwima kimyemye. Polelo une, nimwene, kangi ugwe, uswe tukubukaga ukwitugala pa kyamba kya Siyoni. O, une nkiganiile ikyo, bule umwe? Tumenye uswe tuli nu busisimikisyo ubusayigwa bula. Umma ndaga. Balinga bamenye ulwimbo lwitu ulwaiyolo ulwakosya? Lilino, uswe tukwāndusyaga ikyo. Unko uswe twege ulwimbo lwitu ulwakusātīla:

Ega i Ngamu ya Yesu na ugwe  
Mwana gwa busulumanie ni soka;  
Iyene ubuhofu nu lusūbisyo yisakukupaga,  
Ega Iyene kulikosa ugwe kubuka.

<sup>218</sup> Ega i Ngamu ya Yeso na ugwe. Bomba itolo ikyo, mumo ugwe kubuka. Umma ndaga, mosa palikimo lilino. Komma ukwībwa, pa sala ya lwele ndubūnju amakadi ga lwīpūto gisakuyabanigwaga kuli u lukomano. Ulukomano lukwanda



pa sala ya buhano-na-buna-na-sinda. Une nisakulumbililaga pa kalongo. Ububōmbelo bwa lwīputil'ababine bwīsa kwānda kifuki isala ya kalongo-na-yimo.

<sup>219</sup> Kilābo pamūsi, kilābo namayolo kwīsakuyaga ngako i ndumi ya lupīnduko ku kipānga. Kangi kilabo nkilo, mwesa umwe mwe mupindwike ukufuma ku mbībi syinu kangi mukōsigwamo siku, pisakuyapo. . . ikitubwi kisakwīgūka; uswe twisakōsyāga abāndu mu Ngamu ya Ntwa Yeso Kristi.

<sup>220</sup> Aligwesa palikimo lilino, akabalilo kako uswe tukwimba pa mwanya pa masyu gitu. Nkundwe Busty, ugwe ukamanya mūmo une nhobokīle kangi gwakupālisya kwa Kyala. Umwe mumenye, umwene ābūkile kula ku ngānga. Kangi abene bikumbula une u dokotala alinkunketa umwene, kangi itolo akāménye ikyakwīnogōna. Umwene akālitike ikyene āli yo miana yulayula. O, ikyene kyo kikaya kyakubutitu iki Kyala abagīle ukubomba. Ngimba uko kukaya ko kutalusya? Umma ndaga.

Ega i Ngamu. . .

Kuba iyēne pānja!

. . .na ugwe,  
 Mwana gwa busulumanie ni soka;  
 Iyene ubuhofu nu ubusūbisi yisakukupaga  
 ugwe,  
 Lilino, ega Iyēne kulikōsa ugwe kubūka.  
 Ngamu Imbala, (Ngamu Imbala!) O yo  
 nyafunki!  
 Lusubilo lwa kisu kangi buhofu bwa  
 Kumwanya;  
 Ngamu Imbala, (O, Ngamu imbala!) O bunyafu  
 buki!  
 Lusubilo lwa kisu kangi buhofu bwa  
 Kumwanya.

<sup>221</sup> Umma ndaga. Une ngusanusyila u lukomano lilino ku ntimi. Umwene isakuyaga na masyu gamo, pamo ukuyoba kuli yumo ukusātisya uswe, kilikuyōsa kili pa linogonelo lyāke. 🐦

59-1219 Malâlùsyo na Māmulo pa Mbepo Mwíkèmo  
Kitembe Kya Branham  
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)